

# دلیفری روایة

للکاتب

مصطفی عرفه

## دار الفراعنة للطباعة والنشر والتوزيع



رئيس مجلس الادارة

إكرام عيد

المدير التنفيذي

فاطمة عبدالعزيز حرز

اسم المؤلف : مصطفى عرفه

رقم الايداع : ٢٠١٨/١١٥٠٥

الترقيم الدولي : 978-977-85388-5-2

نائب المدير

حبيبة وليد محمود

مراجعة لغوية

دكتور عبد الناصر العيسوى

تصميم الغلاف

فارس على عساكر

الإخراج الفني

إكرام عيد

الطبعة الثانية / يوليو ٢٠١٨

حقوق الطباعة محفوظة للمؤلف

الحكمة عشرة أجزاء ، تسعة منها فى الصمت  
والعاشر إعتزالك لصغار العقول

\*\*\*\*\*

إهداء ،،، إلى أبى وأمى وإخوتى وعائلتى وكل من كان سبباً فى  
تشجيعى على إتمام هذا العمل وغيره من الأعمال . وأخص بالذكر  
الصديق العزيز الأستاذ أحمد كريم وكثيرون لا أستطيع أن أحصى  
أسمائهم ، فلهم جميعاً جزيل الشكر

\*\*\*\*\*

كما أود أن أذكر عمالقة السينما الذين ألهمونا بكثير من القفشات  
والعبارات والتى لا تتساها السينما المصرية .. بل والأسلوب الراقى  
فى الأداء ومنهم العمالقة، الزعيم والأسطورة والسقا المتألق والأنيق  
حسين فهمى وعز وغانم ودنيا وإيمى والمبدعين سعد ورمزى وحلمى  
وأبو ضحكه جنان والعنديلين والقديرين حسن حسنى، محمود عبد  
العزيز، نور الشريف، نهال عنبر، إسعاد يونس، حسن كامى،  
يوسف فوزى وكثيرون من النجوم الشباب والسابقين الرائعين  
والعالمى جميل راتب وتميم عبده وكثيرون وردت عباراتهم ولزوماتهم  
بتلك القصة، بل وكل من كتب لهم تلك العبارات المحفورة بالذاكرة،  
وبالتأكيد لن يخفى على القارئ ممن إستمد الكاتب إلهامه من هؤلاء  
النجوم وغيرهم حتى يخلق بعضاً من شخصيات تلك القصة و  
غيرها من القصص ومن منهم إقتبسنا بعضاً من عباراتهم الرنانة،  
القديمة فى تاريخها والحديثة ببقائها برنينها ورونقها الذى لا يذبل  
مهما مر عليها من الزمن .

مقتطفات وتعليقات

<p>○ واضح إنك حلجى يا منصور. يهرش منصور فى قفاه :حلجى!! تصدق. مش إنت الوحيد إالى قالى كده. بس إنت عرفت حلجى دى منين يا خواجه ○ م تخودش فى بالك يا منصور .. معاك CPA</p>	<p>ثمانية مسلحين ملثمين قادمون من أعلى تبه متاخمه لمهبط الطائرات .. قادمون على خيولهم يتجهون بسرعه تجاه الطائرة .. فتملاً الأفق بالأترية المتصاعدة.. يحاصرون الطائرة فى لمح البصر ويطلقون النار بالهواء .. فنسمع صراخ الركاب الذين أيقنوا بأنها الهلكة لا محاله</p>
<p>وفجأة وبدون سابق إنذار ،كابتن جلال يحرك ذراع معدنى ناحيته ويضغط على زر أحمر</p>	
<p>○ مش معقول .... دا بيبكى مين إالى بيبكى ؟؟ .. رقم ٢ .. رقم ٢ بيبكى ؟؟</p>	<p>○ يعنى خاطف الطائرة ليه !!! عشان يفسحهم فى دريم بارك !!! ولا يوديهم كارفور إسكندرية</p>
<p>مستر ديفيد فيكسد وينج David Fixed Wing .. مندوب شركة بوينج عد التليفون يا فندم</p>	
<p>لو أعرف إن القصة ه تنتهى مع كلمة تمت ،، مكنتش قفلتها قبل آخرها</p>	<p>يعنى مخلتنيش أعرف إنت مين طول الفترة دى، وكمان مفيش خطة للهرب</p>

صفحة ١٧٣ : بالرغم من كل تلك المفاجآت ، فلم يُسدل الستار بعد، يمكنك احتساء فنان الشاي الذى أمامك لنستكمل (سويًا) قصتنا التى لم تنتهى بعد ، ف الكثير والكثير فى إنتظارنا ، هل نسيت كلمات السيد عطارذ أو الحكيم بأن المفاجآت ستنزل كالصواعق واحدة تلو الأخرى

○ اسمه إيه  
○ مش باين ..... ٢  
○ إيه هو إالى ٢ ؟؟  
○ مش باين ،، ٢ .. رقم ٢  
○ فى الدرجة الثانية يا سيد عطارذ  
○ معرفش .. معرفش .. قالها المنجم وهو ممسك برأسه يضع المنجم يده على ماكيت طائرة على الترابيزه أمامه .. ويأخذ فى تحسسها من الأمام للخلف والعكس ويركز تركيز عميق  
- بيكشف ع الطيارة  
- تقريباً عاوز يعرف نوع الجنين

○ وكمان.عاوزين نظمن على ،،  
○ نظمن ع الطيارة .. مش كده  
○ لا لا .. مش مهم طيارة  
○ على تكنولوجيا . مفهوم مفهوم  
○ لا لا .. مش مهم تكنولوجيا  
○ أمال عاوز نظمن على إيه  
○ مستر وينج ؟  
○ عاوز نظمن على أنيتا مستر فاضل  
\*\*\*\*\*  
○ لا لا. إنت مش تفهمنى صح بردو  
○ مستر فاضل . دى سيادة المستشاره  
○ إتصلت بالرئيس كلينتون ووصته عليها

المنتج (الذى إشتري الرواية) : إيه الحكاية إالى مش عاوزه تخلص دى، هو مفيش حد عارف يحزر أم الطيارة دى ولا إيه، أمال فين أدهم باشا، ولا عم فای دا ه يتنو خاطفها كده وأنا عمال ب أكع إيجار الطيارة كل يوم، فى إيه ياااا عم المؤلف، مفيش حل ولا إيه، ولا تكونوش عاملين حسابكوا تفجروها وأدفع أنا تمنها، وينظر للمؤلف وللمخرج شذراً، شوقوا يكون فى علمكوا، كلها عشر دقائق، لو الموضوع دا م إتخلص، أنا ه بيقالى تصرف تانى

## (١) الحفلة

### قاعة الإحتفالات

يتم الإعداد لإحتفال ضخم داخل إحدى القاعات الفارهة الضخمة بواحد من أكبر وأفخم الفنادق حيث زخم جموع الحاضرين بالقاعة من كبار الزوار والمسؤولين الذين يرتدون بزاتهم الأنيقة وكرفات العنق، أناس يتحركون فى كل إتجاه يتبادلون التحيات والحوارات الجانبية فى مجموعات منفصلة قبل بدء الإحتفال رسمياً .

المتر دى أوئل وعدد من الجارسونات الذين يتابعون بدأب شديد طلبات المدعويين ووضعت زجاجات المياه على الترابيزات، تلك الترابيزات ذات المفارش البيضاء الفاخرة والورود فاتئة الجمال التى لا يمكنك تمييزها عن الورود الطبيعية، تنتشر الورود والأشجار الصناعية بكل مكان بالقاعة، الأضواء خافتة، السجاد الأحمر الفاخر يفصل بين الترابيزات فى تناغم وحرفية كما لو كانت تشكل خط سير خلية نحل ثمانية الأضلاع على الأرض.

خارج قاعة الإحتفالات عدد من الضيوف ينزلون من سياراتهم الفخمة متجهين إلى القاعة بعدما يفتح لهم سائقهم أبواب السيارات الخلفية وتوجد لافتة فخمة بالقرب من باب القاعة مكتوب عليها

"إحتفالية شركة ستار إير لاينز أوفرسيز"

إحتفالية الرقم القياسى فى السلامة والأمن

"Safety Festival"

"No Accident Track Record Festival"

NATR Festival

و أسفلها صورة ركاب بيتسمون ويضحكون داخل طائرة مع المضيفة بينما يظهر على الوجه الخلفى للافتة صورة أخرى لحطام طائرة بالبحر وجوارها نار مشتعلة وصورة سمكة قرش تفتح فمها لأعلى

لتبتلع راكب يهوى من السماء رأساً على عقب بشكل كوميدى، صورة تنذر بعواقب وخيمة !

### مطار القاهرة

وعلى الجانب الآخر، حركة دؤوبة من الركاب القادمين والمغادرين صالة مطار القاهرة الدولى إلى بوابات الدخول وإجراءات التفتيش عليها .

### التاسعة صباحاً

عودةً إلى قاعة الإحتفالات مرة أخرى، حيث عدد من الحاضرين فى القاعة يتبادلون الحديث، فنسمع أحد المدعوات التى يبدو أنها مسؤلة إحدى الشركات السياحية الكبرى تتحدث لمن بصُحبتِها من الضيوف قائلة مستر فاضل داعى شركات سياحية عالمية من كل حته، من روسيا وإيطاليا و .....

ويتحول الحديث إلى سيدة أخرى

سيدة ٢ : و وزير الطيران المدنى و وزير الطيران المغربى والفرنسى وتشير بيدها على وزير الطيران الفرنسى الواقف بعيد والمنشغل بالحديث مع عدد من الضيوف وتسترسل : "أهه، وممثلين عن منظمات الطيران العالمية"

سيدة أخرى ٣ : على فكرة مقر الشركة جنبنا هنا جنب الفندق علطول مدعو ١ : آه .. آه .. ما أنا عارف

مدعو آخر : ما هو مستر فاضل حب الفندق يبقى جنب الشركة والمطار عشان فى ضيوف جايين الإحتفال وراجعين علطول وعشان إلى ه يزوروا مقر الشركة تبقى قريبة هنا

تتلفت السيدة حولها وتتساءل : بس هو فين فاضل بيه

مدعو ١ : أعتقد بره بيستقبل الضيوف

عدد من المسؤولين بالشركة ذوى الملابس الرسمية الأنيقة يرحبون بالضيوف عند مدخل القاعة بينما المصورون يستعرضون أعداد جموع الحاضرين من أعلى والتي تظهر على شاشات العرض بالقاعة مروراً بساعة حائط تشير عقاربها إلى التاسعة صباحاً وخارج قاعة الإحتفالات نجد رئيس الشركة وعدد من المسؤولين الذين يرتدون بذاتهم الأنيقة يرحبون بالضيوف حيث تتدلى الكارنيهات على صدورهم

وعلى الباب يقف رجل ضخم الجثة أنيق ذو شارب هو شوكت باشا، تقاعد مبكراً وكان برتبة عقيد وهو الآن فى الستين من عمره لا تبدو عليه علامات الرزانة، بل يبدو كرجل باسم الوجه وكما نقول بلغتنا العامية (هليهلى) يعمل مدير أمن شركة الطيران صاحبة الإحتفال فيقترب منه رجل من رجاله يسأله عما إذا كانت هناك أى أوامر من الواجب تنفيذها .

فيشير شوكت باشا لرجل الأمن بيده اليمنى إلى جهة اليمين : وَرَعلى أربعة هنا ع المدخل الرئيسى، ثم يشير للأمام : وإتتين هنا كمان ثم ينظر لرئيس الشركة : إيه رأيك فى الأمن يا فاضل بيه. يرد فاضل بيه رئيس الشركة وهو رجل ضخم البنية، أصلع عليه مهابة قد تعدى الستين من عمره : والله دا شغلك أنا م باتدخّلش فيه يا شوكت ثم يسترسل بإبتسامة ساخرة : بس إيه الأمن ده كله، إنت داخل موقعة حربية ولا إيه !!

فيرد شوكت بيه : معلش يا فاضل بيه، دول ضيوفنا ولازم نأمنهم كويس تبقى كارثة لو حصل حاجه، دا نظام أمنى مش ممكن حد يخترقه يا فاضل بيه. يقولها شوكت بيه بصيغة الواثق من أن النظام الأمنى لا يمكن إختراقه ويبدو ذلك جلياً فى أعداد أفراد الأمن وإجراءات التفتيش بالقاعة

أما خارج بوابة الدخول إلى الفندق يفتح أحد سائقي تلك السيارات الفارهة، الباب الخلفى لسيارة سوداء من طراز مرسيدس، ينزل منها مسئول خواجة كبير، ويتجه ناحية القاعة،

يرحب به فاضل بيه بأسلوب إحترافى متعارف عليه بروتوكولياً فهو مخضرم بمجال السياحة لعشرات السنين، ثم يأتى دور شوكت بيه مدير أمن الشركة للترحيب به، فيشير إليه شوكت بيه بيده اليمنى بالدخول للقاعة بإبتسامة فكاهية معبراً عن سعادته، و يخاطبه بلغة

إنجليزية ركيكة وهو مبتسم: With your right leg please

الضيف (متعجباً) : إيه؟؟

فيرد شوكت بيه (مبتسماً) : برجلك اليمين لو سمحت. فيبتسم الضيف متعجباً ويدخل إلى القاعة

ويشير شوكت بيه لأحد أفراد الأمن بشكل كوميدى ملمحاً إليه إن كان تم تفتيش ذلك الخواجة جيداً هو وسيارته بالبوابة الخارجية للفندق، فعلى ما يبدو أن وجه الخواجة لم يكن على هوى شوكت بيه الذى يشك فى كل شئ بحكم صيغته الأمنية

داخل قاعة الإحتفالات وعلى خشبة المسرح، يصعد مسئول شاب بشركة الطيران إلى المسرح ويبدأ فى الحديث: يتشرف السيد فاضل دكرورى وأعضاء مجلس إدارة شركة ستار إير لاينز أوفرسيز بالترحيب بالسادة الضيوف، رئيس وأعضاء هيئة الطيران المدنى، والسيد وزير الطيران المدنى، والسادة الحضور، أولاً، بنشكركم على حسن تعاونكم وإنكم إتحملتوا الإجراءات الأمنية المشددة على باب الفندق وأتمنى ماتكونش أزعتكم، دى إجراءات أمنية لصالح حضراتكم، إنتوا عارفين القلق اليومين دول

ينظر المسئول الشاب إلى الورقة التي أمامه : إحم إحم، اليوم، ثم يرفع رأسه للحاضرين مسترسلاً : هو إحتقال شركتنا شركة ستار إير لاينز أوفرسيز بمرور ٣ سنوات على تفعيل أحدث الأنظمة الأمنية في العالم على مستوى شركات الطيران،

مش بس كده، لكن بالإحتقال بمرور ٢١ سنة على الشركة، بدون تسجيل أى حوادث، نقدر نقول معدل حوادث صفر، ودلوقتي ه نعرضلك جزء من بعض الأنظمة الأمنية الجديدة اللى تم إستخدامها .

### داخل الطائرة

المضيفين والمضيفات يسيرون بالممر يوجهون الركاب لربط الأحزمة وضبط وضعية ظهر الكراسى

ويساعدون بعض الركاب، وتشرح المضيفات وسائل الأمان بالطائرة والمعناد سماعها بالرحلات الجوية

صوت الإذاعة الداخلية بالطائرة : توجد أربع مخارج للطوارئ على متن هذه الطائرة، إثنين بالأمام وإثنين بمؤخرة الطائرة، وعند حدوث إنخفاض مفاجئ في ضغط الهواء داخل الكابينة، فإن أقنعة الأكسجين ستتدلى من فوق رؤسكم بمجرد الضغط على الزر أعلى المقعد .

وبقاعة الإحتفالات، يواصل المسئول شرح وسائل التأمين على الشاشة بالقاعة : موجود كاميرات بترصد حركات جميع ركاب الطائرة بشكل مباشر أون لاين online،

ثم يسترسل (بثقة) : our eyes are everywhere يعنى كإن عينينا جوه الطائرة، يعنى كإننا بنوجه تحذير، ويشير بسبابته للأمام ويتحدث بثقة ويستطرد في حديثه : تحذير لأى خاطف أو إرهابى، بأن تسول له نفسه، الإقتراب من طائراتنا، فسيتم التعامل معه بمنتهى القسوة،

ويسترسل (بإبتسامة خفيفة): و دا تنبيه بس، ويشير بأصابعه السبابة والإبهام والوسطى .

الضيوف على الترابيزات وحركة دؤوية للجارسونات، يضعون المشروبات على الترابيزات، وبعض التحركات لعدد قليل من الضيوف بالصالة من مكان لمكان .

بينما يتجه فاضل بيه إلى خشبة المسرح يمر على شوكت باشا مدير الأمن ويقول (مبتسماً) : ها مأمّن كويس يا شوكت باشا ؟

إوعى أطلع من هنا ويحصل زى حادثة قاعة الأفراح بتاع الشهر إالى فات، فيومئى إليه شوكت باشا برأسه بمنتهى الثقة ويرد بإبتسامة عريضة : عيب يا فاضل بيه، أمال القوات دى بتعمل إيه، دى كل ترابيزة تحتها جهاز تسجيل .

فهل حقاً إستطاع شوكت باشا تأمين القاعة، أم أن للآخرين رأي آخر .

ما إن ينتهى شوكت باشا من كلمته حتى نسمع صوت عالى، يلتفت الجميع ناحية مصدر الصوت الذى رج الإحتفال، فإذا هى صينية عليها عدد كبير من الكاسات سقطت من أحد الجارسونات لإصطدامه بأحد المدعوين أثناء وقوفه فجأه، فيتنفسوا الصعداء بعدما تصيب العرق من جبين فاضل بيه وشوكت باشا

يصعد مستر فاضل على خشبة المسرح صعود الواثق، ويتناول الميكروفون الموضوع على الديسك ويبدأ حديث المتمكن، فهو بين أفراد شركته وضيوفه الذين يعرفهم وتربطه بمعظمهم صلات قوية وبين كتيبة شوكت باشا الكفيلة بحماية حى بأكمله وليس لتأمين إحتفال بفندق .

فتراه يقف على المسرح يتحدث وأمامه لافتة باللغتين العربية والإنجليزية مكتوب عليها إسمه

"مستر فاضل دكرورى"

"رئيس مجلس الإدارة"

Mr. Fadel Dakrouf

Chairman Of The Board

ويبدأ مستر فاضل حديثه الواصل : إحنا بنعلن بصورة رسمية بإن أسطولنا أصبح أكبر وأكثر الشركات أمانا، ودا، لإننا طبقنا أحدث منظومة أمنية واللى بيها قدرنا نوصل لأعلى درجات الأمان بالطائرات، يعنى كل الرحلات مراقبة أرضياً بالكامل وبصورة مباشرة . الطائرة فى الجو وبدخلها نرى بعض الركاب ينظرون من شباك الطائرة إلى خارجها ومنهم من ينظر للجناح ومنهم من يشير بيده لصديقه الجالس بجواره أن ينظر خارج الطائرة .

### قاعة الإحتفالات

صحفى : زى ما شغنا إجراءات غير مسبوقه فى تأمين الإحتفال ده، ياترى إجراءاتكم فى الجو على نفس المستوى.  
فاضل بيه : بالتأكيد، وأكثر شوية .  
صحفى آخر : يعنى نقدر نقول إن إحتمال تعرض طائرة للإرهاب أصبح ضعيف جداً ؟

فيرد فاضل بيه بثقة متناهية تصل إلى حد الغرور : صفر % مستحيل impossible ، إحتمال تعرض طائرة للإرهاب هو هو إحتمال تعرض الإحتفال ده للإرهاب، وبما إن الإحتمالات على الأرض صفر، يبقى الإحتمالات فى الجو برود صفر، وينظر للحضور ولشوكت بيه والذى يبادلها نظرات الثقة من القاعة .  
صحفية أخرى : نقدر نعرف المزيد من الإجراءات دى مستر فاضل.

مستر فاضل: مش ه نقول كاميرات مراقبة لحظة بلحظة بس، لكن كمان أكثر من كده ويشير فاضل بيه للمسئول بالشركة والذي يقف على خشبة المسرح ممسكاً بميكروفون، وكأنما يعطيه الإذن لعرض وسائل التأمين الحديثة،

يتقدم المسئول ويعرض : ه نعرضلكم دلوقتى شئى نادر عرض حى ومباشر لإحدى رحلاتنا، فنرى تصفيق حاد من الحضور ويسترسل المسئول حديثه أثناء التصفيق : مش بس لإننا سباقين، لأ، لإننا كمان متميزين، وحيث يعرض على الشاشة بالقاعة تصوير من داخل إحدى الطائرات، فيتواصل تصفيق الحضور .

المسئول : مش بس كده، فى مزايا تانية ، ف ليقضل السيد نادر القبانى رئيس قسم تكنولوجيا المعلومات بالشركة .

يصعد السيد نادر القبانى للمسرح ويُمسك الميكروفون: بل وأكثر من ذلك، فكل كرسى مزود بحساسات sensors لقياس ذبذبات الجهاز العصبى، فى الطائرة مش هنا، ويبتسم إبتسامة عريضة، يضحك على إثرها الحضور، ويسترسل : ودا تم بالتعاون مع فريق طبى متخصص على أعلى مستوى، وبالتالي معرفة مدى توتره ودرجة إرتبائه، وطبعاً الهدف منه معرفة عما إذا كان الراكب يتحدث بتوتر أما لأ وبالتالي نقدر نكشف، ونحدد مكان الخاطف وبالتالي سرعة التعامل معاه ومباغته وواااااا ويسترسل (مبتسماً) : ووااااا وسائل أخرى مش ه نقدر نكشف عنها طبعاً، علشان م تكونش معروفة للخاطفين ولا للمنافسين بالطبع لدرجة إن مره راكب سخسخ على روجه من الضحك، ف الجهاز إشتغل فنتعالى ضحكات الحضور، يسترسل السيد نادر القبانى (مبتسماً) : ودا كان أثناء مراحل تجاربه الأولانيه طبعاً، كى يعطى إنطباعاً بأنه تم التغلب على هذه المشكلة فيما بعد، فنتعالى ضحكات الحضور مرة أخرى .

## (٢) الصدمة

### قاعة الإحتفالات - الشاشة

يتبادل الركاب الحديث داخل الطائرة ويبتعد الكادر شيئاً فشيئاً، فتظهر الصورة للطائرة داخل القاعة للحضور على الشاشة، ويبدأ الحضور فى التوجه فى مجموعات لتناول الطعام بقاعة أخرى.

وداخل قاعة الطعام، بينما يجوب الجميع بالترانيزات لوضع أصناف الطعام بالأطباق، وأحاديث جانبية للضيوف فى مجموعات متفرقة

شوكت بيه : الحمد لله، اليوم مر على خير يا فاضل بيه

فيرد فاضل بيه (بسخرية) : البركة فيك م إنت جايب كتيبة بحالها  
تأمن القاعة

- الإحتياط واجب بردو يا فاضل بيه

ويتبقى عدد بسيط من الضيوف داخل قاعة الإحتفالات التى بها شاشات العرض مع بعض المسؤولين ويظهر على الشاشة النقل الحى من داخل الطائرة ويُسمع صوت الطائرة بوضوح، وفجأة، يسمع صوت يتكلم عبر الإذاعة الداخلية بالطائرة ولكننا لا نرى أحداً يتكلم !!!! :  
الطيارة مختطفة وأى محاولة لعدم إطاعة الأوامر ه نفجر الطيارة،  
فينظر بعض الركاب يميناً ويساراً من الأمام والخلف لمعرفة من المتكلم، لكن دون جدوى، فلا يرون أحداً يتكلم،

يسترسل الصوت (بقوة) : محدش يحاول يتلفت وإلا ه افجر الطيارة،  
فتبتسم إحدى الحاضرات بقاعة الإحتفالات وتتحدث بسخرية لعدد قليل من أصدقائها الحاضرين:

- دا فيلم تعرضوه فى يوم زى ده، دا وقت تهريج بردو يا مستر فاضل، دا إحنا صدقنا لحسن يكون بجد .

سيدة أخرى (مبتسمة) : بس طريقة جديدة والله

رجل آخر : جميلة بصراحة

سيدة أخرى (مبتسمة) : الكاميرا الخفية

هل يحاول شخص ما لفت الإنتباه على الشاشة لغرض آخر !! إلا أن أحد الحاضرين ينظر إلى الشاشة ويسمع ما تقوله السيدات وبعض الضيوف وتبدو على قسماط وجهه علامات القلق والإستغراب فيقطب عن جبينه، وعلى ما يبدو أن له رأى آخر، فيتمتم الرجل (متعجباً): هزار !! مش هزار دا أبداً، دا جَد

مسئول آخر بشركة الطيران يبدو أكبر سناً . والذي يحمل كارنيه الشركة على صدره فى القاعة يتعجب لما يراه بالشاشة داخل الطائرة أيضاً . ولكونه يعلم مسبقاً بأن شركته لم تُعد لفقرة ترفيهية، إذن فقد أيقن أن هناك شيئاً ما خطأ، ويتمتم (متعجباً) وبصوت خافت : this is real ، ربي إيه إللى بيحصل ده، ويُسرِع من قاعة الإحتقالات بخطوات متعجلة وقد بدت عليه علامات الإضطراب الواضح متجهاً إلى صالة الطعام التى بها ما لذ وطاب من كافة أنواع الطعام والشراب وبكميات كبيرة ممتدة حيث يجد مستر فاضل واقفاً مع مسئولين من الشركة يتبادلون الحديث فى هدوء

فيحدث لزملاؤه (مفزوعاً) إن كانوا قد أعدوا لفقرة ترفيهية !

فيرد عليه مسئول آخر وهو يتناول قطعة تورته بالشوكة بأنه لم يتم ذلك، فيرد الأول (متعجباً وبصوت عالى) بالنفى ثم يتلفت حوله ويوقن بأن صوته كان عالياً حقاً، فيتدارك الأمر ويستترسل (بصوت خافت) : تبقى كارثة، كارثة يا فاضل بيه

فينظر إليه مستر فاضل رئيس الشركة والمحيطين به بإهتمام مشوب بالقلق، فيستترسل المسئول مؤكداً بأن الطائرة قد تم إخطافها فعلاً . يخيم الوجود على وجه مستر فاضل رئيس الشركة والمحيطين به من هول المفاجأة غير مصدقين

ويتلقى أحد المسؤولين بالشركة يقف بجوار مستر فاضل إتصال تليفونى فَيُصِصِك موباييله ونراه يتحدث إلى شخص ما : أيوه .. ثم لحظة صمت مستمعاً للطرف الآخر وينظر لمستر فاضل الذى يُرَكِّز كل سمعه وجوارحه معه، ويستأنف المسئول كلامه فى التليفون : أيوه .. تتبعها لحظة صمت أخرى مستمعاً للطرف الآخر وتبدو عليه علامات الإندهاش متسائلاً عن عددهم

ثم يوجه حديثه (لمستر فاضل) بإستسلام حيث إتضحت الصورة أكثر وأكثر بل وتأكدت، فتبدو عليه علامات اليأس التام : معايا كابتن جلال قائد الطائرة، فعلاً فيه عملية إختطاف.

ينحدر مستر فاضل جانباً مع المسئولين بشركته بعيداً عن أعين الضيوف فينظر إلى الأرض وقد إحمر وجهه، وقطب عن جبينه وبخطوات سريعة مرتبكة، يتجه لخارج القاعة ويتبعه عدد من المسئولين بشركة الطيران ويوجه حديثه للمسئول الذى أبلغه بعملية الإختطاف بمنتهى الجديه : إقطع العرض حالاً فى القاعة وإنهى الإحتقال وإسمح للضيوف بالإنصراف، إحنا تقريباً كنا خلصنا، خلىنا نطلع ع الشركة فوراً ،،،، أيقن الجميع فى بادئ الأمر بأن ما يراه على الشاشة ما هو إلا فاصل ترفيهى أعدته شركة الطيران ترحيباً بالضيوف، فلا أحد يتصور أن تحدث مفاجآت وسط هذا الإحتقال، بل وذهب بعضهم إلى أنها خدعة على طراز الكاميرا الخفية، لا محالة .

مستر فاضل والمسئولين بالشركة يغادرون الفندق، يعترضهم صحفى مشاغب يبحث عن إقتناص معلومة من مستر فاضل، لتكون سبقاً صحفياً والمانشيت الرئيسى بصدر الصفحة الأولى لجريدته، إنها (التبائة) بعينها والمعهودة للصحفيين المشاكسين والذى يتعدى حد الإصرار ويوجه ميكروفونه إلى مستر فاضل بينما يأخذ المصور موقعه بجواره لتسجيل الحدث .

الصحفى : مستر فاضل .. تقدر تفسرلنا إيه إالى حصل ده.  
يتمتع مستر فاضل ويتجاهله ويسير فى طريقة إالى المبنى المجاور  
وهو مبنى شركته ، كما يتجاهل باقى المسئولين الصحفى كذلك،  
والذى يلزمهم ويحاول مرة أخرى، إلا أن مستر فاضل ومسئوليه  
يلتزموا الصمت ويتجاهلوه، فالأمر لا يحتمل حتى التسرع بالإدلاء بأية  
معلومة قد تكون كفيلاً بالتأثير السلبى على سمعة الشركة.

أما داخل الطائرة، فالركاب جالسون فى حالة من الرعب، بينما تعلن  
الإذاعة الداخلية بصوت مجهول بأن "الطائرة مختطفة وعليكم تنفيذ  
التعليمات فوراً وإلا ستنفجر".

يبدو الإنزعاج داخل كابينة الطيار على وجه قائدها كابتن جلال، ذلك  
الشاب الوسيم الذى تعدى الثلاثين من عمره، يبدو طويل القامة  
فيخاطب مساعده الذى يبدو أصغر منه قليلاً وهو متعجب : دى مش  
الإذاعة الداخلية بتاعتنا ! فينظر إليه مساعده ولا يتحدث.

يوجه كابتن جلال حديثه للخاطف عبر إذاعة الطائرة : ممكن تظهر  
لنا عشان نقدر نتفاهم، لكن لا رد من الخاطف، يتعجب كابتن جلال  
فيخبر (مساعده) : هو م بيُرِدش ليه ؟ والذى يرد بمنتهى السذاجة :  
يمكن قَصْر الشر و نزل يا كابتن.

فينظر إليه كابتن جلال غيظاً ويجز على أسنانه من غبائه ويبدو زيغ  
بعينى كابتن الطائرة من هول المفاجأة وكأنما يفكر بشئ ما وينظر  
أمامه وقد ملأه الغيظ : ينزل فين إحنا ف ميكروباص، أسكت الله  
يكرمك .

وبمقر شركة الطيران، يفتح أحد المسئولين الإتصال المباشر مع كابتن  
الطائرة وأمامهم الشاشة تعرض ما يدور بداخلها وفقاً للنظام الأمنى  
الجديد، ويخاطب المسئول مستر فاضل وشوكت بيه : مستر فاضل،  
شوكت بيه، كده إحنا مع كابتن جلال الطيار ع الخط .

يبدأ مستر فاضل الحديث وسط مسئولى الشركة مع كابتن جلال بالطائرة

- عدد الخاطفين أد إيه يا كابتن جلال؟
- مش عارفين
- طب إيه جنسيتهم؟
- مش عارفين

يمتعض مستر فاضل ويدير رأسه فى ضيق شديد، فيلاحظ ذلك شوكت بيه مدير الأمن، فيتداخل ويستكمل الحوار مع كابتن جلال نيابةً عن مستر فاضل : طب قاعدين فين فى الطائرة ثم يسترسل بضيق وبنبرة أعلى من سابقتها : وم تقوليش مش عارفين يا كابتن جلال ،،،، فيرد كابتن جلال (بتردد) : لأ

ينشرح صدر مستر فاضل وشوكت بيه ويبتسمون ويهزون رؤوسهم إستعداداً لتلقى معلومة مفيدة من كابتن جلال، فيسترسل كابتن جلال بهدوء : للأسف ماعندناش فكرة يا شوكت بيه، الذى يرد بدوره (بنرفزة): طب تعرف إيه إوصف لى الموقف، فيرد كابتن جلال : فجأة، لقينا صوت فى الطائرة بيعلن عن نفسه إنه خاطف الطائرة وأمر جميع الركاب تنفيذ التعليمات

فيصححه مساعد الكابتن (بسذاجة) : تنفيذ الأوامر، الأوامر يا كابتن، مش التعليمات. فما كان من كابتن جلال إلا أن يرفع يده اليمنى نحو مساعده وينظر إليه بابتسامة يتداخل معها غيظ شديد من قمة غباؤه ويجز على أسنانه وكأنما يريد أن يضربه ويأمره بمنتهى الغيظ أن يصمت، فيسترسل شوكت بيه: طب إيه مطالبه يا كابتن جلال

- لسه مش عارفين
- طب إتواصل معاه وإعرف منه هو عاوز إيه .قالها شوكت بيه (بغیظ) .

### (٣) التكليف

#### أمن الدولة

مقدم أدهم بالثلاثينات من عمره، عريض المنكبين والوجه، ذو شارب ثقيل، وشعر كثيف، رجل ليس بالطويل، يدخل على رئيسه اللواء شاعر الجالس بمكتب الضابط الكبير محيي باشا بأمن الدولة، بغرفة بها أثاث فخم ويعطى التحية، يلمح رئيسه اللواء شاعر إرتبأكه فيطمئننه : أقعد يا أدهم

محيي باشا : سيادة اللواء شاعر ببشكر فيك يا سيادة المقدم، فيهز مقدم أدهم رأسه مبتسماً، ومن ثم يسترسل محيي باشا : قولى يا سيادة المقدم، إنت خدمت فين وفين .

خدمت فى الصعيد سعادتك ومرسى مطروح والقليوبية و .....  
فيقاطعه محيي باشا وهو ينظر للملف الذى أمامه : لا .. لا .. لا ..  
المره دى العملية فوق.

- فوق فين يا فندم ؟
- فى السما

فيتعجب المقدم أدهم فيطمئننه اللواء شاعر : م تستغريش كده يا أدهم دى طياره مخطوفة من حوالى ٢٠ دقيقة، كانت رايحه من القاهرة لأمستردام ، وكان لازم نجتمع فوراً ونحدد فريق العمل .

محيي باشا (للمقدم أدهم) : "سيادة المقدم أدهم" إنت تم تكليفك من دقايق بس بمهمة خطيرة على قدر عالى من الأهمية والحساسية بالنسبة للرأى العام، وسيادة اللواء شاعر هو إالى رَشْحَك للعملية دى على مسؤوليته

ويواصل محيي باشا حديثه بتعجب وسخرية : لإنى بصراحة مش شايف حاجه أوفر over فى ملفك وينظر اللواء شاعر ويشير إشارة بسيطة بيده اليمنى ناحيته ويسترسل :

- وهو إلى ه يتابع معاك كل إلى ه توصله .

وهكذا يحيل محيي باشا العملية برمتها للمقدم أدهم للعمل تحت رئاسة اللواء شاكرا في كل ما يخص العملية وعلى ما يبدو أنه غير مقتنع بهذا الترشيح . فهو لا يجد بملف المقدم أدهم ما يؤهله لتلك العملية الصعبة

اللواء شاكرا : وإنت رايح شركة ستارا إير لاينز دلوقتي تتولى مهمتك، فيقاطعه مقدم أدهم (باستغراب وغضب) : هو أنا إنتقلت أمن الشركة يا فندم، طب ليه يا فندم

وهنا يستشعر محيي باشا الحالة التي يمكن أن تتوول إليها الأمور بعد تولى المقدم أدهم تلك العملية الصعبة ، فقد بدأ في إبراز مواهبه اللواء شاكرا (بغیظ جازاً على أسنانه) : يا إبنی إنت ه تروح الشركة تستقصي الأمر بس .

مقدم أدهم : تمام يا فندم

اللواء شاكرا: و ممكن تحدد فريق عملك إلى ه يشتغل معاك بالتليفون يواصل مقدم أدهم ردوده العبقريّة (باستغراب) : يعنى مش مسموح أتواصل معاهم إلا بالتليفون بس يا فندم، فينظر محيي باشا اللواء شاكرا بضجر مستشعراً الأمر ومتأكداً من فشل العملية لا محالة .

محيي باشا (للواء شاكرا) بسخرية : إنت متأكد إنه ه يحرر الطائرة ولا ه يفجر الطائرة يا سيادة اللواء، فيشير اللواء شاكرا إلى صدره وكأنما يريد أن يقول "على مسؤوليتي" فلا يملك محيي باشا من الرد إلا رفع يديه إلى السماء وطلب الستر من الله ،،، يشير اللواء شاكرا إلى المقدم أدهم بيده اليمنى ويبدأ في الحديث إليه ببطء شديد وبالتفصيل الممل ويجز على أسنانه وكأنما هي طريقة التعامل المعتادة بينهم لتوصيل المعلومة فيوضح اللواء شاكرا (للمقدم أدهم) ببطء وتفصيل شديد :

- سيادة اللوا يقصد إنك تحدد فريق العمل إالى ه تحدده إنت بنفسك، بالتليفون، لكن ه تتواصل معاهم قبل وأثناء وبعد العملية بكافة وسائل الإتصال.

ويزيد جز اللواء شاكر على أسنانه غيظاً من المقدم أدهم ويسترسل حديثه إليه : على سبيل المثال لا الحصر، التليفون والتلكس والفاكس والواتس والفايس والمحمول بكافة أنواعه وماركاته، وباستخدام كافة شبكات المحمول الثلاثة والرابعة إن وجدت وغيرها من الوسائل المتاحة سواء القديمة أو الحديثة وللموضوع بقية، أبقى أشرحوهلك بعدين، ويخفض اللواء شاكر صوته ويجز على أسنانه غيظاً من المقدم أدهم ويسترسل حديثه إليه : ه تودينا ف داهية يا أدهم يا ابن ..... فيقاطعه مقدم أدهم : تمام يا فندم

محيي باشا (لواء شاكر) (بسخرية) : لأ سريع البديهة كمان، م قولتهاليش دى يا سيادة اللواء، هى دى الطريقة إالى يفهم بيها، دا إحنا نكون دفعنا الفدية وخلصنا التحقيقات السنة الجاية، والطيارة إالى بعديها تكون إتخطفت كمان،

ويحول محيي باشا وجهه وحديثه (للمقدم أدهم) : سيادة المقدم مفيش وقت تقدر تتصرف،

فيضرب المقدم أدهم التحية العسكرية لمحيي باشا

مقدم أدهم : تمام يا فندم

محيي باشا (بسخرية): سيادة المقدم عاوزك ترجعلى بالأوسكار، ويشير محيي باشا بقبضة يده كناية عن رمز القوة، وباليته ما قالها !

• أوسكار إيه يا فندم ؟

• أوسكار أسرع عملية تحرير رهائن فى التاريخ يا سيادة المقدم،

أمال أوسكار أحسن صنبة محشى يعنى.

• طب كت قولى إنه مسموح بالهزار يا فندم كنت ضحكتكوا شويه،  
دا أنا حتى لسه جايلى شوية نكت طحن آخر حاجه ع الواتس  
بس يا خسارة مش فاكِر ولا واحدة .

• إحنا ه نهزر ولا إيه يا سيادة المقدم ويسترسل (بسخرية) : وکمان  
مش فاکر ولا نکتة يعنى کمان عندک زهايمر وانت فى السن ده،  
ويبرأ إليه محيي باشا وينظر إليه بتركيز : إنت خدمت معايا قبل  
کده .

يؤدى المقدم أدهم التحية العسكرية لمحيي باشا فيخطئ قائلاً : أوسكار  
يا فندم، لكن سرعان ما يتدارك خطؤه فيصحح ما قال ويلقى التحية  
العسكرية لمحيي باشا بشكل صحيح: إيبيبويه، تمام يا فندم ثم يسترسل  
(بجدية): ه أخلى الترزى يوسع جيب البدلة يافندم

• ليه ه تعملها على روحك ؟

• عشان تساع تمثال الأوسكار يا فندم

• طب يلا عشان تلحق الترزى

• تمام يا فندم

يبرأ إليه محيي باشا مرة أخرى و ينصرف مقدم أدهم و يُحَرِّك محيي  
باشا رأسه يميناً وشمالاً بإستتکار ويجز على أسنانه وقد أصابه اليأس  
وإستسلم وأيقن بفشل العملية حتماً محدثاً نفسه : ترزى هو بغباوته، آل  
أوسكار آل، طب دى القصة دى لو إتعملت فيلم يمكن تقشل بسببك يا  
أدهم يا إبن ،،، فيسأل اللواء شاکر : هى أمه إسمها إيه يا سيادة اللوا  
؟ فيهز اللوا شاکر يديه بأنه لايعلم فيسترسل محيي باشا (للواء شاکر)  
: ياريت تديله تعليماتك يا سيادة اللوا لحسن يطينها، فيرد اللواء شاکر  
: يطينها، يطينها إزاي يا فندم دى ف الجو ، فيبرأ محيي باشا بعينيه  
شاخصاً نظره تجاه اللوا شاکر ويجز على أسنانه غيظاً منه وكأنما  
يتهمه بالغباء،

فلم تكن تكفيه مواهب المقدم أدهم فقط، بل يشك في قدرات اللواء شاعر أيضاً، فيُخرج اللواء شاعر ويخرج مسرعاً من الحجرة ليتبع المقدم أدهم ليشرح إليه، يتمم محيي باشا في سره بصوت خافت : يا دوبر ألق ألق متعلقاتي قبل م يجيلي خبر إنفجار الطيارة ويرجعوني م البيت عشان أقدم إستقالتي، وف كل الأحوال ضمنت أوسكار أسرع إستقالة.

### مقر شركة الطيران

حيث تدخل السكرتيرة على المسئولين المجتمعين مُسرعة لتخبر فاضل بيه : "مستر فاضل" ،، سيادة المقدم أدهم الدندراوى من أمن الدولة يا فندم .

ينهض مستر فاضل رئيس الشركة خارجاً بخطوات متلاحقة بسرعة من حجرة الإجتماعات لإستقباله ليرحب به ويصافحه : أهلاً أدهم بيه،، ويصطحبه لغرفة الإجتماعات للإيضام إليهم، ينظر شوكت بيه لقائمة أسماء الركاب : أدهم بيه إحنا عندنا إسم كل راكب بمكانه ع الطيارة ياترى نقدر نجيب معلومات عن كل واحد ؟ فيرد أدهم بيه : إحنا ه نتصل حالاً بأمن الدول دى يدونا معلومات كافية عن ركابهم فوراً، ورينى كده اللسته دى، فيعطى شوكت بيه قائمة بأسماء ركاب الطائرة لأدهم بيه الذى يتناولها وينظر فيها محدقاً بعينين ثاقبتين ويظيل النظر فيقطع مستر فاضل هذا الصمت : خير يا أدهم باشا

أدهم بيه : معظم الدُول دى عندنا تعاون أمنى معاهم، وبكده نقدر نُحْصِرُ الخطر فى عدد من الكراسى بس،، تمام،، ويلتقط أدهم بيه صورة لقائمة ركاب الطائرة بالموبايل ويرسلها بالموبايل ويسترسل : أنا ب أبعثها للمكتب دلوقتى وه يتعاملوا معاها فوراً ، ويتحدث أدهم بيه فى التليفون : "رائد عماد" ياريت تعملى (ويختفى صوته تدريجياً مع إرتفاع صوت باقى المسئولين الجالسين بالحجرة) وفى نفس الوقت يرى الجميع على الشاشة ما يحدث داخل الطائرة من خلال الأنظمة الأمنية الجديدة ويُنهى أدهم بيه مكالمته .

نادر القبانى (المسئول بالشركة) : تمام إحنا راصدين وشايغين كل حاجه

شوكت بيه (باستسلام) : but do not understand anything : بس مش فاهمين أى حاجه.

أدهم بيه : إنت بتتكلم إنجليزى ليه يا شوكت بيه، ثم يسترسل أدهم بيه بصوت عالى ملئ بالثقة للجميع وتعبيرات كوميدية : المهم تكون أعصابكم حديد ومسيطرين على كل حاجه، الثقة، الثقة أهم حاجه،

وينظر لشوكت بيه ويتكلم بالإنجليزية مثله : Confidence

ويسترسل مقدم أدهم :كلها ساعة واحدة ويوصلنا تقرير عن الركاب كلهم ونقدر نحدد الكلب دا قاعد فين ونتعامل معاه، العملية دى ه تبقى أسرع عملية تحرير رهائن من القرن الخمستاشر ١٥ ، فيتلعثم فيها فينطقها بالإنجليزية : ناينتينز سينشرى 19<sup>th</sup> century

فينظر إليه فاضل بيه بسخرية و إستغراب و يتمتم : وهو كان فى طيارات ياسيادة المقدم !!

## (٤) الخدعة

### وبالطائرة

وفجأة نسمع صوت الخاطف يتحدث من خلال الشاشة : كل واحد يدوس على الزرار إلى فوقه.

فيسأله راكب : إمتي، فيجيبه الخاطف (بصوت عالي) : فوراً دلوقتي، فيتدلى قناع (ماسك) أصفر بوجه قط ضاحك بشنبات سوداء رفيعة smiling cat mask.. ينزل القناع أمام الركاب .

وكأن الخاطف لا يريد أن يضيع وقته، فبما أنه هناك إختطاف، فمن المنطقي أن تكون هناك ردود أفعال ومجابهة، فالخاطف يريد أن يباغت ويواجه أي خطوة عكسية للمجابهة بسيل من المفاجآت.



فيبادر الخاطف : كل واحد ياخذ القناع إلى نزل أدأمه ويلبسه فوراً فوق هدومه، فيبدأ الركاب بفرد الأئقعة والتي تصل من الرأس حتى بعد منتصف الجسم قليلاً، والكبير يساعد الصغير، تتعالى ضحكات الأطفال الذين يظنونها لعبة بينما يزيد توتر الكبار .

### أما بمقر شركة الطيران

فينظر شوكت بيه مسئول الأمن بالشركة إلى الجميع وإلى أدهم بيه ضابط أمن الدولة بالتحديد، فهذه المفاجأة التي أربكت تحرياتهم لم تكن في الحسبان

## وبالطائرة

لحظات ويتحدث الخاطف مرة أخرى :كل واحد يقوم بغير مكانه، مش عاوز ألقى حد فى مكانه خلال دقيقة واحدة، وبعد دقيقة كل واحد ه يرفع تذكرته فوق وه اعرف إن كان فى مكانه ولا لأ \*\*\*\*\* من الواضح أن لدى الخاطف خطة دقيقة مُعدّه مسبقاً وبتجهيز فائق وكأن كاتباً كتب لها سيناريو دقيق

صوت الخاطف (بقوة) : إنتوا ماقومتموش ليه ؟؟؟

بعض الركاب بالخلف : مش سامعين ، الصوت مش واصل ، على صوتك

فيعيد الخاطف أوامره بصوت أعلى ، فيستجيب من كانوا لا يسمعون بالخلف ويغيروا أماكنهم

وبمقر شركة الطيران يتبادل أدهم بيه وفاضل بيه وشوكت بيه والمسئولين بالشركة نظرات التعجب واليأس فهذه المفاجأة أيضاً قد أريكت تحرياتهم حيث لم تكن فى الحساب، يتحدث شوكت بيه (بعصبية وبطريقة كوميدية) : كل المجهود إالى إحنا بنعمله ده مش ه ييجى بفايدة زى م كنا متصورين لإن المعلومات إالى ه تجمعها يا أدهم بيه ه تبقى عن الركاب بأماكن كراسيهم الأصلية، لكن دلوقتى، ويهز رأسه يميناً وشمالاً ويسترسل :

الخاطف غير الأماكن وم نعرفش مكان كل واحد أو الخطر جاى من أنى كرسى،

ده على مستوى عالى من الذكاء وينظر لأدهم بيه ويسترسل :

علشان م نقدرش نعرف مين الكلب إالى عمل كده، ثم يسترسل (بهدهوء) : م افترش ه تبقى أسرع عملية تحرير رهاين يا سيادة المقدم،

فيرد أدهم بيه (بعصبية) : إسكت عشان نعرف تفكر، م تعملش زى الخايله الكدابة كده، ويهز كتفه لأعلى وكذلك يديه ويسترسل : جايز م تكونش أسرع عملية فى القرن الخماسر لكن جايز تبقى أسرع عملية على مستوى القرن الستاسر، المهم ندخل موسوعة جينيس، فينظر إليه فاضل بيه بسخرية وقد أيقن الهلكة : لأ ، من الناحية دى يى يى أنا مطمئن خالص، فيرد أدهم بيه عليه (بهدوء وثقة) : وانت إالى ه تكتب بنفسك الحدث ده فى الموسوعة، ويكره أفكرك، فينظر إليه فاضل بيه ساخراً، تبدو نظرات متباينة من بعض الحضور وكأنما هى نظرات عدم ثقة من أداء مقدم أدهم، فيسترسل مقدم أدهم بمنتهى الثقة : أدهم الدنراوى لما يوعد بحاجة ويسترسل (بتصميم وحزم وهدوء ممزوج بثقة) : لازم ينفذها، ويعيدها بصوت رنان قوى "لازم ينفذها"

يتصل أدهم بيه بكابتن جلال قائد الطائرة ويسأله (بعصبية) : كابتن جلال، لسه م قلش مطالبه، فيرد كابتن جلال (باستتكار) : مين حضرتك

يشعر أدهم بيه بالإحراج ، فيتحدث فاضل بيه لكابتن جلال بدلاً منه ليرفع عنه الحرج : دا سيادة المقدم أدهم من أمن الدولة يا كابتن جلال كابتن جلال : لسه يا سيادة المقدم، تبدو على وجه مقدم أدهم علامات التركيز الشديد ويضع يده اليمنى على جبهته ويتكلم بمنتهى التركيز والهدوء :

- إسمع إالى ه قولهولك دا كويس أوى وتنفذه بالحرف الواحد فينظر فاضل بيه لمقدم أدهم متفائلاً منشرح الصدر وينظر شوكت بيه لفاضل بيه كذلك، فاضل بيه منتظراً سماع الخطة الرهيبة التى ستطرح بالخاطف وتُتهى عملية الإختطاف بل وتتهى الموضوع برمته بلمح البصر بل وتتهى تلك القصة عند صفحتها السادسة والعشرون وكفى توفيراً للطباعة

شوكت بيه منتظراً ما سيصدر من خلال تلك الأعين الثاقبة والتركيز العميق للمقدم أدهم فيكتمون الأنفاس ويتمتم شوكت بيه (فرحاً) : هو دا الشغل

وجوه الجميع يترقبون خطة أدهم بيه الرهيبة فعلاً فقد آن الأوان، فيقطع أدهم بيه هذا الترقب بقوله (بمنتهى التركيز والهدوء) : حاول تتواصل معاه وتسمع مطالبه بمنتهى الدقة، وقلبنا معاك، بلاشك تبدو على وجوه الجميع علامات الصدمة والدهشة من مستوى أداء المقدم أدهم فليس هذا ما ينتظروه، فنسمع زفير أنفاسهم التي كانت محبوسة ونواصل طباعة القصة من بعد صفحتها السادسة والعشرون ، فيعلق فاضل بيه متمماً (بسخرية) : لأ قربنا،

يُمسك المقدم أدهم بموبايله ويتحدث إلى الرائد عماد : أيوه يا عماد إعرفلى رقم البوابة إالى ركبوا منها، فيقاطعه نادر القباني المسئول بالشركة وكأنه يعرف الرد : بوابة ٣٢، فيسترسل أدهم بيه إلى الرائد عماد : بوابة ٣٢، ركبوا من بوابة ٣٢ يا عماد، عاوزك تجيبلى كمان تسجيلات صالة الإنتظار فى المطار والكافيهات القريبة من الصالة ومن بوابة ٣٢ فى الوقت إالى ركبوا فيه

### بالطائرة

يتحدث كابتن جلال من خلال الإذاعة الداخلية للطائرة : عزيزى خاطف الطائرة إحنا جاهزين لسماع مطالبكم حَوْل، فيكون رد صوت الخاطف (بقوة وحزم) : مش شُغلك أنا إالى أحدد أتكلم أو ما اتكلمش، وأنا إالى أحدد، أظهر أو ما اظهرش، ممكن تسكت، كت، cut ثم يسترسل الخاطف (بهدهوء) : وبعدين الصبر، ه اقولك، هى الدنيا طارت، الصبر، بهدوووو، الرحلة طوييييييلة، ه اقولك فى الوقت المناسب، حَوْل



فينظر إليه مساعده بقلق شديد بقمرة القيادة وكأنما يريد أن يسأله،  
فينظر إليه كابتن جلال قائلاً بهدوء : ما تعلقش، دا مش ه ييجى إلا  
بكده، دا بيخطف الطائرة علشان يطلع بملايين، يعنى عاوز يعيش  
ويتمتع، ثم يسترسل متسائلاً : صح ؟

ينظر إليه مساعده بقلق شديد ويهز رأسه بالإيجاب مؤكداً ذلك ، فيرد  
كابتن جلال : يبقى مش عاوز يموت، دا مكلش فى الدنيا، أنا بقه ه  
أجيبهولك راعع هنا فى الحتة دى، ويشير بيده لأرضية الكابينة  
ويسترسل : ويتحايل علينا كمان، إيه رأيك بقه ؟ فينظر إليه مساعده  
بإستغراب،،، إنها فلسفة، فلسفة من يستسلم أولاً، من لديه قوة تحمل  
أكبر، تطبيقاً لمقولة "لولا قلتها، لقلتها أنا" ومرة أخرى نحن على  
إحتمالات أعتاب إنهاء القصة برمتها إما بالموت المحقق للجميع أو  
النجاة وإستسلام الخاطف

وفى تلك الأثناء وبمقر شركة الطيران ينظر مستر فاضل لأدهم بيه  
وشوكت بيه ويبادلونه نظرات القلق فيبادر شوكت بيه: هو جلال  
بيعمل إيه ! فيهز فاضل بيه رأسه بأنه لا يدرى

وعودة مرة أخرى إلى تلك الطائرة وتلك الرحلة العجيبة، يحاول كابتن  
جلال التظاهر بالثبات ويحاول التلاعب بأعصاب الخاطف، لكن لا  
أحد يدرى هل يُفْلِح فيما فكر فيه أم سنبوء حيلته المتهورة بالفشل،،،  
كابتن جلال (للخاطف) (بتقّة) : ها، قلت إيه؟ بوظت لك الخطة، مش  
كده، ويضحك كابتن جلال بملئ فيه بمنتهى الثقة ويسترسل : لا ،

ماهو إنت ماتعرفنيش، لو إنت مجنون قيراط، أنا مجنون ٢٤ قيراط  
ويكون فى علمك أنا لسه طالع من عنبر ٢٥ من شهرين إثنين بس،  
ودى أول رحلة ليا بعد العلاج

بشركة الطيران ينظر شوكت بيه لأدهم بيه: ه تعمل إيه يا أدهم بيه،  
فينظر إليه أدهم بيه بلا رد، ثم ينظر فاضل بيه لأدهم بيه وكأنما يريد  
أن يسأله نفس السؤال

وبالطائرة ينظر مساعد كابتن جلال إليه بإستغراب وبقلق شديد،  
فيتحدث إليه كابتن جلال داخل الكابينة (بنقّة): يا صابت يا خابت  
تسود حالة من السكون بين الركاب، مثل التي تسود في المطبات  
الهوائية العاتية ولا ندرى إلى ما تصير وكأنما هي ترقب من يستسلم  
أولاً لهذا الضغط العصبى الرهيب، ثوانى تفصل بين النجاة (فى تراجع  
الخاطف) أو الموت المحقق (بتهور كابتن جلال وإصراره)

كابتن جلال (للخاطف): الإرتفاع دلوقتى ٢٥ ألف قدم، يعنى نزلنا  
تسع تلاف قدم فى الدقتين دول، ودلوقتى ه أجيب الخامس وع البحر  
عِدل، يصفق عدد من الركاب وكأنما يؤازرون كابتن الطائرة ويقبلون  
التحدى المجنون فى وجه الخاطف الذى يرد (بنرفزة) وقد تحشرح  
صوته متهمهم بالجنون

راكبة متهورة: أنا الدكتور قالى مش ه تخلفى إلا إذا إتعرضتى  
لصدمة جامدة، يلا يا كابتن زود السرعة إحنا معاك

الخاطف (بصوت قوى): مجانين هى دى الشجاعة، كلها دقيقة واحدة  
وتموتوا كلكوا، إلا أن راكبة أخرى ككثير من الركاب لا يعجبها الحوار  
المتهور ولها رأى آخر فتصرخ معترضة: مش عاوزه أموت سيبونى  
أعيش، فيتحدث الخاطف (لكابتن جلال): إنت مصمم ع اللى فى  
دماغك يردو، بس إنت بتئذى الناس إالى معاك ما بتتذنيش أنا

هكذا يتحدث الخاطف وكأنما هو ناصح أمين يخشى على الركاب من  
أن تصيبهم نسمة هواء بل وحريص على مصلحتهم كل الحرص فيرد  
كابتن جلال (بنقّة): ليه، إنت مش ه تموت معنا ولا إيه، ع العموم  
إحنا على إرتفاع ١٨ ألف قدم دلوقتى،،

مراوغة من كابتن جلال لعلها تُفْلِح لإنقاذ مائة وستون راكباً على متن تلك الطائرة بدلاً من أن تتفاقم الأمور إلى إملاء الشروط من جانب الخاطف، فبعد هذه الدقائق من كتم الأنفاس والحيرة بمن يكسب هذا السيجال يحسم الخاطف الموقف لصالحه بمفاجأة من العيار الثقيل حيث نسمع صوته يتحدث بثقة وقوة :

أنا مستر فاى يعنى موجود ومش موجود، موجود بسيطرتى الكاملة ع الطائرة ومش موجود لإنى مش ع الطائرة، أيوه، أنا مش ع الطائرة، و ب أتحم فى الإذاعة الداخلية للطيارة من الأرض، والمراوغة إالى بتعملها دى مش فى مصلحتك، والصندوق الأسود ه يشهد إن إنت إالى وَقَّعت الطائرة، وتفضل نقطة سودا فى تاريخك، أنا مش ه أخسر حاجه و ه أفضل زى ما أنا تحت، هنا فى مكتبى،

الركاب يتلفتون ويتهامسون وحيث تُخفى الأئعة وجوههم، لكننا نكاد نلمس قلقُهُم فى تَلَفُّتهم وتمتمتهم التى تعكس هذا القلق وعلى ما يبدو فقد إستسلم كابتن جلال أخيراً ليحسم الخاطف الموقف دون جدال وبدأ يستقر بالطائرة مرة أخرى، ومن ثم إنخفضت أصوات المحركات،

لحظات ونسمع صوت مستر فاى الخاطف يتحدث بصوت مسموع بالطائرة للطيار : "العقل حلو إنت زى إالى عاوز يجيب جون فى نفسه" ثم يسترسل : "كابتن ،، إحنا فين دلوقتى؟" فيرد كابتن جلال رد البائس وكأنما تلقى هزيمة ثقيلة 1/8 : "إحنا لسه يا دوب عدينا ساحل إسكندرية بميل واحد" ، فيسأله الخاطف : المسافة من هنا لنهاية الرحلة فى أمستردام كام كيلو؟"

- ٣٣٠٠ كيلو
- وبتقطعها فى كام ساعة
- فى حوالى ٥ ساعات
- المسافة من هنا للهد كام كيلو يا كابتن

• الهند؟ الهند؟! قالها كابتن جلال (باستغراب)

تسرخ راكبة ويغم عليها من الفزع ويعلو صراخ بعض الركاب بجوارها

تصرخ سيدة (ثرثارة) لا تترك أحداً إلا وتحديث معه : ما تلحقونا بمياه يا جماعه الست مسوراه ،،، وتتنظر لأحد المضيفات التي تبدو عليها علامات الهدوء والأدب، والتي تستجيب على الفور، فتتنظر إليها تلك السيدة بعدما تلمح إسمها على البادج الخاص بها : إنتى إسمك نادين، والله إنتى مؤدبه، تعرفى شكلك بنت ناس ومش وش بهدله، كان مالك ومال الشغلانه دى، تُبادلها نادين النظرات بإبتسامة صامته، تلاقى بتسددي قسط الشقة مع جوزك، ولا أبوكى مزنونق فى قسط العربية

نادين (بتواضع) : فعلاً بابا عليه ٢٠ مليون

السيدة الثرثارة : مش قلتلك، ودول بتوع إيه دول ياختى

نادين (بتواضع وشفافية) : دا باقى تمن الطياره الأخرانيه إल्ली إشتراها لأختى

السيدة الثرثارة : بُسى ،، موتى وسمى إल्ली يُفشر

نادين (بتواضع) : لا صحيح، لإن لونها مش ماشى مع لون اليخت لما بنطلع بيهم رحلة الصيد فى البحر،، فتجز السيدة الثرثارة على أسنانها (فقد أيقنت مستوى نادين الحقيقى) والتي تبدو صادقة تماماً فيما تقول ببراءتها المتناهية

السيدة الثرثارة : نادين يا حبيبتى، إمشى من أدامى وم تفقعيش

مرارتى، لحسان شوية شوية تقوللى البحر كمان بتاع أبوكى

يتكلم راكب آخر يبدو من صوته أنه شبه نائم أو مسطول : وإيه برنامج الهند بأه ،،، إء (زغطه) أنا أنا نفسى أشوف أميتاب ،،، إء

(زغطه) باتشان

## بشركة الطيران

يتساءل شوكت بيه : إيه الفوزرة دى وينظر شوكت بيه للجميع كما لو كان إمتحاناً بالإعدادية بلجنة الإمتحان بمادة الرياضيات، فبتلفت بطريقة كوميدية واضعاً يديه على الترابيزة : حد حلها ثم يسترسل (بصوت منخفض قليلاً) : تقريباً ه يطلب نص قطر الدائرة يتداخل ويتجاوب نادر القباني بأسلوب كوميدى كما لو كانوا تلاميذ بإمتحان الإعدادية فعلاً قائلاً (لشوكت بيه) : ه يطلب المسافة والحل ٤٤٠٠ كيلو، إكتبها قبل ما يلما الورق فينظر إليهم فاضل بيه وأدهم بيه شذراً ،

وبالطائرة يعلو صوت الخاطف بقوة : أيوه الهند، عندك مانع فيرد كابتن جلال: حوالى ٤٤٠٠ كيلو

بشركة الطيران تظهر الفرحة على وجه نادر بيه القباني والذى يهال بيديه (مبتهاجاً) بدون صوت ثم يقول : صح مش قلتلك ، فيعلق شوكت بيه ساخراً : واضح إنك بتذاكر من ورانا، فينظر إليهم فاضل بيه وأدهم بيه ومسئولين آخرين بسخرية

## بالطائرة

كابتن جلال : إيه ناوى تقسحنا هناك ولا إيه فيرد الخاطف (بسخرية) وكأنا ناصح أمين : ودا وقت هزار بردو، إنت مش دريان بالمصيبة إالى إنتوا فيها ولا إيه، مش تبقى على مستوى المسئولية كده وتحس بآلام الناس إالى حواليك،،، و دى بتقطعها فى كام ساعة

- فى حوالى ٥ ساعات ونص يا خاطف باشا
- لأ كده الموتور دا بياكل بنزين معاك، إبقى أظبط وش التاكيات

كابتن جلال (لمساعده) : إيه دا ميكانيكى دا ولا إيه ! فيسترسل الخاطف : قولى يا كابتن البنزين إالى فى الطيارة يمشينا أد إيه،، شفت بقه، كل حاجه ليها وقتها، أدينا جينا لموضوع البنزين أهه، م تستعجلش فى السؤال

- تقريباً ٦ ساعات مش أكثر من كده
- دا على فرض إن الموتور بتاعك مضبوط، طب خلاص عندنا وقت براحتنا خالص

### بشركة الطيران

شوكت بيه : دى تقريباً شركة بوينج عامله الكاميرا الخفية و ه يطلع مندوب الشركة بيقيس إستهلاك البنزين وعرفت منين سعادتك ! قالها أدهم بيه بسخرية ، فيرد شوكت بيه : مش شايف الأسئلة، أكيد لقوا كام طياره بتاكل بنزين في بيخلص بسرعة فالطيارة بتقع

### بالطائرة

كابتن جلال (متعجباً) : براحتنا ! طب تؤمر بحاجه عاوزنى أغير إتجاهى، أغير إرتفاعى، أه، مش شايف مسدس فى دماغى ولا حاجه يعنى

لا دى مش طريقيتى، أنا أحب آخذ الشغل ع الهادى خالص وبهدووو،، وبعدها بثوانى، نسمع صوت الخاطف فجأة و(بقوة): خد يمينك، فيستنكر كابتن جلال معترضاً فيرد الخاطف:

- خد يمينك عندك إعتراض ، قالها الخاطف (بحزم)
- لا أبداً، بس مش فاهم يعنى أدى إشارة وأطلع إيدى للطيارة إالى على يمينى وأدخل يعنى ولا إيه !
- بتهزر !! يعنى إحنا فى مصيبة ،، وحضرتك بتهزر





## شاشة التلفزيون - إستوديو لبرنامج توك شو

مكتوب على الشاشة "برنامج حديث الساعة" فنشاهد برنامج توك شو يستدعى طبيب نفسى يحلل شخصية الخاطف، يظهر الطبيب النفسى بملابس كوميدية غير متناسقة،

جاكت أزرق مربعات وقميص بنى وكراوات أحمر

المذيعه : يا دكتور تقدر تحلنا شخصية الخاطف زى ما تواترت الأخبار دلوقتى من قاعة الإحتفالات، وأكد الحدث لسه مستمر لحد اللحظة إالى إحنا بنتكلم فيها دى، يرد الطبيب النفسى بثقة : والله أنا شايف طالما إنه بيتكلم بصيغة الجمع يعنى، إحنا ه نفجر، إحنا ب نسيطر، دا بيؤكد على إنه مريض بمرض الوحده، يعنى هو واحد بس، وممعهوش حد يساعده، فلازم يستخدم صيغة الجمع، ودا فى صالحنا

## وبمنزل الطبيب النفسى

حيث زوجة الطبيب تشاهد البرنامج بمنزلها بصحبة أقرانها ومن ورائهم صورة زفافهم

زوجة الطبيب النفسى (لقريباتها وصديقاتها) (بسخرية) : ده تحليل غلط، ده بقاله معايا ٢٥ سنة وم عرفش يحلل شخصيتى، يبقى ه يعرف يحلل شخصية واحد ماشافوش قبل كده

يتحدث الطبيب النفسى على شاشة التلفزيون : وده غالباً متهور أو ه يطلع مختل

زوجة الطبيب النفسى بالمنزل (بسخرية) : والله ما فى مختل إلا إنت يا صالح يا ابن فوقيه،

بينما يشاهد مستر فاضل رئيس شركة الطيران هذه الشاشة من ضمن شاشات المتابعة للموقف مع المسئولين بمقر شركة الطيران فيتحدث (بعصبية) : سكتوا الحمار ده،

فيواصل شوكت بيه حديثه الساخر : فعلاً ه ندخل موسوعة جينيس،  
لحقت الأخبار وصلت ! أدى الموبايلات واللى خدناه منها، فضيحتنا  
بقت بجلاجل يا فاضل بيه

فينظر إليه مقدم أدهم بإشمئزاز متعجباً من كلمة "جلاجل" والتي لا  
يجب أن تصدر عن مدير أمن الشركة قائلاً (بسخرية) : جلاجل ! هو  
الباشا بيشتغل إيه !! ثم يلتفت مقدم أدهم لفاضل بيه ليوجه إليه  
الحديث : "فاضل بيه" الراجل دا م يحتفلش معنا بتحرير الطائرة ،  
فيرد مستر فاضل (بسخرية) : دا على أساس إننا حررناها خلاص

أدهم بيه : Confidence الثقة ، فيرد شوكت بيه (بسخرية) : ثقة  
!!! بعد كل إلی إحنا فيه ده ، فيجز أدهم بيه على أسنانه (بغیظ) :  
لو سمحت سكوت، یرن موبايل أدهم بيه فيرفع سماعته : أيوه يا  
عماد، طب إبعتهالی ع الإيميل بتاعى وأنا ه أفتحه من هنا، إسمع،  
وعاوزكوا تحلوا الشرايط دى وتقارنوها بلسته الركاب وتبلغنى بأى  
حاجه مهمة فى ملفاتهم، ما إن ينتهى أدهم بيه من المكالمه حتى  
يطلب لاب توب من نادر القبانى ومن ثم يشاهد الفيديوهات باللابتوب  
فيظهر على شاشته مشهد نهارى قبل إقلاع الطائرة بصالة الإنتظار  
وبوابة الخروج رقم ٣٢ وعلى شاشة الكمبيوتر یرى الجميع على  
الشاشة حركة المسافرين بالمطار بصباح هذا اليوم (يوم الإختطاف)،  
حيث أناس جالسين فى أماكن الإنتظار المخصصة بصالة الإنتظار،  
وعدد من المنتظرين بصالات الطعام المجاورة يتناولون وجبات خفيفة  
ومشروبات

فتظهر راكبة أرسقراطية فى الثلاثينات من عمرها تجلس بالكافيه  
تتناول النسكافيه وترتدى ملابس فى منتهى الشياكة وبالطو جلد أسود  
وتتحدث بالموبايل ،، ورجل فى الخمسينيات من عمره يبدو وكأنه  
مدير ومعه فتاة تصغره بكثير

يجلسون على ترابيزة مستديرة بكافيه بجوار مكان الإنتظار المخصص للرحلة

تتحدث إليه بدلال ولطف وتُبعر إبتساماتها وهو ينظر إليها بنظرات إعجاب ثابتة، فيبتسم تارة ويضحك تارة ،،

وذاك رجل صعيدى يرتدى جلاباب يتحدث بالموبايل بصوت عالى بلكنة سوهاجية تصل إلى حد إزعاج الآخرين قائلاً : قاعد عندك بتعمل إيه يا هريدى، ده دى، مش تشوف حكاية دكرين البط إلىي فطوا من ع السور ديك النهار، أنى خلاص مش راجع تانى بسبب ولاد الدهاشنه ما إنت عارف، فينظر إليه بعض الأشخاص بإستغراب،، ورجل عجوز جداً قد تعدى السبعين من عمره يرتدى ملابس قيمة وبالطو أسود شيك ويجلس بأماكن الإنتظار وبجواره عصاه

فنسمع الإذاعة الداخلية بالمطار باللابتوب أمام المقدم أدهم وفاصل بيه : النداء الأخير على السادة ركاب الرحلة رقم ٨٨٠ المتجهة إلى أمستردام التوجه لبوابة الخروج رقم ٣٢ ، ثم نرى أشخاص يتوجهون لبوابة الخروج رقم ٣٢ ويستقلون الباص ويصعدون سلم الطائرة فنرى من كانوا ينتظرون بصالة الإنتظار والكافيه يتوجهون للطائرة ،،

فالسيدة الأرستقراطية ذات الجاكيث الجلد الأسود ،، تجر شنطة كحلى قيمة شيك صغيرة خلفها وتمسك بيدها شنطة يد بينما يسرع الرجل الصعيدى خطواته ويتعدى العديد من الركاب بالصف قبل باب الخروج للباص ليلحق بكرسيه بينما سيدة أخرى لا تترك أحداً إلا وتتحدث معه وتسأله عن أى شئى فتتحدث السيدة الثرثرة (لراكب خواجه) : هى الطيارة وصلت من المشوار إلىي كت فيه، فلا يفهمها الخواجة فلا يرد،





- مش فاهمه حاجه سيد عطار
- ولا يزال المنجم المدعو عطار (مغمضاً عينيه) : إالى ساعدهم منهم
- مش فاهمه بردو ،،،،،،،، ردت المذبة
- ماتقاطعينيش ماتقاطعينيش إالى ساعدهم منهم، ناس من غير وشوش وفيه خاين ،،، هكذا رد المنجم (بنرفزة بصوت يرن)
- خاين ! ،،، تساءلت المذبة
- ماتقاطعينيش، مش خاين واحد بس، فيه خاين أكبر منه قاعد بعيد هناك، وكلنا، وكلنا فاكرينه طيب ،،، قالها المنجم (بنرفزة بصوت يرن)
- إسمه إيه
- مش باين ،،،،،،،،،، ٢
- إيه هو إالى ٢؟
- مش باين ،، ٢ ،، رقم ٢
- فى الدرجة الثانية يا سيد عطار !
- معرفش، معرفش، قالها المنجم (بنرفزة بصوت يرن) ويمسك رأسه أماً من كثرة الإرهاق من شدة التركيز ويسترسل : والكبير، الكبير بتاعهم، ويمسك رأسه أماً من كثرة الإرهاق ويسترسل : آه آه مقدرش أركز أكثر من كده، الخدعة جامدة أوى، ولا إبليس نفسه يفكر فيها، بس مش معقول، دا بيبكى
- مين إالى بيبكى ؟ رقم ٢ رقم ٢ بيبكى ؟
- أه
- الكبير بتاعهم بيبكى ؟؟؟ يهز العراف رأسه لأعلى ولأسفل بالإيجاب فترد المذبة متساءلة :
- الكبير بتاعهم بيبكى؟ الكبير مين فيهم، بتاع الطيبين ولا الأشرار ؟
- كفاية، كفاية ،،، رد المنجم (بنرفزة وبصوت يرن)

- ومعانا مداخله من السيد هشام من العطارين ،، قالتها المذيعة
- تقدر تقولى يا سيد عطار ، الخاطفين ه يتقبض عليهم ولا لأ، ولو
- سمحت آخد رد واضح بدون لف ولا دوران ،، قالها السائل بحددة
- ه نمسك فى الديل ، الديل وبس
- إزاي
- كلامى واضح يا سيد هشام ، أنا بأعتمد على نكاء الآخرين
- تقدر تقولى القصة دى ه تخلص إمتى
- م تستعجلس، التقييل جاى فى الآخر خالص، مفاجاه ورا التانيه،
- ورا الثالثه، ورا الرابعه، مفاجآت ه تنزل عليك زى الصواعق وكلها
- فى الآخر، وكل حاجه بتحصل دلوقتى ه تفهمها بعدين، خد بالك
- م الإشارات والتلميحات كويس أوى
- كلامك غريب سيد عطار
- دورى إنتهى ومش ه أقدر أتكلم، المخرج دفعلى أجرتى ع الدقتين
- دول بس، دا حتى مأجر الطياره وخايف عليها ، ويُمسك سيد
- عطار برأسه، فتتداخل المذيعة :
- مضطرين نخلص حوارنا مع سيد عطار لإنه مرهق زى م
- حضراتكوا شايفين

## وبمقر شركة الطيران

- بعد ظهيرة يوم الإختطاف حيث يشاهد الجميع البرنامج فى التلفزيون  
ضمن شاشات العرض
- "إحنا بقينا أضحوكه ولازم نتصرف بأسرع ما يمكن" ،، هكذا علق  
مستر فاضل (بعصبية) لما أصاب شركة الطيران من عار ، فيعلق  
شوكت بيه :ه نبقى أضحوكة لو محليناش الموضوع دا فوراً ، ويشبك  
يديه أمامه واضعاً يديه على الترابيزة :

- أنا معرفش ليه قلبى مقبوض ومش متقائل خالص، ثم يسترسل (بإستسلام) : إحنا إنتهينا خالص، إنتهينا يا فاضل بيه مفروض مدير الأمن تبقى عصابة أقوى منا كلنا مش قاعد يولول ،، كان هذا تعليق مستر فاضل لشوكت بيه (بعصبية) يتمم أدهم بيه (بصوت خافت) : يولول ! جلاجل ! عنبر ٢٥ ! ،، وبعدين فى اليوم إالى مش فايت ده، أنا باينى ه أطلب الملف الطبى بتاع أم الشركة دى، ثم يسترسل بصوت مسموع : الغريب إن الخاطف م حاولش يقطع الإتصال مع البرج فيرد شوكت بيه مفسراً وكأنما عالماً من علماء الأمة : أكيد عاوز يفضل متصل بينا عشان نسمع المبلغ إالى ه يطلبه، فيرد أدهم بيه : وإنت عرفت منين إن ليه مطالب ؟ فيرد شوكت : يعنى خاطف الطيارة ليه !!! عشان يفسحهم فى دريم بارك !! ولا يوديهم كارفور إسكندرية، وكمان عشان يضمن سرعة التعامل مع مطالبه، وبعدين أكيد فى ناس ممكن تدفع ملايين عشان تقدى حد ليهم ع الطيارة،، كان ذلك تحليل شوكت بيه للموقف، فيرد أدهم بيه : ممكن، بس هو أكيد م يعرفش إننا شايفين إالى بيحصل جوه الطيارة دلوقتى، فيعلق مستر فاضل : سواء يعرف إننا شايفين أو مش شايفين، إحنا فعلاً مش مستقيدين حاجه، إحنا بس عندنا نظام متقدم صرفنا عليه ملايين، لكن الكلب ده أفقده قوته، حتى المعلومات إالى عاوزين نجمعها عن الركاب مش ه تقيدنا بعد الأقتعة إالى لبسهاهم وغير أماكنهم زى الشطرنج، وبالنسبة ليه هو، هو مش ظاهر فى الصورة، هو بيتكلم عن طريق ميكروفونات ولا نعرف هو فين، ينظر مستر فاضل لنادر بيه القبانى رئيس قسم تكنولوجيا المعلومات ويسأله (بسخرية) عن نظام الإهتزازات الذى أعلن عنه بالإحتقال :

- أمال فين نظام الحساسات يا نادر بيه، مش مفروض يدينا إشارة ويحدد آنى كرسى صاحبه عنده ذبذبات عالية

نادر القبانى (بتردد) : ما هو كل الركاب قلقانين يا فندم، فيؤنبه مستر فاضل (بسخرية) : واللى عمل السيستم دا يا نادر بيه ماكنش عارف إن الركاب هيكونوا قلقانين ! ولا الطائرة ه تتخطف وهما قاعدين مروقين وبيلعبوا طاولة وأعصابهم هادية ومالهومش دعوة، وقاعدين يعملوا شاتينج، ولا هى فرتكة فلوس ع الفاضى وكله على حساب صاحب المحل،

وينظر شوكت بيه (لنادر بيه) (بسخرية) : وجهاز عصبى ! وسينسور ! وتحدد الكرسى ! و كُله أونطه ! فأكس يعنى !

فيبدو فاضل بيه وأدهم بيه وهم يرقمون نادر بيه بنظرات لاذعة قد تعدت حد السخرية ليس بأمتار بل بأميال

شوكت بيه : حتى المتفجرات إالى بيهدد بيها معدناش خبراء مفرقات ع الطائرة عشان يعرفوا إن كان فيها مفرقات ولا لأ ، يعنى لازم ينزلنا هنا عشان نكشف عليها، ينظر أدهم بيه لشوكت بيه متعجباً وساخراً : ينزل ، م تيجى نطلعه أحسن

يرن موبايل مستر فاضل فيفتح الخط ونسمعه يتجاوب مع الطرف الآخر ف بين كل جملة وجملة لحظات صمت ، يستمع فيها للطرف الآخر

مستر فاضل : معالى الباشا، لأ، أنا عاوز أطمن سعادتك مهما طلب من فلوس إحنا ه نتصرف، ولا يكون عندك فكر، آه تمام، وينظر مستر فاضل لأدهم بيه ويسترسل بثقة بيدو بها إستخفاف : دا إحنا معانا أمن الدولة كلها هنا وكلام فى شرك، ويتحدث (متأدياً) : قريب أوى ه ندخل موسوعة جينيس ، بس مش عارف من آنى باب (قالها متمماً) و يغلق مستر فاضل الخط

خير يا فاضل بيه، مين ده ،،، سأله شوكت بيه

• دا مراد بيه الصفتى

أدهم بيه : دا الملياردير المعروف ؟؟!

مستر فاضل : أه، ما هو والد بنت مضيعة ع الطيارة إسمها نادين، فيسأله أدهم بيه عن سبب المكالمة فيرد مستر فاضل : بيقولى إنه مستعد يدفع كل ثروته حتى لو كانت ه تبقى تمن رجوع بنته، يذهب أدهم بيه فى تركيز عميق بتعجب : دا نفس الكلام إالى قاله شوكت بيه من شويه !! فينظر إليه شوكت بيه

وبداخل الطائرة ، تقوم راكبة جميلة بلبس قصير جداً لا يتعدى طول الماسك الأصفر وتشير بيدها بأنها تريد الذهاب إلى الحمام، فيسألها الخاطف : رايحه فين يا حلوه

• الحمام ،،، فيأذن لها ،، فيظهر الماسك الأصفر القصير أطول من ملابسها

فيعلق الخاطف (بسخرية) : أمال كنتى لابسه إيه أساساً، دا إحنا على كده سترناكى، ه ندفعك ثمن الماسك لإنك الوحيدة إالى إستفدتى بيه يبدو أحد الركاب من الخلف وهو يكتب رسالة على الموبايل لإبنه نَصّها "عندى شقة فى العجمى قاعده فيها البت سوسن الكومبارس إالى فى الشقة إالى جنبنا، خلى المحامى يطردها وخذ المفتاح معاك، وم تَقْلُشْ لأمك لحسن تطين عيشتى" ثم نسمع الرجل يتمم : تطين عيشتى إيه بقى، دا أنا ه بقى فى الآخرة ولو حصلى حاجه، الرسالة توصلهم، فزراه يمسح "لحسن تطين عيشتى" من الرسالة، ثم يضغط على إرسال send

ثم يكتب رسالة أخرى على الموبايل لإبنه نصها : "الفلوس فى بنك (فلستكوا) فى سويسرا وكلمة السر

ويتم بصوت خافت : وكلمة السر، كلمة السر، كلمة السر، نرى الرجل يكتب بأصابع مترددة كلمة السر "سوسن" ،،، المرحوم الوفى أبوك" ويضيف علامة الوجه الباكي بالرسالة، وتعكس حركة يد الرجل وتردده وأنفاس صوته علامات الحزن ولكنه حزن من طراز كوميدى وكأنما يريد أن يبكى، ثم يضغط على إرسال send

الفلوس فى بنك (فلستكوا) فى  
سويسرا وكلمة السر سوسن  
المرحوم الوفى أبوك  
Send

رحلة عجيبة وإختطاف غير متوقع فتهطل المشاهد والمواقف المؤثرة  
فنى سيدة أرسقراطية تصرخ بشياكة و (بانفعال) : الواطى  
صوت الخاطف : مين دا إللى واطى

جوزى أبعث له رسالة أقوله "لو رينا نجاك إتجوز يا حبيبى، بس مش  
أى حد، ممكن تتجوز جارتنا إيمى" ف يقولى "بعد الشر عليكى يا  
حبيبتى، بس إدينى ٣ إختيارات" الحق عليا إديتله الحرية بعد ما  
أموت، فتنظر ناحيتها راكبة مصرية تجلس خلفها لتؤازرها : أليل  
الأصل والله مايستاehl نرفزتك دى همليه دا صنف نمروود ،،،،  
وعلى ما يبدو أن كلمتها أثارت الخاطف الذى رد بصوته على الفور:  
مين إللى نمروود دا يا وليه، طب بالعند فيكى وفيه، أنا ه ارجع الست  
دى لجوزها عشان تتكد عليه عشته، وإنتى خليكى هنا،

تتضرر السيدة الجالسة خلف السيدة الأرسقراطية وتمتعض، فيقوم عدد من الركاب السيدات لتهنئة السيدة الأرسقراطية وتقيلها ببشرى نجاتها من عملية الخطف، فدون أن يدري الخاطف، فهو قد أعطها صك النجاة من عملية الإختطاف فنقول عدد من السيدات : مبروك النجاة يا ختى

تتداخل الراكبة المصرية المشاغبة الثرثرة والتي تبدو تلك طبيعتها فقد رأيناها للتو بتسجيلات المقدم أدهم بصالة ٣٢ بالمطار : أهو سى الخاطف طمّنك بنفسه، فنسمع صوت الخاطف : سى الخاطف إيه، وسى فود إيه يا وليه ! إحنا فى مطعم بحرى هنا ، فتعلق الراكبة الأرسقراطية (فرحاً) : مش مصدقه نفسى، تنظر الراكبة المصرية الثرثرة لسقف الطائرة معتقدة بأنه مصدر الصوت : والنبي تطمئنها تانى يا عم الخاطف

صوت الخاطف : إيه هى شغلانه ولا إيه، كل واحدة تقعد مكانها، وبعدين إنتوا بتبصوا فوق ليه، شايفنى متشعلق فى سقف الطائرة زى النجفة، والله عجيبه دى ،،، قالها الخاطف وبعد برهه

الراكبة المصرية الثرثرة (لنادين) : والنبي ياختى تسيبوني أنام، حاكم أنا متعوده كل م أركب الطائرة أو الأتوبيس، أنام ، ولو إن الرحلة دى مش باين لها نوم

بدرجة رجال الأعمال ليس الحال بأفضل بكثير، فالمصائب فى كل مكان، المصائب للغنى والفقير، للصحيح والعاجز، ولو إطلعنا على مصائب غيرنا ، لإخترنا مصيبتنا وجرينا وراءها

هكذا الحكيم الصينى الذى أتى إليه أصحاب المصائب فوضعوا مشاكلهم فى صندوق وأمرهم بالعودة بعد يوم واحد ليسحب كل منهم عشوائياً مصيبة غيره، فأراد الجميع التمسك بورقتهم التى ألقوها بالأمس

سكرتيرة تتفعل وتتشاجر مع مديرها (بعصبية) بصوت جميل : كان لازم نسافر هولندا ! ما أنا قلتلك فليتك إالى فى الساحل موجودة ، كان لزمته إيه الشحطة دى

ينظر عدد من الركاب إليهم حيث مصدر الصوت بدرجة الـ VIP وهم يتشاجرون

مديرها (بصوت خافت بعصبية) : وطى صوتك

السكرتيرة (بعصبية) : هو دا إالى همك يا عاصم بيه، وطى صوتك، ومش همك إالى إحنا فيه دلوقتى

صوت الخاطف : آه يا نمس، بس أما ننزل ه اخذ نمرة مراتك وأجرسك، إدينى نمرة مراتك يا عاصم بيه ، فيرفض عاصم بيه المدير ، فيصرخ فيه الخاطف (بصوت عالى) : أدينى نمرة مراتك وإلا

تتداخل نفس الراكبة المصرية الثرثرة التى تداخلت بالحوار السابق مع السيدة الأرسقراطية والتى تبدو تلك طبيعتها، فتتظر الراكبة الثرثرة لسقف الطائرة قائلةً (للخاطف) : م تزعلش نفسك يا خاطف باشا وتسترسل قائلة (لعاصم بيه) : م تديله نمرة مراتك

صوت الخاطف (بصوت عالى قوى) : النمرة كام

عاصم بيه المدير : ٠١١١١٢٢٢٢٣٣٣٣ زيرى أربع وحايى أربع إثنين أربع تلات، فنسمع صوت الخاطف : إالى عاوز يعمل خير يكتب النمرة ويكلم مراته أما ينزل

نرى ركاب كثيرين يكتبون الرقم فيعلق الخاطف : أكيد إالى بيكتبوا دول ستات، ثم يسترسل الخاطف (بسخرية) : م صدقتوا، فيكوا الخير دايماً



- أفهمك، حظ السماعه إالى فى الكرسى فى ودانك عشان تسمعنى لوحدك
- فيضع كل الركاب السماعات فى آذانهم ،، فعلى ما يبدو أنها طبيعة الكوكب كله
- صوت الخاطف (الركاب) (بقوة) : يا حَوْش أنا شايفكوا ثم يسترسل (بتراخى وبطريقة ساخرة) : طب مش ه اتكلم إلا لما تنزلوا السماعات ويسترسل (بقوة وبسرعة) : نزلوا السماعات
- فينزل الركاب السماعات فيستمع العجوز صاحب عملية الكبد فى السماعه وحده، فيسترسل الخاطف :
- مش إنت شفت شوية جتت ركبوا الطائرة أول ما طلعت
- أيوه
- أهم دول لعبية فريق السلة بتاع الدنمارك ،، أطول واحد فيهم عنده ٢٦ سنة
- أيوه
- هو دا إالى ه نسمى عليه وناخد الكبد بتاعه عشانك، أى خدمة، بس صحته إيه، فل الفل (بتريقة) لحد دلوقتى، ه تخليك زى الحصان
- بس دا دمه بارد يا خاطف باشا
- وإنت ه تنقى يا باشا !!
- أمرى لله
- فإنت لازم تساعدنى
- طب وأنا ه اساعدك إزاي يا خاطف باشا
- لما تلاقى زمجرة فى الطائرة م الركاب، إبقى هديهم وخليهم يسمعوا الكلام

يندمج العجوز بالحوار ويتفاعل وتبدو نبرته كوميدية لا تتناسب مع صحته المبعثرة وسنه ووقاره وكأنما هو بلطجي سوف يقوم بتثبيت الركاب والذي يسترسل :

- فل الفل، ماشى معاك يا وحش، ولو عاوزنى أثبت لك أى حد ، كح ،، كح ،، كح إبقى قولى بس وأنا أقوم بالواجب
- لا خليك صالب طولك إنت بس، بس فى كل الأحوال لما ننزل الهند إبقى غير
- أغير إيه حضرتك ! قالها العجوز (باستغراب وتَحْفُظ)
- غير الطيارة إيه فى إيه ! خد الطيارة إالى رايحه أمستردام، إنت مش رايح المستشفى

الراكب الصعيدى الذى يرتدى الجلاباب والعمامة يتحدث مع الراكب الذى بجواره بصوت عالى (بلكنة صعيدية) :

- دا أنى هريان من التار فى سوهاج ،، أقوم أجمع فى طياره مخظوفة ، فيرد الراكب الآخر :
- إنت من سوهاج
- آه ،، هريان من ولد عمى محروس
- يسمعهم الخاطف فيتداخل فى الموضوع : ما هو من حظك المهيب، إنت إسمك إيه ؟ فيرد الراكب السوهاجى : شمندى
- الله هو إنت ؟؟؟!! قالها الخاطف (باستغراب)
- ينظر الراكب السوهاجى لسقف الطائرة قائلاً :

- هو إنت تعرفنى ولا إنت من جماعة الدهاشنه ولاد إعمامى
- هو فى حد م يعرفش شمندى، دا إنت أشهر م النار ع العلم يا راجل، تصدق حالك صعب عليا، سيبنى أفكرلك ف حل، ولا أقولك، شرف المهنة بيُحْتَمَ عليا أحترم كلمتى، ربنا يتولاك يا عم شمندى

فى ظل هذا الوضع المتأزم لابد أن نجد فاضل بيه والمسئولين بشركة الطيران والمقدم أدهم من أمن الدولة يتشاورون بمقر شركة الطيران بمكتب فاضل بيه

أدهم بيه : واضح إن نظام الساوند سيستم إالى بيتكلم منه الخاطف مزروع فى الطائرة، ودا إما هو زرعه بنفسه أو حد من الصيانة مسئول : يعنى لازم نتابع ونشوف سجل مسئولين الصيانة فى الورشة وملف كل واحد فيهم

أدهم بيه : مش كده وبس، الأخطر من كده الماسكات إالى نزلت من سقف الكابينة مكان أقنعة الأكسجين، و دى مالهاش حل غير إنها ركبت فى ورشة الصيانة

المسؤول : دا بياكد الكلام الأولانى، يعنى لازم نتأكد فوراً مين متورط فى العملية دى من الصيانة فى المطار فيمتعض شوكت بيه فيرد (معتراضاً) : ومدير الصيانة ه يركبها إزاي، دول ناس بيكونوا على سمعة طيبة وم نقرش نشكك فى نزاهتهم، ليه مانقولش إن حد تبع الخاطف هو إالى إتسلل لهانجر الطيارات وركبها قبل الرحلة بغترة فيرد أدهم بيه :

- ركبها إزاي ؟ والأمن فين يا شوكت بيه ؟
- دا أمن المطار يا أدهم بيه مش أمن شركتنا، وبعدين م تنساش إن الطائرة دى كانت فى الصيانة الـ ٤٨ ساعة إالى قبل الرحلة
- ع العموم دا مايمنعش إننا نجمع معلومات عنهم
- تبدو علامات الإمتعاض على وجه شوكت بيه قائلاً : إسمحلى يا أدهم بيه ،، أنا مش مع التشكيك فى نزاهتهم أبداً،

## (٥) فريق مستر فاي

### جوجل إيرث - قارة إفريقيا

مشهد من جوجل إيرث حول الكرة الأرضية، ومنها على المحيط الهادى، فالى جزيرة صغيرة فى جنوب شرق آسيا بجوار شواطئ تايلاند وبنجلاديش ومنها إلى داخل الغابات إلى فيلا مكتوب عليها "وكالة فاي للتوريدات" ومنها إلى غرفة عمليات فريق مستر فاي

### غرفة عمليات فريق مستر فاي

ثلاثة من الشباب (شابين وفتاة) جالسون أمام شاشات الكمبيوتر على تربييزات كبيرة فخمة متجاوزة وأمامهم الشاشات، يظهر على يمين الشاشات مكتوب فاي سيستم ،، Fi system

وتظهر على الحائط من بعيد فلا تكاد يميز الوجوه، صورة التخرج الخاصة بهم مع زملائهم بالمعهد ووسطهم عدد من الأساتذة منهم دكتور ودكتوراه بالمعهد ، ومكتوب على ظهر الكراسى من اليمين للييسار

الكرسى الأيسر	الكرسى الأوسط	الكرسى الأيمن
ريهام ٢٢	هشام ٢٠	يحيى ١٠
خدمة العملاء أخصائى الأعضاء الخارجية والكماليات	خدمة العملاء أخصائى الأعضاء الداخلية	خدمة العملاء مدير إدارة الأعضاء الداخلية

الثلاثة من الشباب بعمر واحد ، فهم من نفس السنة الدراسية بالمعهد يحيى ذلك الشاب الباسم دائماً الذى يتحدث بعفوية وطيبة ويعتبر الإبن المدلل لمستر فاي (الخاطف) وأقربهم إليه هشام الشاب الوسيم العبقري ذا الإمكانيات الفائقة

ريهام فتاة جميلة رشيقة على علاقة طيبة بالجميع حتى أنها تتعامل مع الجميع بالوكالة بطيبة متناهية

وكالة فاي

Fai Agency



Fai Agency

هواتف ترن ويتلقى هؤلاء الشباب ذوى القدرات العالية إتصالات، يرفع يحيى السماعه ويرد على مكالمه ويتخلل كلامه لحظات صمت مستمعاً للطرف الآخر، بينما ينظر هشام فى الشاشة أمامه وتتكلم ريهام بصوت خافت مع أحد العملاء  
يحيى : آلو - أيوه يا فندم معاك يحيى المعداوى  
customer services

إتفضل ،، رقم التليفون كام ،، أيوه ،، دكتور هيربرت ،،  
مستشفى كليف رانج

العنوان : نيويورك ،، شارع الأعضاء - تقسيم الجثث - نمرة ٩٨  
الدور ٢١٢

علامة مميزة ،، حضرتك ،، جنب أبو رامى  
طب الأوردر لو سمحت

٢ كبد طازة وواحد ممدار ،، آسف ،، ماسمعتش كويس الخط كان  
بيقطع ،، واحد طحال،، آل يعنى فرقت، طحال من ممدار

تمام ، عاوز أى شرايين ، سلطات ، أى حاجة ، إيه ، أكتر من كرات  
الدم البيضاء ، علبة كبيرة ولا صغيرة ، ٢ صغيرين أه يا ناصح  
عمليتين

طب فى كومبو ،،، يعنى لو خت ٢ كبد طازه وواحد طحال وعلبتين  
كرات دم بيضاء ، تاخد عليهم كمان طربلب مجانى أيوه طربلب بتاع  
أستاذ محمود عبد العزيز

إيه !! كنت فأكره غالى ؟؟!! ،، لا ،، لا ما بعد ما فشلت عملية نقل  
الطربلب قل الطلب عليه فرطرت ،،، تمام حاضر من عيني ،،  
أراجع مع حضرتك الأورد

يبقى ٢ كبد طازه وواحد طحال و ٢ كرات دم بيضاء وواحد طربلب  
،،، تمام

يبقى كده الحساب كله ٤٨٠ ألف دولار ،،، ودا عشان حضرتك بس  
أول مرة ،،، ومش عاوزين نغلى عليك عشان تبقى زيونا ،،، الأسعار  
دى م بنديهاش لحد وإسأل بره

لأ ،،، كتير إزاي إنت عارف الكبد دا بتاع مين ،،، دا لعيب كورة  
بيجرى ٩٠ دقيقة ، يعنى ه يخلى الميت إالى عندك رهوانة وه  
يدعيلك

إكشف عليه بمعرفتك ،، أه طبعاً عليه شهادة ضمان ،،، ه توصلك  
،،، بس لازم تحتفظ بيها ،،، العضو مضمون ٣ سنين أو ١٠٠ ساعة  
سواقه ولو فى مصر أو فى الهند ،،، ضمانه ساعتين سواقه بس ،،،  
ومالناش دعوه بعد كده إيه إالى ممكن يحصله

دليفرى ولا تيك أو اى ،،، دليفرى يبقى ، أربع تيام ،،، لا مش قبل كده  
،،، وم تديش الواد تبس ،،، عشان دى سياسة الوكالة ،،، وكمان إحنا  
بنعلمهم الحفاظ على القيم والتراث

تستقبل ريهام مكالمة بينما هشام يتكلم مع عميل بالتليفون بصوت خافت وينظر يحيى بالكمبيوتر  
ريهام : معاك ريهام البحيري ،، ، customer services ،، ،  
إتفضل

آلو ،، ، أيوه ، عاوز شمندى ولد عمك  
فتتظر فى الكمبيوتر ،، وتسترسل : شمندى ،، شمندى ،، شمندى  
لا ، ماتقلش طلبك بيتجهز وه يوصلك فوراً ،، ، إستنى إتصال تانى  
منى خلال ٤٥ دقيقة عشان ه ابلغك بميعاد وطريقة التسليم

ينهض يحيى ويأخذ بالطو أبيض من على الشماعة ويرتديه ثم يتناول  
سماعة أذن والخاصة بالأطباء ويضعها فى أذنه ويدليها على صدره ثم  
ينادى على عادل وهو مساعد لهم بالوكالة : عادل ،، لا يسمعه  
عادل، فينادى عليه يحيى بصوت أعلى  
يدخل عادل من الباب وهو رجل ضخم الجثة تبدو عليه ملامح الطيبة  
، جسمه به ليونة (مكلبظ) ووجهه طفولى ، يسترسل يحيى قائلاً لعادل  
: ه اكلم دكتور ديفيد

يفتح عادل باب دولا ب صغير بنفس الحجرة ويحضر جمجمة وماكيت  
جسم إنسان ويضعهم على مكتب يحيى ،، ، وكأنه سيم بينهم (فعندما  
يطلب يحيى مكالمة دكتور ديفيد ، فإن عادل يجهز تلقائياً هذه  
الطقوس فى كل مرة)

عادل : أى أوامر تانية يا باشمهندس يحيى  
ينظر هشام ليحيى : إيه ،، ه تكلم دكتور ديفيد ولا إيه

وبينما يجلس يحيى يرد : دكتور ديفيد ده ،، ويتناول يحيى رشفة شاي ويسترسل : ليه طقوس خاصة عشان تعمله مكاملة ،، ويتناول رشفة شاي وكأنما شخص (يعمل دماغ) ويسترسل : لازم تحش في المود وتتقمص الشخصية الأول عشان تحس بأهمية وطبية الأوردر بتاعه ،، مفيش مجال للخطأ ،، الغلطة بوفرة علطول ،، يعنى لازم تتأكد من مطابقة المواصفات ،، فصيلة الدم ،، الحالة الصحية

هشام : هوا دا بتاع كولونيا خمس خمسات

يحيى : دكها مستر جونسون، م تخلص الدنيا ببعضها بقى، لحسن أتلخبط معاك وأبعث دليفري غلط تبقى كارثة، دا مش نص طرب ناقص فى أوردر ولا طحينة، يجلس يحيى على الكرسي ويعدل البالطو ويُمسك بتليفونه ويتصل : آلو أيوه دكتور ديفيد أهلاً ، معاك يحيى المعداوى من وكالة فاى للتوريدات ، أهلاً يا دكتور ، طلبك جاهز كبدتين إنما إيه ،، يستاهلوا مشرك الجميل

دكتور ديفيد : يحيى حبيبي عاوزهم بسرعة لحسن حاجزين المريض فى المستشفى من إمبراح عمالين نشغله بفيديو جيم نازل جديد ، ومخيلين البت الممرضة قاعدة تلاعبه بلاى ستيشن ، وكُت مستنى مكالمتك على نار

يرد يحيى : عيني دكتور ديفيد حتى عشان البت الممرضة الغلبانة تشوف عيان تانى، ولا تيجى تشوفنى أنا

تنظر إليه ريهام بإبتسامة خبيثة فهي تعلم أنه زير نساء فينظر إليها يحيى ثم يعيد نظره للكمبيوتر أمامه ويستأنف حديثه مع دكتور ديفيد : عموماً التسليم بعد بكره ٣٠ أكتوبر، البر الغربى، مزلقان كوالالمبور الرئيسى، بعد شريط السكة الحديد علطول عند الواد ظاظا بتاع العصير، الحاجة جاياك فى ثلاجة العربية إالى ه تستلم لازم تكون مكيفة



هشام : آلو ،،،، أيوه ،،،، كبد !! و (بصوت عالي) : عندك كبد جوه  
يا عادل

فيرد عادل : مفيش يا ريس

فيرد هشام (للمتحدث) : لا والله ،، آسفين ،، آخر كبد إتجزز ولسه  
طالع أوردرد حالاً جنبك في كوالا لامبور ، ممكن تسيب إسمك وعنوانك  
ولو جت شحنة تانية ممكن أتصل ببيك ، بس ه بيقى بالسعر الجديد

• كام

• ٣٠٠ ألف دولار ، أيوه ،، غلى ٥٠ ألف بس معلىش المعاش غالية  
بقه ، م إنت شايف ، طب خليك معايا أشوفلك في فرعنا إالى في

الدنمارك

ويضعه هشام على الإنتظار ١٠ ثوانى ،، فنسمع موسيقى الإنتظار  
وهى جزء صغير من أغنية "ماتصبرنيش لأم كلثوم"  
ماتصبرنيش ، ما خلاص ، أنا فاض بيا ومليت"

وينظر هشام لريهام : طلب الفلبين بتاع الكبد إتتفد ولا لسه ؟  
تنظر ريهام على الشاشة وتخبره أنه لم ينفذ حتى الآن ، فيرد هشام  
(بمكر) :

- م تعرفيش تأجليه ، الراجل دا ه يدفع أكثر وجاهز
- أصول المهنة يا هشام وبعدين تعليمات الدكتور الإلتزام في المواعيد  
أساس النجاح ،، قالتها ريهام (بضيق) فيتجادلا
- ما هو بردو الدكتور إالى علمنا إن "إلى يدفع أكثر يشيل"
- "لو كان حاجز" ،،، الدكتور قال كده ، ليه نسيت تقولها ، ولا  
عشان ه تاخذ عمولة ع العملية
- ما تفهميني غلط

فتخرج ريهام لسانها لهشام (بغيط) : لأ أنا فاهماك صح

يعود هشام للمكالمة : معلى يا خواجه ه اسجل بياناتك وأبلغك أول ما  
ييجى حاجه

أما بداخل الطائرة فيتحدث صوت الخاطف : الخاطف يتكلم

، hijacker speak،Hijacker speak

، listen please،listen

Ladies and gentlemen

ألو ألو ، ، ٢-٤-٦-٨ ، ، الخاطف يتكلم ويسترسل قائلاً (للطيار) :

• قولى يا كابتن البنزين إالى فى الطائرة بعد اللكاعة واللف إالى  
إحنا لفيناها دا كله مشينا أد إيه

• ساعتين بالظبط مش أكثر من كده، وفاضل ساعة واحدة على  
نهاية الرواية، وم اعرفش ه تخلص طلباتك إمتى ، المؤلف عاوز  
يقفل الرواية والناس تروح ، فيرد الخاطف (بسخرية):

• لا ماتخافش ه اقلك الرواية يا حبيبي، وبالرتم السريع كمان، وإن  
شاء الله كل إالى ه يقروا الرواية ه يصلوا عليك وإنتم نازل م  
الطيارة فى تابوت،، ويواصل بنرفزة : إنت ه تتخلق عليا ! وبعدين  
دى قصة مش رواية، ولا معلموكش كده فى مدرسة الطيران، مش  
قبل ماتقعد ع الدركسيون تعرف الفرق بين القصة والرواية، يكونش  
عشان كده كت عاوز تنزل بيها فى البحر، آآآ م عشان علامك  
ناقص، وأنا بردو أقول دى مش تصرفات ناس متعلمين ، تقديرك  
كام فى الكلية آ كابتن، تلاقيه مقبول، ولا ض ج ،، ويسترسل  
(بنرفزة) : أه ، ه تتخلق عليا ولا إيه !!!! أفجرهالك يعنى،  
أفجرهالك، فيصرخ عدد من الركاب ليهدوه بأن الطيار لم يقصد  
ذلك وأنه أخطأ "طيار وغلط"

## وبقمرة القيادة

كابتن جلال (لمساعده) : كنت باحاول أنرفزه يمكن يقوم من مكانه ف نعرف هو مين ،، فيرد مساعده : مغيث داعى تستغزه لحسن يطلع مبرشم يتهور ويضيعنا كلنا  
فيرد عليه كابتن جلال : ودا واحد مبرشم بردو ،، دا مركز أكثر منى ومنك

## بفيلا وكالة فای (الخاطف)

فريق مستر فای وعادل وسعيد يشاهدون التلفزيون بالحديقة على حمام السباحة وأمامهم منضدة حديقة ،، أمامهم أكواب من العصير والشاي ،  
يرن موبايل هشام

يحيى : مين الرخم ابن الرخم إالى بيتصل دلوقتى ده  
ريهام : أكيد زبون

يحيى : حتى هنا كمان فى وقت الراحة

هشام : والله إحنا لازم نطالب بـ "بديل عمل فى الأوقات غير الرسمية"  
يحيى (بتريقة) : م تنساش تنزل نص ساعة فى الأوفر تايم  
overtime فى التايم شيت بتاعك، إيه يا عم إنت شغال فىين !!

هشام : مش هارد ، دى نمرة غريبة

يحيى : جدع

ويتابع الجميع مشاهدة التلفزيون ، يرن موبايل هشام مرة أخرى

يحيى : دا مصمم بقه

فيرد هشام : آلو ،، أيوه يا فندم، معاك هشام الجوهري customer  
services ،، إتفضل رقم التلفزيون كام

ویسجله هشام فی ورقة أمامه ویسترسل : عاوز جابر ولد عمك، طیب ودا خط سیره إیه، طالع هریان لکندا، إمتی، طیب ه احاول أجمع الطلبات بتاع طيارة کندا مع بعض عشان العملية م تخسرش معانا، بس العملية دی مهرها غالی یا جمیل، آیوه

ویسترسل هشام (بلکنه صعیدی) : یعنی ه تدفع إثنين مليون إجنیه فی ولد عمك وندبهولك حی (بقصد نجیبهولك حی) ،، ولو عاوزه جتة، تدفع مليون بس، آه طبعاً أرخص لإن دیتها رصاصة وخلص، لکن لو عاوزه حی دی عاوزه تکتیک تانی خالص، تکتیک ع البارد مش عاوز تفرغ فیہ بندجیتك إبنفسك،

خلص إدفع ، لأ، مفیش فصال، آخر سعر مليونین إجنیه م ینجشوش إجنیه واحد، ماشی العنوان والتلیفون، التسلیم فی بطن الزیر طبعاً ، دی أضمن حتہ لإن البولیس هاملها من ساعة م إبن حمیدو قبض ع الباز أفندی فیها

ینهض عادل ویتجه للتلیفزیون ویقف أمامه ووجهه لفریق مستر فای ویتحدث وكأنه یلقى بیان، فینظر الجمیع إلیه بترقب منتظرین ما سیدلیه من تعلیمات من الواضح أنها تعلیمات مستر فای، فیقول :وفقاً لتعلیمات الدكتور، وتنبیہاته بشأن بعض الأفلام الواجب مشاهدتها، بل والإکثار منها، لإرتباطها الوثیق بطبیعة العمل الذی نؤدیہ، وحيث أنه، کونی أنا المنوط بهذه المهمة الخطيرة ه نشغلکوا فیلم ،،،،،

یبدا الترقب علی وجوه فریق مستر فای فیسترسل عادل : جرى الوحووووش

یتبعه تصفیق حاد من أعضاء الفریق فیقوم عادل بتشغیل الفیلم وینتبه الجمیع للمشاهدة ویستقبل یحیی مکالمة

یحیی (لعادل) : هاتلی اللاب توب بتاعی یا عادل

(للمُتَّصِل) : يحيى سبيكنج yehia speaking آلو أيوه، دكتور جونسون، فينك من زمان يا دكتور والله كنا لسه فى سيرتك الصبح، فيرد صوت دكتور جونسون : بالخير ولا بالرضى ،،  
فيرد يحيى باسمأ : لأ بالرضى طبعأ، إحنا قلنا إيه هو دكتور جونسون بيحجب من حته تانيه ولا إيه، إحنا زعلناك فى حاجه، عيني ليك دكتور جونسون، كبد بردو، إيه الحكاية الطلب ع الكبد، كتر اليومين دول كدا ليه ؟

ينظر يحيى للتليفزيون ونرى لقطة الطربلى على الشاشة بالفيلم فنرى ونسمع النجم حسين فهمى على الشاشة وهو يقول : "الأوربيين والأمريكان مصابين بجشع سرطانى، لأنه عضو جديد فى سوق الأعضاء لسه ماتسعرش ، بكره بعد نجاح العملية ه يرخص ويرطوط" يستأنف يحيى حديثه للدكتور جونسون : كبد بردو إظهار راحت عليك يا عم الطربلى فى سوق الأعضاء ورطوط بصحيح يعطى عادل اللاب توب ليحى ويعتدل يحيى فى جلسته ويضع اللاب توب على الترابيزة ويسترسل : لا م تخافش ه نتوصى، ماشى

دليفري : ٧٥ يوم

السعر : ٢٨٠ ألف دولار عشانك

الدفع : مقدم قبل التسليم بشهر

التسليم : دليفري - دور تو دور door to door عيني ، رغم إننا بنسلم سيف CIF أو على ظهر السفينة FOB بس عشانك ه نسلمك عندك

أ ،، العنوان متسجل عندى أهه، مستشفى كليف رانج نيويورك إى ى

ى

عُلم يا دكتور ألف سلامه

## (٦) المطالب

### بالطائرة داخل كابينة الركاب

نسمع صوت الخاطف عبر نظامه الصوتي :

• كابتن إفتح الإسبيكر مع البرج ومع كل إلی سَامعِنِي دلوقتي عشان  
هأقول مطالبی، وقبل ما أقول مطالبی إلی هأکتبونها إنتوا والسادة  
المشاهدين، أحب أقول مقدمة و شوية ملاحظات

• مقدمة!!!!!! إنتفضل،،،،، قالها كابتن جلال (بسخرية)

• أنا فی مطالبی ، راعيت مصلحة الركاب وسلامتهم، ولازم الروح  
دی نفسها تكون موجودة عند الكابتن والسادة المسؤولين إلی  
بیسمعونى دلوقتي، وه ینفذوا طلباتی بالحرف الواحد، كده المقدمة  
خلصت، ندخل فی الملاحظات، أول هام، إن كلها تنتفذ خلال  
ساعة من دلوقتي وبعدها هأختار مطار للهبوط ننزل فيه بالبنزين  
إلی هأفضل بعد تنفيذ الطلبات یعنی كل ما ننفذ الطلبات بسرعة  
هأبقى فی مصلحة السادة الركاب الأعرء الغالين عليا ، غالين  
عليا (ويتغنى مستر فاي على أنغام موسيقى أغنية غالين عليا  
للراحل محمد قنديل) ويقفل الأغنية بدون موسيقى بقوله "غالين عليا  
أوى"

• عرفنا إننا غالين عليك، إنتفضل

• یعنی أي طلب مش هأيتنفذ هأكون العواقب وخيمة ،،، قالها  
الخاطف (بحدة وقوه) ثم یسترسل (بهدهوء) : والنتيجة ببساطة، إن  
لو أنا ما فجرتهاش، ف البنزين هأخلص فی الطائرة وتقع، لإن زى  
ما قتلکوا أنا مش ع الطائرة، یعنی اللحلة وسرعة التنفيذ  
مطلوبين، مفيش لكاعة،

• لإن دا نظام إختطاف عن بعد بتكنولوجيا مستر فاي تو بلس 2+  
الجديدة إلی طورها إتحاد الخاطفين الدوليين

- ممكن ندخل فى المطالب عشان الوقت م يسرقناش و ننجز يا خاطف باشا
- ندخل فى المطاليبيبيبيبي عشان الوقت م يسرقناش زى م بيقول الكابتن لإن كل م الوقت بيعدى مش فى صالحكوا الحقيقة، وبعدين لو بصينا للعملية نفسها، أه ، ه نلاقى إن ال يلاحظ كابتن جلال تراخى مستر فاى فى الحديث، فيقاطعه بصوت على:

•مستر فاى ! المطالب

- آه ،، المطالب فاضل كام من الساعتين يا كابتن ؟ فيرد (بغيط ويجز على أسنانه بمنتهى القوة) ساعة و ٥٥ دقيقة

•خد عندك الطلبات ،، هكذا يتحدث الخاطف بطريقة جدية جداً

يستمتع المسئولين فى شركة الطيران لصوت الخاطف بإنتباه ويُمسك بعضهم بقلم وورقة واضعين أيديهم على المكتب والقلم موجه للورقة ومستعدين للكتابة وكأنما عداء على خط البداية بمشط قدمه اليمنى شاخصاً نظره إلى نقطة نهاية الـ ١٠٠ متر ، فيياغتهم الخاطف بصوت جدى إكتب عندك إنتت وهو ،،،،، ثم يتراخى بحديثه مرة أخرى : م بتكتبش ليه، فين قلمك ؟

**بشركة الطيران**

ينظر أدهم بيه لشوكت بيه فيجده بدون قلم فعلاً، فيتعجب، (هل إنقلب الآيه ،، والخطاف هو من يرى مقر الشركة (!!!!))  
فيناوله قلم قائلاً : إمسك القلم جبئنا الكلام ، فيمسك شوكت بيه بقلم

**بالطائرة**

يتحدث الخاطف بطريقة جدية جداً كما لو كان يرى شوكت بيه وهو يُمسك القلم : أيوه كده







هى الطيارة دى مش رايحه هولندا ولا إحنا خطفنا طيارة غلط، أنا حاسس إننا زى ما نكون فى موقف عبود ورايحين ع الوراق بالظبط  
راكب : إيه بس إالى مزعلك يا خاطف باشا  
فيرد صوت الخاطف (بغفوية) : غريبة والله الطيارة رايحه هولندا وفيها واحدة ألمانية و ١٠٠ من حدانا! غريبة دى، خايف أكون خطفت ميكروباص إمبابة، ثم ينتبه الخاطف ويتعجب من سؤال السائل :وانت مالك أهلك إنت، م تخليك فى حالك ويسترسل قائلاً (للفتاة الألمانية) (بلطف يليق برقتها) : روحى أدام بقه ،،،، فتتجه الفتاة الألمانية للأمام

### بشركة الطيران

يستشيط أدهم بيه غيضاً فالوقت يمر والوقود يتناقص بلا فائدة، والخطاف لم يعلن عن مطالبه حتى الآن، فيطلب من كابتن جلال (بغيط) أن يعتذر للخطاف كى نصل ونعرف ما يريد

### بالطائرة

حقك عليا أنا آسف ،،، هكذا إعتذر كابتن جلال للخطاف  
إلا أن ذلك وعلى ما يبدو غير كافي، فيرد الخطاف : آسف على إيه ولا إيه !!! وأنا ه أنسالك إالى كت عاوز تعمله، آل إيه، عاوز تنزل بالطيارة فى البحر، إيه فاكّر نفسك نازل البانيو إالى فى بيتكوا ولا فرافيرو العجيب، وبعدين آسف بعد إيه! بعد م ضيعنا ربع ساعة بسبب مقاطعتك، صحيح طلعلنا بفايده  
فايدة إيه بأه ؟ قالها كابتن جلال مقاطعاً  
أنيّا طبعاً، ولا دى مش فايده ! ويسترسل الخطاف (للكاب) (بصوت عالى) : فايده ولا مش فايده

فیرد عدد من الکراب الکراله (بصوت عالی) إقراراً بتلك الحقیقة الی لا ینکرها إلا جاحد : فایده

فیواصل الخاطف : شفت بأه، تصویت أهه ولا ه تبقی إنت فی جبهه وحدثك مع المعارضة  
فیحاول کابتن جلال الحصول علی تصویت معاکس : فایده ولا مش فایده یا ستات

فترد الستات (بصوت عالی) : مش فایده  
یسعد کابتن جلال بهذا التأيید قائلاً : شفت بأه، تصویت أهه، ولا ه تبقی إنت فی جبهه وحدثك مع الکراله ضد الستات دی کلها ؟  
فیرد صوت الخاطف بإستتکار وسخریة : أله، دا إنت بتتحدانی بأه !  
فیقول (للکراب) بسرعة : أنیتا فایده ولا مش فایده یا کراله ؟  
فیرد عدد من الکراب الکراله (بصوت عالی) : فایده

صوت الخاطف : موافقة، إلی بعده، نکست next ثم یسترسل موجهاً  
حدثه لکابتن جلال : یعنی إنت ضیعت ربع ساعة بسبب مقاطعتك،  
وبتعارض إننا طلعنا بفایده، طب أهه أدیکوا متشعلقین فی الجو  
وبنستهلك بنزین ع الفاضی

- حقه علیا أنا آسف
- أله،، مش إنت إلی إستعجلت وسألت عن مارکو یا کابتن !!!
- حقه علیا أنا آسف
- آسف إیه !فین بکار،، فین بکار یا ست المضیفة، هی الکراله دی  
أردیحی ولا إیه، مش الناس دی لازم تاخذ حقه، مش دافعین  
فلوس ! ولا راکبین شکک ویسترسل (بصوت قوی) : دافعین ولا مش  
دافعین ؟

فیرد الکراب (بصوت قوی) : دافعین

• سمعتى ،، وأمه صوت رجالي مع حريمى غير إالى صَوْتْ لأنيّتا،  
دا ميكس ميكس

نادين المضيفة : ميكس إزاي يعنى ،،،

تمر نادين بالممر لتلبية إحتياجات الركاب، فتمر بجوار السيدة الثرّارة،  
فتمسك السيدة الثرّارة يدها : ها إطمنتى على أختك غيرت الطيارة ولا  
لسه ؟؟ لحسان دى صعبانه عليا أوى، ففتبتسم نادين دون رد، فستترسل  
السيدة الثرّارة : شكلك بتتكلّمى بجد، يعنى عندك طياره ملك وجايه  
معانا بالإيجار !! والنبي خيبه ووش فقر

ويستترسل صوت الخاطف (لكابتن جلال) (بنرفزة) : يووووووه ،، أديك  
نسيّتى إحنا وصلنا لحد فين ينظر كثير من الركاب لأعلى فيذكّره  
راكب : ماركو فرنانديز

فيتذكر الخاطف : آه ماركو فرنانديز ،، أيوه ماركو ، شفت إالى إنت  
عملته بقه يا كابتن !

• وأنا عملت حاجه !

• طبعا عملت، يعنى كل دا وم عملتش حاجه

• طب إيه إالى عملته بس يا خاطف باشا !

• دا إنت خليّتنا نقول ماركو فرنانديز، ماركو فرنانديز، ولا عشر  
مرات

• وايه إالى حصل يعنى !

• دا بقى أشهر من مستر فاى يا راجل، يعنى إالى يخلص القصة ولا  
طالع م الفيلم ه يتكلم عن ماركو فرنانديز ومش ه يتكلم عن

مستر فاى، ينفع الكلام ده !!!

فيرد عدد من الركاب : لا م ينفعش



وأنا عارف أوقفه، دا مترليوز، دی ماسورة وإتقتحت، لأ، والركاب  
إندمجوا معاه ونسيوا المصيبة إلی هما فيها !  
بمقر شركة الطيران يتفاعل ويتأثر شوكت بيه فيقول (برومانسية) :  
مصيبة إيه !!!!! أنیتا، بس تعرف، ليهم حق، يا بختهم، دی أكيد  
حتى برفان إيه !! هو البرفان مش داخلك جوه الكابينة ؟؟

### بالبائرة

كابتن جلال : إتفضل ،، مين بقى ماركو فرنانديز ده ؟؟  
فيرد الخاطف (بغيط) : تانى بتقول إسمه أدامى، م أنا قتلتك المخرج  
ه يشبط فيه ويقلبنى

●أمال أقولك إيه

●قولى إلی ما يتسماش

●ماشى، ماله بقى إلی ما يتسماش

●تقصد ماركو فرنانديز، ماركو فرنانديز، دا يا سيدى يبقي تاجر  
مخدرات مكسيكى، موجود فى سجن كابالاسكا فى مدينة سينالوزا  
فى شمال المكسيك

● ودا ماله دا بقه يا خاطف باشا ؟؟

● عاوزين نفرج عنه خلال ساعة من دلوقتى، ودا ه يتم فوراً ، وقبل  
هبوط الطائرة مقابل الإفراج عن الركاب الأمريكان والمسئولين  
المكسيكيين أول ما تنزل الطائرة، يعنى لو الإفراج ماتمش عن  
السجين، إنتوا عارفين إيه إلی ممكن يحصل، كتبتوا ولا لسه، طب  
أسلى نفسى شويه

نرى صورة قريبة جداً ليد شخص تُمسك بموبايل حديث ويبدو جزء من  
فخده فقط ولا توجد أى معالم للمكان المتواجد به الشخص ومكتوب  
على شاشة الموبايل :

رسائل فائتة (١) ، فيضغظ الشخص بإصبعه فيفتحها، فيظهر، الساعة 8،52am فيتمتم الشخص لنفسه بصوت خافت جداً : دا قبل الرحلة م تطلع علطول، إظهار مخدتش بالي نص الرسالة على الموبايل تقول : "أطلب ٥٠ مليون دولار مش ٢٠ مليون زي م بلغتك إمبراح \*\*\*\*\*" ، فى مضيفة ع الطيارة أبوها ملياردير كبير وأكيد ه يدفع أى مبلغ"

يتمتم الخاطف لنفسه بصوت خافت : كلهم حلوين، ودى أخطفها ولا أتجوزها !! فيسترسل مستكماً إملاء طلباته (بصوت عادى) : ثانياً ، مبلغ ٥٠ مليون دولار

يخيم الذهول على وجه الجميع بمقر شركة الطيران، أما بالطائرة فيواصل الخاطف إملاء شروطه : وقت التسليم، بعد ٤٠ دقيقة من دلوقتي

طريقة التسليم: كاش ه تتعد ورقة ورقة قبل تسليمها وه أقولك طريقة التسليم بعد شوية، يعنى م ينفعش تبقى الدولارات ع الوش والباقي ورق أبيض ،، وم ينفعش ورق مضروب لإن إالى ه يستلم بيغهم فى الورق كويس أوى

مكان التسليم : بطن الزير إبيبيه ،، أيوه أيوه بطن الزير ويسترسل الخاطف (متمماً بصوت خافت) : باقى الطلبات والأعضاء والكبد والذى منه، نبقى ناخدها بعد ما تنزلوا بالسلامة يا حلوين الطائرة بالجو ونستشعر ما بها من مشكلات يواجهها كابتن أدهم ومسئولى شركة الطيران والواجب عليهم حلها فى أقل من ساعتين متبقيتين من زمن الرحلة

راكب لرجل كبير بجواره : بتقرا إيه، ودا وقته يا حاج

- ه نعمل إيه يعنى، إالى مكتوب علينا، ه يصير، سواء بإرادتنا أو بغير إرادتنا، كذلك رد الحكيم بهدوء
- واضح إنك قربت تخلص القصة، م فاضلش فيها إلا صفتين ثلاثه
- القصة م تخلصش إلا مع آخر كلمه يابنى، زى قصتنا دى، وينظر للقصة بيده ويسترسل : هنا المؤلف قلبلى كل توقعاتى إالى فكرت فيها وأنا بأقرا القصة، وبعدين قلبها تانى ،، فيوجه إليه الشاب وجهه متعجباً، فيسترسل الحكيم بثبات : وتالت، أيوه يابنى، زى قصتنا دى
- تقصد إيه يا حاج
- فينظر إليه الحكيم ،، ولا يرد ،، وبعد برهه : ماتستعجلش
- تقصد إن التريل جاى ورا ، لا يرد الحكيم ، فيحول كلاهما وجهه للأمام فى هدوء

### بمقر شركة الطيران

كما هو متوقع، تدور مناقشات حادة بين المسؤولين بالشركة مع أدهم بيه بين مؤيد ومعارض لتنفيذ مطالب الخاطف، فمنهم مستر فاضل والذى يميل إلى سلامة الركاب أولاً ويؤيده شوكت بيه قائلاً : مش بس سلامة الركاب، لأ، والماسكات طبعاً، فينظر إليه مستر فاضل و أدهم بيه وآخرون بتعجب وإستكار، مستر فاضل (غيتاً لشوكت بيه) : دا عشان نحرزها !!!

شوكت بيه : أنا ب اتفق مع فاضل بيه ، فإن المطالب دى لازم تنتفذ وبأسرع ما يمكن ويسترسل (برومانسية) : لازم نضمن سلامة أنيتا

فينفعل عليه مستر فاضل (بغیظ) : كت أمنهم فى الجو بدل ما أمنت الإحتقال فى البر، ثم يسترسل رافعاً صوته : ٦٠ فرد أمن يا شوكت بيه !!!! م كنش حصل إلی حصل

شوكت بيه (برومانسية وتأسى) : فعلاً،،،تقصد أنیتا بردو !!!  
فينظر إلیه فاضل بيه شزراً بمنتهى الغیظ، ثم یحوّل نظره لأدهم بيه بهدوء : بس تنفيذ الطلبات دى محتاج تنسيق مع جهات كثيرة، یعنی تاجر المكسيك دا، إيه إلی یقنع السلطات المكسيكية بالإفراج عنه فيرد شوكت بيه : وإيه یعنی ، وينظر إلی أدهم بيه ويسترسل : دا دور الجهات الأمنية تساعدنا، مش كده يا أدهم بيه؟ ، فيرد :فعلاً، دا دورنا إحنا، إحنا هنتصل بالسلطات فى المكسيك، م تنساش إنه قال إن ده مقابل الإفراج عن الركاب الأمريكان والمسؤولين المكسيكيين، یعنی هو سلطنا مسؤولية تنفيذ أو عدم تنفيذ الشرط ده، یعنی لازم ننسق مع السلطات المكسيكية إلی مش ه تفرط فى المسؤولين بتوعها، وفعلاً فيه مسؤولين مكسيكيين ع الطيارة، شفت أساميهم فى اللسته إلی جاتلى، ودول مقربين من الرئيس المكسيكى جداً، یعنی مش أى حد، ومن ناحية ثانية السلطات الأمريكية ممكن تضغط من ناحيتها لتنفيذ الإفراج

مستر فاضل : المشكلة إن الإفراج خلال ساعة، مش ه يدى فرصة للسلطات المكسيكية تخطط لمراقبة السجين بعد الإفراج عنه لإن الوقت ضيق

شوكت بيه : دى مش مشكلتنا إحنا، إحنا إلی يهنا سلامة الركاب وسلامة الطيارة ويسترسل (برومانسية) : وأنیتا قبل الطيارة !!  
أدهم بيه : إحنا ه نساعدهم فى كده ولو إن أعوان الخاطف أو المافيا إلی ه تستقبله، أكيد مخطّطه كويس جداً هما ه يخفوه فين أو ه يهربوه فين وبأسرع ما يمكن

مستر فاضل : طب و ال ٥٠ مليون دولار  
فيرد شوكت بيه بثقة : دى أبسط ما فى الطلبات، مراد بيه والد نادين  
المضيفة، الملياردير المعروف كان عرض يدفع أى مبلغ فى سبيل إن  
بنته ترجعه، دا كلم وزير الطيران أكثر من مرة أنهارده  
مستر فاضل : بس مهم جداً نضمن إن الخاطف يوفى بوعده ويسلم  
كل إلى ع الطيارة ويسترسل (بسخرية) : وطبعاً أنيتا عشان شوكت  
بيه م يزعلش !!!

شوكت بيه : ودى ه نضمنها إزاي، ه نمضيه على إقرار يا فاضل  
بيه !!

أدهم بيه (بجدية) : إيه إلی بيخليك تشك فى كده يا فاضل بيه،  
وبعدين إحنا شغالين بردو فى إتجاه تانى م تخافش  
فيرد شوكت بيه : إتجاه إيه، الموسكى يعنى ولا إيه بالظبط !!  
ينظر إليه أدهم بيه بتهمك : لأ، الموسكى بقى إتجاه واحد، إحنا  
شغالين ع الرئيسى الإتجاهين من طلعة المحور عند عبود كده  
شوكت بيه (بتوتر وتردد) : أنا بأسأل بس عشان، عشان نبقي  
فاهمين، وعشان م نخسرش أى حد من الركاب وخصوصاً بتوع ألمانيا  
بصفة عامة يعنى

### بغرفة عمليات الخاطف

فريق الخاطف من الشباب الثلاثة يتابعون إتمام التسليم بكل دولة من  
خلال المتابعة بالتليفونات، وعلى شاشات الكمبيوتر يُقَلَّب يحيى شاشته  
ونرى كيرسور الماوس يقف على إسم سانشيز - المكسيك  
يتمتع يحيى (بصوت خافت) : الدور عليك يا خواجه

يعرض يحيى على جزء من الشاشة فيلم الكيف حيث مشهد الأستاذ جميل راتب يتحدث مع النجم محمود عبد العزيز ويهدده، يدخل عادل الغرفة ويضع شيشة بجوار يحيى والذى يبدأ فى سحب أنفاس من الشيشة ويخرج الدخان من فمه ويستمتع للفيلم، فينظر إليه هشام ويخاطبه بتهريج : إبييه! عندما يطير الدخان !

يصمت يحيى ولا يرد ،، وينسجم مع أنفاسه التى يأخذها من الشيشة واحدة تلو الأخرى، وكأنما هى طقوس إتمام عمليات المافيا، ويسترسل هشام : أكيد ه تكلم حد م المافيا، دى الطقوس بتاعتها فيرد يحيى : أخوك الخواجة سانشيز

يتصل يحيى بالتليفون : خواجة سانشيز، كبير زعماء المافيا فى المكسيك كلها، إزيك يا خواجه، أنا ب اكلمك عشان أطمنك، طلبك تمام يا كبير، السطات ه تفرج عن ماركو فرنانديز خلال ساعة واحدة من دلوقتى زى م بلغتك إمبراح، خلى الناس تتحرك زى ما إتقنا، ودلوقتى ه تسلم ال ٥ مليون دولار إالى فاضلين م الحساب للراجل بتاعنا، وده ه تلاقيه عندك دلوقتى فى المكتب

فيرد خواجة سانشيز : تمام سلمى ع الباشا

- يوصل يا خواجة
- ألا ،، هو فين ؟ جنبك أكلّمه ؟
- لا والله دا فوق يا خواجه
- فوق فين يحيى خبيبي
- فى الطيارة بيجهزلك طلبك
- حبيبي أنا طلبى هنا فى المكسيك
- كل شيخ وليه طريقة، ماهى دى طريقته يا خواجة
- أستاذ، رينا يخليهولنا ،، قالها خواجة سانشيز (بإعجاب)
- أى خدمه يا خواجة فى أى محابيس تانى عاوز تخرجهم؟

- شكراً يحيى حبيبي، فين الراجل بتاعك إالى ه ياخذ الفلوس؟؟
  - وصل يا باشا، ه تلاقى واد مالوش لازمه عندك كده إسمه منصور، تلاقيه متلأح عند البت السكرتيرة الحلوه إالى عندك برة، معلش أصل عنده أولويات، على فكره يا باشا أنا مش مسئول عن إالى ممكن يحصلها، يعنى يتحرش بيها، يعمل حاجه كده ولا كده، الوكالة بتاعتنا مش مسئولة، دي تصرفات شخصية، إبقى حرص من عندك يا خواجه
- يضحك سانشيز ضحكة عالية : حبيبي ماتقلقش ه نظبطهولك

## (٧) رحلة المكسيك مكتب مسيو سانشيز



حيث يجلس مسيو سانشيز زعيم المافيا بمقيصه الكاروهات يتحدث إلى سكرتيرته الجميلة ماريا ذات الخمس وعشرون ربيعاً من مكتبه عبر الدكتافون  
سانشيز : ماريا

مكتب سكرتيرة مسيو سانشيز حيث ترد ماريا على الدكتافون والتي تضع صورة لها على المكتب وهي تشجع منتخب بلادها بأحد مبارياته بكأس العالم ، ومنصور ذلك الشاب الثلاثيني مندوب وكالة فاي جالس أمام ماريا بمكتبها  
ماريا : نعم مسيو سانشيز

الراجل إلى فاي من وكالة مستر فاي وصل عندك ؟

- أيوه مسيو سانشيز ،، ترد ماريا وهي تنظر إلى منصور
- إبعثيهولي

يغازل منصور السكرتيرة الجميلة والتي ترد على (مسيو سانشيز) :  
تمام مسيو سانشيز

نبقى بمكتب ماريا والتي تطلب من منصور الدخول إلى مكتب مسيو سانشيز فيرد منصور : إنتي مش هتقحيلي الباب ولا إيه !!! وكأنه أحد كبار الزوار

فتخبطه ماريا السكرتيرة برقة فى صدره لتخبره (بإبتسامتها الرقيقة) أن يدخل ،، يدخل منصور إلى مكتب سانشيز ويقترّب من مكتبه الفخم :

• صباح الفل على عم الكبار كلهم، أحلى وأجود زعيم مافيا فيكى يا أمريكا

• المكسيك مش أمريكا يا واد يا بكاش

• أمريكا الشمالية كلها والوسطى كمان، ولو حبيت ناخذ معانا البرازيل والأرجنتين، تؤمر يا كبير، دا أنت أشهر من ميسى ورونالدو ذات نفسهم

يفتح سانشيز خزينة متوسطة بجواره ويخرج شنطة ويضعها أمام منصور ويعطيه رزمة زياده له : عشائك

فيرد منصور : ياسلام ياكبير، وأخضر كمان، والله كبير

يضع منصور ورقة أمام سانشيز فيتعجب سانشيز متسائلاً عنها ،، فيتلعثم منصور :

• السى دى، السى، دى، السى فى CV بتاعتى يا زعيم، فيتناولها سانشيز ويرفعها لمستوى نظره محملاً فيها

• إنت ساكن فى عبود يا منصور

• وإنت تعرف عبود يا خواجه

• طبعاً ،، دا مطار حيوى جداً

منصور (بإبتسامه) : لا لا، إنت فاهم غلط يا خواجه، دا مش مطار

• م أنا عارف يا منصور، دا مطار لأنه نقطة وصول حيوية لجزء كبير م البضاعة بتاعتنا ودى بنسُميها مطار

• م الآخر يا خواجه، يعنى ممكن أشغل فى البرانش branch بتاع مصر؟ ها، قلت إيه يا خواجه؟

• وعاوز تغيير شغلك ليه يا منصور يكونش المرتب بيتأخر عن يوم ٢٦ ع الكرت

- إنتوا عندكوا كرت يا باشا
- أمال إيه، وببصمة الصوت كمان
- منصور (بانبهار) : أهو أنا أمنية حياتي بيقى عندى كرت ببصمة الصوت ويسترسل (بتناكة) : ودا السبب إلی يمكن، يمكن يخلينى أقبل أشغل معاكوا
- يتعجب سانشيز و لا يعيره إهتمام، ثم يسترسل الخواجه سانشيز : أمال عاوز تغير ليه، هو مستر فاى م بيدفعلش كويس ولا إيه
- يضع منصور رجل على رجل : لا ، الدكتور بيدفع ، ثم يسترسل (بتناكة) : بس أنتوا لو ضغطوا عليا ممكن أقبل أشغل معاكوا
- فيتعجب سانشيز مرة أخرى و لا يعيره إهتمام، ويسترسل الخواجه : أمال عاوز تغير ليه !!
- يرد منصور (بتردد بما هو أشبه بالمسكنة) بعدما لم تفلح تناكته ف ليجرب الخطة البديلة plan B : م إنت عارف الظروف العالمية يا زعيم، ويسترسل منصور (بصوت واطى) : بينى وبينك الأزمة العالمية مأتزه علينا شوية وإحتمال الدكتور يسرح ناس م الوكالة، يعنى، خبر جبته م الكواليس، ها، أقدر أستلم إمتى يا زعيم، ألا بالحق المرتب كام
- يعنى عموماً البداية ٣٠ ألف دولار يا منصور
- يتمم منصور فى سره : مش وحش ٣٠ ألف فى السنة، ثم يرفع صوته قليلاً (بصوت عادى): معقول ماشى، أفكر يا زعيم (عائداً إلى تناكته مرة أخرى)
- يعنى بتقلبك ٣٦٠ ألف فى السنة، فيفتح منصور فمه كالبلهاء فرحاً من الدهشة ، فيسترسل سانشيز : ودا طبعاً لو قبلنا
- هو أنا لسه م قبلتش يا كبير !! ،،، رد منصور (باندهاش)
- مش لما تتجح فى الإنترنتو الأول يا منصور

• إنترفيو ، قالها منصور (بحزن) ثم يسترسل : دا كلام بردو !! دا أنا جاى من وكالة ليها إسمها وسيطها فى عالم الإجرام، وكالة فاي Fi Agency ، مؤسسة خمس نجوم فى عالم الإجرام ويسترسل : إفتكرت إنك ه تقبلنى بالخبرات السابقة إالى أنا مقدمها يقف منصور ويلف حول المكتب، محدثاً نفسه أثناء حركته ويتمم (بحزن) بصوت خافت : ياما قلت للأستاذ يعمل نأبه (يقصد نقابة) تلمنا عشان تبقى راسنا يرأس المافيا،

أهم بيطنططوا علينا أهه، معلىش يا زهر، جيه الزمن إالى واحد بقميص كاروهات يتتطط عليك يا منصور، آه ياليل يا زمن ، تكاد عيون منصور تترقق بالدموع حزناً لما سمعه من سانشيز، ونسمع جزء من أغنية وردة الجزائرية حكايتى مع الزمان والتي تعبر عن الموقف الأليم الذى يمر به منصور "أنا إالى بينكم هنا رضيت بالعذاب

لحد ما قلبى داب ،، ولا دوقت يوم هنا ،، أنا

وأناااا ،، يا ما إتحملت أنا ،، قاسيت ولا إشتكيت

ولا جيت فى يوم بكيت ،، منه ليكم هنا ،، أنا"

يعرض منصور شهادة الخبرة على سانشيز : آدى شهادة ماضيها مدير الإتش آر HR فى وكالة فاي شخصياً وعليها دمغة ب ٢٦ قرش

فيهز سانشيز رأسه يميناً وشمالاً بالسلب وكأنه لا يقتنع بها فيحاول منصور : تكونش عاوزها بالبيزو يا خواجه، ولا أبعت البت ماريا تجيبلى ب نص دولار م الكشك إالى تحت، معايا دولار وممكن أغير من هنا

• لا لا يا منصور، مش الفكرة

• أمال إيه المشكلة بس يا خواجه

- إنا هنا لینا الستاندر standard بتاعنا
- إیه الستاندر دا یا زعیم !!
- یعنی معاك لُغَه
- طبعاً یا زعیم، أنا ب أتکلم إنجلیزی وأفرنجی وخوجاتی کمان How are you یا خواجه
- واضح إنک حلنجی یا منصور
- یهرش منصور فی قفاه : حلنجی !!! تصدق مش إنت الوحید إلی قالی کده، بس إنت عرفت حلنجی دی منین یا خواجه
- م تخودش فی بالک یا منصور، معاك سی بی إیه CPA یهرش منصور فی قفاه وینظر نظرة البلهَاء فیسترسل سانشیز :
- طب معاك سی إم إیه CMA ، یهرش منصور فی قفاه وینظر نظرة البلهَاء ثانیةً قائلاً (بسخریة) :
- لأ ، فرقت کتیر یعنی ، معایا MBC
- طب معاك تویفل TOEFEL ، یهرش منصور فی قفاه مرة أخرى ولا یزال محتفظاً بنظرة البلهَاء والتي لا تقارقه من هول المفاجأة، یسترسل سانشیز : ولو معاك کل ده، فی کشف طبی بعد کدا
- کشف طبی !!!!!
- دا عشان مصلحتک یا منصور
- مصلحتی إزای بس یا خواجه
- إفرض فی مطاردة، ضرب نار ،، یهرش منصور فی قفاه ولا یزال محتفظاً بنظرة البلهَاء فیسترسل سانشیز : تروح فی شربة ميا، إنا م یخلصنیش کده، إنا بنحافظ علی رجالتنا وبنصرف علیهم
- تصرف علیهم إزای یا زعیم، مش هو کرت ال ATM
- نصرف علیهم یعنی ندریهم تریننج training یعنی
- فین یا زعیم

- ممكن نوديك مزارع بيرو
- مزارع !!!
- مزارع الأفيون يا منصور، وفى كمان سجون فنزويلا
- سجون !!!!
- دى مش سجون سجون يعنى، دى ماكيتات، عشان م تتفاجئش  
بحاجه لما يتقبض عليك
- يهز منصور رأسه ساخراً : لأ ، فيكوا الخير بردو، رينا يطمنك
- وبعدين رجالتنا إحنا م بنسيبهموش، إحنا بنحميهم وبندفع أى مبالغ  
عشان نخلصهم، يعنى فرنانديز إالى إحنا طلبنا نهره ده، ينظر  
إليه منصور نظرة ثاقبة فيسترسل سانشيز : دا إحنا دافعين فيه ١٠  
مليون للدكتور بتاعكوا عشان يجبر السلطات يفرجوا عنه
- ١٠ مليون !!!!
- طبعاً، دا إتصرف عليه أكثر من ٥ مليون تريننج Training ، أنا  
ه اخليك تيجى معانا تشوف عملية الإفراج عنه يا منصور
- ليا الشرف يا زعيم
- وبعدين، إنت معاك واسطه
- فينظر إليه منصور بإستغراب وسخرية : واسطه !!!! دا أنا!!!!
- أساساً عشان الواسطه، هو إنتوا كمان ن ن !!!!
- يهز سانشيز رأسه لتحت وفوق مرتين بالإيجاب وكأنا يقول "نعم"
- تتفع البت ماريا يا كبير ،، فيهز سانشيز رأسه يميناً ويساراً  
بالسلب
- ماريا لسه م إتثبتتش، فينظر إليه منصور بإستغراب وسخرية :  
عمالة مؤقتة !!!! ؟؟ يهز سانشيز رأسه لتحت وفوق مرتين  
بالإيجاب

● الله يطمئنا يا زعيم بالرغم من كل المهارات إالى عندها دى، لما ماريا، ماريا، عمالة مؤقتة، أمال أنا ه تعملوا فيا إيه، ه تربطونى بأستيتك مضروب وتفكوه فى أى لحظة ويسترسل منصور (متأثراً) : م كنش العشم يا كبير، تصدق بقه، أنا جالى عرض من برشلونه وأنا إالى رفضت

● ورفضت إيه يا فتاك

● فتاك !!!!! إنت منين يا زعيم

● م الوراق يا منصور

● أنا قلت كده بردو

يأخذ منصور السى فى CV بجزن، ويخرج من مكتب سانشيز إالى غرفة ماريا السكرتيرة

### وبمكتب ماريا

منصور : سلام يا قمر، ويُمسِك صورَتها من على المكتب ويسترسل : الراجل بتاعكوا ده باشا بصحيح، بس خزلنى، نراكم فى عمليات أخرى، ويقترب منها منصور : م تجيبى (وكأنما يريد أن ،،،،) يرن تليفون ماريا السكرتيرة، فتبتعد عنه تلك الحساء وتأخذ منه الصورة وتضعها مكانها على المكتب وتذهب لمكتبها لترد ، يُلقى منصور عليها التحية بيده من بعيد ثم يرفع كف يده إالى أذنه ويغلق أصابع كفه الثلاثة الوسطى ويفرد الإبهام والبنسر بعلامة "كلمينى" : كلمينى ،، تليفونات بقى وواتس وكده، كتاك نيله فى حلاوتك، عقد مؤقت !!!

### وبمقر شركة الطيران

نجد سكرتيرة مستر فاضل تحول إالىه مكالمه :

مستر ديفيد فيكسد وينج David Fixed Wing مندوب شركة بوينج  
يا فندم

فنزى فاضل بيه يتحدث بمكتبه تليفونياً وحوله عدد من المسئولين  
وحيث يتحدث مستر وينج بطريقة خواجاتي فرانكو أراب كالجريكيين :  
قيادة الشركة مهتمة بالموضوع جداً مستر فاضل وحطاه على رأس  
جدول أعمالها إنهارده والقيادة السياسية ضغطت على حكومة مكسيكية  
عشان تفرج عن ماركو فرنانديز بتاع مافيا، وأنا بإسمى وبإسم الشركة  
بنشكركم على المجهود ده، وكمان عاوزين نظمن على

- تظمن ع الطيارة مش كده ،،،، قالها فاضل بيه (مقاطعاً)
- لا لا ، مش مهم طياره
- على تكنولوجيا ، مفهوم مفهوم
- لا لا مش مهم تكنولوجيا
- أمال عاوز تظمن على إيه مستر وينج ؟؟؟
- عاوز نظمن على أنيتا
- مش عيب عليك فى سنك دا يا خواجه قالها فاضل بيه (بسخرية)
- لا لا ،، إنت مش تقهمنى صح،، محاولاً أن ينفى التهمة عن نفسه
- صح إيه وغلط إيه !!! ما الحكاية واضحة زى الشمس أهه،  
علاقاتك وصلت للجو كمان يا خلبوص !!!! مش مكفيك إالى  
عندك، طالع فوق السحاب ،،، قالها فاضل بيه (بسخرية)
- لا لا ، إنت مش تقهمنى صح برودو مستر فاضل، دى سيادة  
المستشارة إتصلت بالرئيس كلينتون ووصته عليها
- يااااااه عشان واحدة إتخطفت سيادة المستشارة بتتكلم عشانها  
مخصوص
- إنتوا مش عندكوا كده برودو مستر فاضل ؟

• طبعاً وأكثر من كده ،، قالها فاضل بيه (بسخرية وصوت قوى حاسم) وأثناء ذلك تبدو نظرات إستغراب من الجالسين تجاه ردود مستر فاضل والذى يسترسل : أنا مش عاوز أقولك إحنا بنعمل إيه لو مواطن حد مسه بس !!! ثم يسترسل (بصوت خافت) : كلمنى فى وقت تانى وه أقولك على إنفراد

### بغرفة عمليات الخاطف

يستقبل هشام مكالمة

هشام : مسيو لارسن ، أهلاً معالى الوزير عاوز ٢٨ جته ياه ،، آ ،، عشان تحطهم ضحايا عملية إرهابية كده وكده ،، أيوه فاهم زى ناين إليفن يعنى 9/11 ،، حركات وكده زى كل مره ،، عاوزهم فين آ ،، آ ،، فى نفس السيماء إلى ه تمثلوا فيها العملية ،، ودى فين ، شوكنهاجن ، فى وسط شوكنهاجن نفسها !!! ،، مش عاوز شوية إرهابيين كمان ؟ عندى شوية دواعش كده ،، عندك ،، طب ماشى ،، لا مفيش مشكلة ،، آ ،، آ ،، بس ه يكلفوك شويه يا معالى الوزير ،، ألا عاوز ملامحهم إيه ،، يعنى أسويين ،، عرب ،، أفارقة ؟ ،، آ ،، ولو عاوز شوية دواعش نتيجة تبادل إطلاق النار ،، مفيش إطلاق نار ، آ ،، مش ف السيناريو ،، بس يبقى سيناريو سكه على فكرة ،، ماشى ،، بص سيبينى أشكلك وإنت عارف زوقى ،، طب ماشى ،، لا سهلة ،،

ه اسلمك من فرعنا إلى فى أوروبا عشان ماكفكش شحن كثير و ه ابلغك بالتفاصيل خلال يومين ،، هى العملية الإرهابية المفاجئة دى إمتى ؟ ،، كمان إسبوع ،، ١٨ سبتمبر ١ بالليل



بطولة رولان جاروس للتنس تُعرض بشاشة التلفزيون أمام مسيو لارسن، ونرى الجميلة مارتينا هينجز ذات الزى الأبيض القصير تضرب الكرة بقوة

مسيو لارسن : هو مين إللى ه يبعث للتانى، والله الواد دا بيئه بيخرف هشام : ربنا يخلينا دعاة السلام أمثالك يا معالى الوزير

### المكسيك - سجن كابالاسكا - مدينة سينالوزا

السلطات المكسيكية تُتم عملية الإفراج عن ماركو فرنانديز

يظهر الخواجة سانشيز كبير المافيا بالسيجار وببذلته البيضاء الفخمة (والتي يرتديها بالمناسبات الهامة بدلاً



من القميص الكاروهات)

ينزل من سيارته السوداء الفارهة أمام بوابة السجن ليستقبل ماركو فرنانديز، ذلك السجين الهام الذى يرتقى إلى مرتبة الـ VIP ، يستقبله إستقبال حافل وسط أسطول من السيارات الفارهة فيما لا يقل عن عشرين سيارة بخلاف الموتوسيكلات الحديثة جداً

سانشيز يعانق ماركو فرنانديز بالحضن وبجوارهم منصور يُصافح ماركو وكأنما يصافح ميسى ، يشير سانشيز إلى منصور ويعرف ماركو به ، ومنصور فى غاية السعادة وكأنما يريد أن يخبره بأنه من أتم صفقة الإفراج عنه وليس ببعيد أن يقنعه ذلك الحلنجى (كما أطلق عليه مسيو سانشيز) بأنه من خطط ودبر لخطف الطائرة، يطلب منصور صورة سيلفى مع ماركو وسانشيز وماريا ويحصل عليها بنجاح بموبايله الإس ٧ وسانشيز يتعجّل للتحرك بالموكب

ثم، يتجهوا للسيارات وسط حراساتهم المكثفة ثم يغادر الجميع المكان بسرعة سيارة تلو الأخرى وترفع السيارات صور سانشيز وماركو ومستر فاى عليها يُخرج منصور رأسه من شباك السيارة رافعاً علم مستر فاى ثم يلقى بعضهم زيت على الأرض من خلفهم وينزل ركاب السيارة الأخيرة بالموكب يضعون كاوتش بالطرق ويشعلون به النار ويفعلو ذلك بالتقاطعات التى تقابلهم كذلك ينزل منصور يساعدهم ويعطيهم نصائح فى ذلك ويشير للأرض عند التقاطع بيده

### song 1

وبطريق العودة يتغنى أعضاء المافيا بأغنية أسبانية فرانكو آراب إبتهاجاً بالإفراج عن ماركو حيث يرفع أعضاء المافيا صورة سانشيز وماركو ومستر فاى ويرافقهم ذلك الحلجى منصور فى الغناء وكذلك السكرتيرة الحسنة ماريا



### أعضاء المافيا :

كوكو واوا كوكو واوا ،، كوكو كوكو وا  
كوكو واوا كوكو واوا ،، ماركو معانا ،، كوكو كوكو وا  
تحية لمستر فاى ،، إالى خدع السلطات  
تحية لسانشو ،، إالى دفع الدولارات  
تحية لماركو ،، إالى نور فيلات  
تحية لمستر فاى إالى خدع السلطات  
تحية لمسيو سانشيز إالى دفع الدولارات

تحية لماركو إالى نور فيلات  
تحية لماركو وسانشيز ،،،، تحية لمستر فاى  
تحية لماركو وسانشيز ،،،، تحية لمستر فاى  
كوكو واوا كوكو واوا ،، كوكو كوكو وا  
كوكو واوا كوكو واوا ،، ماركو معانا ،، كوكو كوكو وا  
منصور (بصوت أجلس) :

لو كان عفريت فى فانوس ما إتحرك ولا بالفلوس  
حتى لو أخذ الماركات والبيزو كمان والدولارات  
لا طلعت بتعيين فى المافيا ولا كرت القبض ببصمة صوت  
آل إيه ، عاوز سى فى ، وكمان ألمانى وأسبانى  
وإيشى سى بى إيه CPA ، وكمان مش عارف إيه  
آل يعنى ما يعرف منصور ولا تصنيف مستر فاى  
والله لأشحنه على الكتكات وماريا كمان على بين السرايات  
وأطلب فدية فى سانشيز وأخذه رهينة فى سانت تريز  
وأفروض فيه مافية ميت غمر ، أو أبيعته فى ميت أبو الكوم  
أعضاء المافيا :

تحية لمستر فاى إالى خدع السلطات  
تحية لمسيو سانشيز إالى دفع الدولارات  
تحية لماركو إالى نور فيلات  
تحية لماركو وسانشيز ،،،، تحية لمستر فاى  
تحية لماركو وسانشيز ،،،، تحية لمستر فاى  
كوكو واوا كوكو واوا ،، كوكو كوكو وا  
كوكو واوا كوكو واوا ،، ماركو معانا ،، كوكو كوكو وا

## أما ببطن الزير

أرض صحراوية شاسعة بها لافتة مكتوب عليها بالعربية والأسبانية "بطن الزير" فى مواجهة الطريق بينما ظهر اللافتة من الناحية الأخرى مكتوب عليها بالعربية والأسبانية "نقطة تجمع الركاب المخطوفين" وتحتها صورة أشخاص مكبلين من أيديهم وراء ظهورهم وغمى على أعينهم بأربطة قماش

سيارة سوداء فخمة داخلها ثلاثة أشخاص ، يتصل رجل منهم داخل السيارة بالموبايل : Yes boss ، arrived the location، ويظهر لللافتة المكتوب عليها أيوه يا فندم وصلنا المكان المحدد ، وينظر لللافتة المكتوب عليها "بطن الزير"

No boss, I do not see anybody here لا مش شايف حد  
يا باشا

تظهر سيارة نصف نقل دبل كابينه حديثه جداً تأتي بجواره ويشير إليه بيده

الرجل بالسيارة الدبل كابينه (للرجال بالسيارة السوداء) : Follow us  
ورايها

السيارة السوداء تتبع السيارة الدبل كابينه وتتجه الدبل كابينه للطريق الرئيسى

الرجل بالسيارة السوداء (لزميله بجواره) :

it is the same road we came ، This is a main road  
from

دا طريق رئيسى ،، دا نفس الطريق إالى جينا منه

يأخذ سائق الدبل كابينه الطريق من الحارة اليسرى السريعة ويصل تحت كوبرى علوى ويعطى إشارة إنتظار فيتوقف سائق السيارة السوداء خلفه وفجأة تتوقف سيارة فضى حديثه فى الإتجاه المعاكس

ينزل سائق الدبل كابينه ويقف مكانه ويشير للسيارة السوداء بيده بأن يضع شنطة الفلوس فى شنطة السيارة الفضى فى الإتجاه المعاكس فوراً

سائق السيارة الدبل كابينه : Put the money in the silver car  
حط الفلوس فى شنطة العربية الفضى

بمجرد وضع شنت الفلوس فيها، تتطلق السيارة الفضى بسرعة فائقة فى الإتجاه المعاكس وتتطلق الدبل كابينه بسرعة فائقة وتدخل شوارع جانبية إلى شوارع جانبية إلى مدقات تتبع السيارة السوداء الدبل كابينه، لكن تأتى تريلات من يمين الطريق لتمنع السيارة السوداء من رؤية الدبل كابينه، فتقلت منها

الرجل بالسيارة السوداء (لزميله بجواره) : We lost him لقد أفلت

### بمقر غرفة عمليات الخاطف

يستقبل يحيى مكالمه فيرد : عاوزين إيه؟ ، تفرجوا عن تاجر مخدرات ؟ مسجون فين ،،،، آ ،، ، فى بيرو ، للأسف طلبك مش عندنا مفيش ولا راكب من بيرو عشان نبدلهم صدقنى ولا فى العملية دى ولا فى العمليتين إالى جايبين أنا بصيترك فى الجدول أدامى أهه، والله ما يغلى عليك م يهونش عليا تقفل الخط وانت زعلان، تاخذ جسم الطائرة، البودى يعنى Body ،،، إيه ملكش فيه ،،، طب الكاوتش ،،، مش كارك إزاي يا باشا ،،، إفتح فرع ،،، برانش Branch يعنى ،،، وأنا أشغلهوك حلاوه ،، آ ،، خايف من الضرايب ،،، يعنى خايف م الضرايب ومش خايف من حبل المشنقة ،،، ويستدير يحيى جهة اليسار بالكرسى قليلاً ، ويسترسل : إيه الحرمانية إالى فيها بس ،،، لأ ناقشنى بالعقل

• حيبى جسم الطائرة بتاع ناس فتبقى سرقه

- لأ ، أصيل والله أصيل يا خواجه
- لكن المخدرات م فيهاش حرمانية
- طب إيه النظرية، ويستدير يحيى جهة اليمين بالكرسى قليلاً : لأ، كبرت فى دماغى ولازم أفهم، فيرد الخواجه :
- عشان المخدرات عرض وطلب يحيى حبيبي، م بتضربش حد على إيده، إالى عاوز، بيشتري، يعنى تجارة، أمال سموها تجارة مخدرات ليه، لكن دوکها سرقة سيارات، سرقة طيارات، و فرق كبير بين السرقة والتجارة، أنا ماليش فى الحرام حبيبي، لأ إنت كده عاوز تقسدا وتمشينا فى السكة الغلط
- غلط!!!! ، قالها يحيى (بابتسامه عريضة) (منبهراً) ويسترسل : تصدق إنت كبرت فى نظرى، لأ، تحليل م يخرش الميه، إسمحلى يا خواجه أرفعلك القبعة، من هنا، من بلاد السنڊ والهند وبلاد تتركب الأفيال، بالرغم من إنى مش لابس قبعة، وأنحنى أمام مبادئك العظيمة والمحترمة رغم إن وسطى بيوجعنى بردو، ومش قادر أنحنى، أصل أهم حاجة الإحترام، هو إحنا عندنا غيره، وعشان البقيين الحلوين دول ودرس القيم والأخلاق إالى إبتهولى ده، أنا لازم أخدمك، شوف إبقى كلمنا بعد شهرين يمكن يقع فى إيدنا حاجة لقطه، سلام يا باشا، يا أصيبييل
- ويغلق يحيى التليفون و ينظر بجواره لزملاؤه مسترسلاً : والله الشغلانته دى بتخلينا نقابل ناس ونتعلم كلام من دهب، فشر طارق علام، من كل حتته فى الكورة الأرضية، وإحنا قاعدين مكاننا ولا أجدعها ن.ش ريهام : إيه ن.ش دى ؟؟
- يحيى : ناشط سياسى
- هشام : طب إشحينا

يحيى : يعنى الراجل شرحلى "المنطق" فشر عادل امام وسهير البابلى فى مدرسة المشاغبين، لأ، يعنى غسل مخ رسمى، ألا قولى هى تجارة الحشيش حلال ولا حرام

هشام : حرام طبعاً، إيه إالى جرائك يا يحيى

• ب أقولك تجارة الحشيش، مش سرقة الحشيش ولا غش الحشيش، يعنى حشيش فابريكة مش راشش ولا مغشوش

• بردو حرام

• لأ ،، أقنحك أنا بقى، ويلتقت يحيى لزملاؤه هشام وريهام ويترك شاشة الكمبيوتر

فتتدخل ريهام : لأ، إنت بالك رايق، إظهار ريحة الحشيش جتلك من سلك التليفون وإنت بتكلم الراجل بتاع المافيا ده، فتسترسل ريهام : بقولك إيه، عندنا أوردات كتير عاوزين نسلمها، والدكتور على وصول هشام (لبيحي) : ورينى كده آخر أوردر عندك فينظروا للشاشة

يحيى : أوردر الكبده

هشام (لريهام) : وإنتى يا ريهام، فيقرأ هشام فى شاشتها "اللوز" (فيفهمها هشام لوز من ياميش رمضان) فيتعجب : إيه، لوز !!! إنتى عندك أوردر لوز ؟

ريهام : لوز، وتشير لفمها وتسترسل : لوز ،، دا دكتور أنف وأذن وحجره

هشام : يعنى أدخل أنا على أوردر الكلاوى ؟

يحيى : ماشى، بس خلى بالك دا تيك أواى، وبعدين الكلاوى لازم يطلع معاها نص مخاصى إجبارى، أمال ه نوديتها فين، قوله م بنطلعش كلاوى صافى، ويسأل فى أى حته، فى كارفور، ه يلاقى الكلاوى لازم يطلع معاها مخاصى وحلويات، يعنى إحنا مكارمينه كمان

هشام : كويس إنك قلتلى عشان أعمل حسابى  
ريهام : إظهار الشيشة قلبت دماغكوا إنتوا الإنتين  
هشام : هو مين الطيار إالى فاضى بره  
يحيى : الواد سعيد دليفرى

هشام : لأ، خف على سعيد شويه دا لسه راجع من أوردر الدنمارك  
وبيقولك الإشارة كت واقفة فوق اليونان عشان الويك إند وكان حاطط  
إيده على قلبه عشان كان خايف الطحال إالى معاه يضرب فى الحر،  
لأ، والواد الظابط اليونانى الرخم كان عامل لجنة فوق السحاب  
والطريق واقف كمان وإجنحة الطيارات لازقة فى بعضيها زى البط  
يحيى : م تخافش ع الواد سعيد إرميه فى أى حتة وهو يتصرف ه  
يشوف له أى تخريمة ويعدى منها  
هشام : عندك حق

## (٨) الشهادة

### المعهد العالى لتكنولوجيا المعلومات

نقترب شيئاً فشيئاً من حجرة مكتوب عليها "دكتوراه عايداه المنشاوى" أستاذ ورئيس قسم البرمجيات والتكنولوجيا" يفتح الباب، ف نمر على سجادة بوسط الحجرة ونقترب شيئاً فشيئاً من مكتب دكتوراه عايداه وهو مكتب متواضع على حوائطه شهادات كثيرة منها شهادات صادرة عن المعهد العالى لتكنولوجيا المعلومات وشهادات من جامعات أجنبية و شهادات تقدير وقصائد شكر من طلاب لها بالمعهد بسنوات متفرقة وشهادات أخرى

تجلس دكتوراه عايداه على مكتبها وهى أستاذة بالخمسينات من عمرها تبدو عليها علامات الرزانة والهدوء و نرى دكتوراه بثينة من نفس سنها تقريباً وتبدو أنها صديقتها، تجلس أمام مكتب دكتوراه عايداه

- طمنيى أخبار حازم إيه يا عايداه، أخذ الدكتوراه ولا لسه
- كان بيحضر لها من ست شهور فى جامعة مونتريال، بس لسه ما قليش عمل إيه ،، قالتها دكتوراه عايداه (بأسى)
- يااه ومكلمكيش من ست شهور
- شايفه القسوة يا بثينه، ما يعرفش أنا عملت إيه وب عمل إيه

عشانهم

يطرق باب الحجرة فتأذن دكتوراه عايداه للطارق بالدخول، فيفتح الباب ويدخل فراش يرتدى ملابس نظيفة ومكوية

دكتوراه عايداه : إتفضل يا عم فرغلى

يقتررب عم فرغلى الفراش من مكتب دكتوراه عايداه ويضع ظرف أبيض أمامها، فتمسكه وترفعه سننيمترات عن سطح المكتب، مكتوب على الظرف "حرم الشهيد / عقيد حمدى على شهيب"

عم فرغلى : فى واحد جه الصبح وساب لحضرتك الظرف ده يا دكتوراه

فتتح دكتوره عايدہ الظرف

دكتوره بثينه : في إيه الظرف دا يا عايدہ

دكتوره عايدہ (عم فرغلی) : إتفضل إنت يا عم فرغلی فينصرف عم فرغلی الفراش وتسترسل دكتوره عايدہ (لدكتوره بثينه) : دى دعوة تكريم من معالى وزير الداخلية لأهالى الشهداء

• تعيشى وتفكرى يا حبيبتي

• والله حمدى طول عمره كان أمله يشوف حازم دكتور ومكنش يجب إنه يطلع زيه

• و حازم مش جاى مصر قريب يا عايدہ

• للأسف مستخسر فيا الزيارة، تصدقى يا بثينه إنه زعلان منى عشان قاطعت خاله، وهو أنا ليا ذنب، ما خالهم هو إالى أخذ ورثهم هو ومراته التبعانه، ولولا كده م كتش تعبت وشقيت الشقى إالى أنا شفته عشانهم ،،، قالتها دكتوره عايدہ (بأسى)

• إنتى مش قلتى لى إنك رجعتى العلاقات مع فريد أخوكى

• يعنى ،،، قالتها دكتوره عايدہ (بأسى)

• يعنى إيه يا عايدہ ؟

• مش بالظبط، من حوالى سنه كده خليت الولاد يخرجوا مع بعض، لكن أنا عمرى ما كلمت فريد ولا ه أكلمه

يدخل عم فرغلى وينظر تجاه دكتوره بثينه فتخاطبه دكتوره عايدہ : فى حاجه يا عم فرغلى

عم فرغلى : دكتور سعد بيدور على دكتوره بثينه، فتنظر إليه وتتهض بينما تقول (لدكتوره عايدہ) : ماترعليش نفسك إحنا إتعودنا نتعبلهم ومش مستنيين منهم حاجه، بكره يعرف إالى عملتية عشانهم

وتتصرف دكتور بئينه وفي نفس اللحظة تدخل معيدة شابة بالقسم وتقف أمام مكتب الدكتور عايدة وتفتح ملف وتضعه أمام دكتور عايدة متسائلة :

- البنود دى ه نعمل فيها إيه يا دكتور
  - ه ناخدها فى إعتبارنا طبعاً، وتشير لبند بالورقه مسترسلة : ودا إغيه ؟
  - تمام شكراً يا دكتور عايدة
- تتصرف المعيدة من الحجرة وتبقى دكتور عايدة وحدها ، و تُمسِك بسماعة التليفون وتتصل وبمنتهى الهدوء تقول : أنا عندي أخبار يمكن تهمكوا عن خاطف الطيارة
- \*\*\*\*\*

"الحقيقة أنا جايه بصفة شخصية مش رسمية وه قول لسيادتك ليه"

هكذا بدأت دكتور عايدة حديثها مع أدهم بيه بمكتبه بأمن الدولة

- إتفضلى يا دكتور
- أنا الحقيقة عندي شك ممكن يرتقى لدرجة اليقين إن صوت الخاطف إالى سمعناه فى التليفزيون هو صوت دكتور كان زميل لينا فى المعهد
- وراح فين يا دكتور
- الحقيقة إتعمله مجلس تأديب وأجبر على الإستقاله، فيسألها أدهم بيه عن السبب، فتجيبه : ثبت تورطه فى عمل هاكينج على كمبيوتر شركة كانت بتستعين بخدمات برامج تقنية من المعهد وسرب معلومات غاية فى السرية إتسببت فى أزمة كبيرة للمعهد مع الشركة
- وعملت إيه الشركة دى ؟

- صاحب الشركة رفع قضية على المعهد بعد كده، إكتشفوا إن هو إالى عمل كده سعادتك
- وهو بالقدر دا من الذكاء إنه يقدر يعمل كده
- الحقيقة هو كان عبقرى ومحدث يقدر ينكر كده، بس للأسف إستغل ذكاؤه دا فى الشر مش فى الخير
- وإيه كمان يا دكتور
- الدكتور ده كان نصير بعض الطلبة إالى هو بيعتبرهم إتظلموا
- عشان م اتعينوش معيدين فى المعهد ودول بردو كانوا متفوقين وكانوا شديدى الصلة والصدافة بيه
- يا ترى فاكهه أسماء الطلبة دول يا دكتور عايد
- أفكر واحد فيهم كان إسمه يحيى ودا كان بيعتبره ابنه الروحى، فيكتب أدهم بيه فى ورقة أمامه تلك المعلومات ويسأل :
- للدرجة دى ؟
- م أنا بقول لحضرتك هو م كنش أستاذ عادى، هو كان بيحب الطلبة بتوعه فعلاً، وم بيبخلش عليهم بأى معلومة عنده حتى لو من برا المنهج
- تناقض غريب يا دكتور، مش كده بردو
- فعلاً
- منين مُخلص فى شُغله أوى كده، ويعمل جريمة ضخمة دى بيعاقب عليها القانون

• والتانى كان إسمه هشام، يكتب أدهم بيه فى ورقة أمامه وتتنظر دكتوراه عايدة إلى مقدم أدهم مسترسلة : بالرغم من إن دكتور باسل كان زميل عزيز علينا فى يوم من الأيام وكننا مع بعض عيش وملح لسنين طويلة، تنظر دكتوراه عايدة إلى أسفل ثم تسترسل : إلا إنى لقيت إن واجبى يحتم عليا إنى م اسكتش على حاجه زى كده ولازم أبلغ وتتنظر إليه وكلها تأثر ثم تسترسل : وده إلى يمليه عليا ضميرى، ودا إلى بنغرسه فى طلبتنا قبل أى حاجة، القيم والأخلاق، والحقيقة ليا رجاء عند سعادتك

• خير يا دكتوراه

• نظراً لحساسية موقفى مش ب افضل إسمى بيان فى التحقيقات لإن دكتور باسل ممكن ينهار فيها، أنا عارفه إنه إتعرض لصدمات كتيرة فى حياته ومش حمل صدمة تانية خصوصاً لما يعرف إنى كزمية وصديقة كنت قريبة منه إنى أنا إلى بلغت سيادتك بشكوكى دى

• مفهوم يا دكتوراه

• أو على أقل تقدير إنى شكيت فيه، وأفتكر دا سهل يا سيادة المقدم كأن سيادتك وصلت للمعلومات دى من تحرياتك، وف كل الأحوال سيادتك ه تتحرى عن الشكوك دى، وتتأكد من صحتها أو عدم صحتها، ويأريت، ياريت تكون مش صحيحة وتكون شكوكى غلط، وعشان كده طلبت المقابلة م تقاش رسمية

• ياه، كل الرفق دا عندك، بالرغم من إنك ب تتكلمى عن إنسان ممكن يكون فى نظر القانون مجرم بمعنى الكلمة، إنه يخطف طياره ويعرض حياة المئات للخطر، بس م تنسيش إن القانون لازم ياخذ مجراه، ووظيفتنا نحقق العدالة مهما كانت قسوتها، علشان نرجع الحق لأصحابه أو ننفذ حد من الخطر، ويسترسل :

أحياناً مش مفروض تاخذنا رحمة أو شفقة بالمجرم، لإن ده ممكن يكون على حساب طرف مظلوم أو مجنى عليه ،،،،، دكتور، إسمحلى أحيكى على إنسانيتك قبل أى حاجه

- الحقيقة مش بس الإنسانية والضمير إالى دفعونى آجى إنهارده
- خير يا دكتور
- الحقيقة فى سبب شخصى تانى وهو إن كابتن جلال الطيار يبقى ابن أخويا، وأنا الحقيقة ألآنه عليه
- أحب أطمئنك، إحنا ه نبذل كل إالى نقدر عليه وأكثر شويه
- تنهض دكتور عايدته وتطلب الإستئذان فينهض أدهم بيه ويصافحها :  
إتفضلى يا دكتور
- بمفرده جلس أدهم بيه فى مكتبه، ومن ثم يرفع السماعة ليتصل بالرائد  
عماد : رائد عماد ، ياريت تجبلى حالاً  
رائد عماد جالس أمام مقدم أدهم بمكتبه
- عاوزين كل البيانات عن الراجل ده وعن الطلبة دول يا سيادة الرائد  
وبسرعة جداً
- تمام ه يكونوا عند سعادتك بأسرع مايمكن يا فندم
- إعتبر مقدم أدهم أن هذا الحوار المثمر مع دكتور عايدته هو بمثابة بارقة أمل فى تتبع دكتور باسل وتلاميذه لعله يكون خيطاً إيجابياً فى طريق الكشف عن خاطف الطائرة الذى فقد معظم خيوط تتبعه  
وبعدما غير الخاطف أماكنهم وقام بخدعة الأفتنة

### بوکالة فای - وبالحدیقة

تکاد الشمس لتغرب إستعداداً لأن يحل الظلام، شاب فى الثلاثينات من عمره وهو سعيد دليفرى ممسكاً بفوطه يلمع الموتوسیکل الخاص به، وتلك الطائرة الخاصة الصغيرة التى تقف بجوار الأشجار،

مكتوب على الموتوسيكل "دليفري محلي" Local delivery  
ومكتوب على الطائرة "دليفري دولي" oversease delivery

يخرج يحيى وريهام من الفيلا ويمرون بسعيد وهو جالس بالحديقة  
يشرب شاي بجوار موتوسيكله

يحيى : إيه ياد يا سعيد أخبار أمك إيه

سعيد : بتسلم عليك يا أستاذ يحيى

ريهام : خليها تدعلنا

سعيد : عيني يا آنسه ريهام

يحيى : عمل معاك إيه الواد بتاع المافيا آخر مره

سعيد : لا تمام، دا راجل جنتل خالص

يحيى : والبت السكرتيرة

سعيد : بردو جنتل خالص

يحيى (مبتسماً بخبث) : ياد يا سعيد

ريهام : خلى بالك من نفسك ل تكالك

سعيد (بنقّة) : لا، تاكل مين

يحيى (مبتسماً بخبث) : بس حاجه غريبة، إنت والواد منصور

حكايتهوا إيه مع سكرتيرات المافيا: إيه ياد يا سعيد أحلى دولة رحتها

فيرد سعيد بحسن نية : المكسيك

ريهام : دا إظهار علقت معاه جامد، فين صورتها ياد يا سعيد

فيُخرج سعيد الموبايل ويعرض صورتها وهي تشجع بفانلة منتخب

المكسيك بالمدرجات وترتدى الطاقية المكسيكية الشهيرة ويُرى الموبايل

لريهام : أهه يا آنسه ريهام

يميل يحيى برأسه لينظر إليها بالموبايل وينكش سعيد : فيها شبه من

سكرتيرة سانشيز، عسل ياد يا سعيد

يمتعض سعيد : محدش يتكلم عن الجير فريند girl friend بتاعتى كده

فيرد يحيى : إيه يا عم إنت جبت المأذون ولا إيه، أنا ب اتكلم عن فأنلة منتخب المكسيك إالى لبساها عشان ب افكر أوحدلوكوا الزى إنت والواد عادل ومنصور كمان، وينظر يحيى (لريهام) : مش كده يا ريهام، وينظر يحيى (لسعيد) : وبالعدن فيك ه اعرض الإقتراح دا فى جدول أعمال الإجتماع الجاى أول م ييجى الدكتور، ولو إتكلمت كلمة زيادة ه اخلى الطاقية المكسيكى من ضمن الزى الموحد، وشوف عشان تلغى القرار محتاج إيه، وينظر يحيى (لريهام) : محتاج إيه ياريهام ريهام : محتاج يدعى لجمعية عمومية للوكالة، ولازم يحضرها نص الأعضاء على الأقل

يحيى (بتريقة) (لريهام) : ولو النصاب م كملش ريهام تجارى يحيى فى الحديث (أو كما نقول بالعامية "يشغلوا سعيد") فتواصل ريهام تماديها فى تلك الإشتغالة : يتلغى، ويُعقد بعدها بشهر بحضور ١٠% م الأعضاء

يحيى : وإبقى قابلنى، م تتساش إن الدكتور دايماً مسافر فى مأموريات وه اكون عملت حشد إعلامى جوه الوكالة ضدك وأخليهم يعملوا فيتوا vito على طلبك بإلغاء الزى الموحد ريهام تصطحب سعيد بعيداً بخطوات قليلة وتوشوشه (بهدوء وبطريقة تبدو وكأنها جادة "تشتغله") :

أقولك، شوف يحيى عاوز إيه، وإن كان فى مقدورك نفذه بأقل عدد من التنازلات، وبالمره تبقى محتفظ بهيبنتك بين أعضاء الوكالة من غير صورتك ماتتهز، وبدل م ييجى الدكتور بكرة ويبتدى يحيى يلعب فى دماغه، وم تعرفش ه يقوله إيه، ولا تعرف رد فعل الدكتور ه يكون إيه، وإنك عارف إن يحيى إبنه الروحى،

يعنى ممكن يشكك فى جنسيتك، وكمان ممكن يشكك فى وجودك هنا من أصله، دا مش بعيد يقنعه يجيب حد غيرك، وأهو الطيارين مالين محلات الدليفرى، يعنى لو نزل إعلان فى ثانية ه بيقى ألف واحد هنا

- إظاهر الموضوع كبير وأنا مش واخذ بالى ،،،، هكذا رد سعيد (بتوتر)

- أقولك إشتري نفسك وروح صالحة ،،،، تقولها ريهام (لسعيد) (بصوت خافت) ثم تسترسل : قبل ما يعلى سقف المطالب ويلبسك تهمة الخيانة العظمى، ويمكن ينفذوا فيك حكم الإعدام، وهنا الدنيا مفيهاش سريخ ابن يومين، يعنى مالکش ديه يا بن الناس، وإنت عارف أنا ب اعزك إزاي، أنا ب أكلمك لمصلحتك،،،، روح صالحه وبغرفة الرائد عماد بأمن الدولة حيث جلس أمام جهاز الكمبيوتر الخاص به ويظهر أمامه صورة دكتور باسل الدكتور السابق بالمعهد العالى لتكنولوجيا المعلومات، يمسه الرائد عماد بتليفونه ويجرى محادثات لجمع معلومات عن دكتور باسل وطلابه من الكلية ومن كافة الجهات تارةً عن طريق التليفون عن يمينه وتارةً تليفون عن يساره،
- يخرج الرائد عماد من مكتبه عبر الكوريدور متجهاً لمكتب المقدم أدهم

بمكتبه جلس أدهم بيه وأمامه فنجان قهوة وبيده سيجارة، والرائد عماد جالس أمامه وعلى ما يبدو أن الرائد عماد قد جمع معلومات مبدئية ليست بالهينة، فهى فى الصميم، بل وتمثل خيطاً هاماً فى مجريات الأمور والذي يبادر بالحديث : الدكتور والطلبة سافروا إلى دول أسبوية وكان آخرها تايلاند من سنة تقريباً يا فندم

أدهم بيه : معنى كده إنهم مقيمين هناك، شوفلى الخيط دا يا عماد

مرة أخرى أدهم بيه جالس بمكتبه بأمن الدولة مع فاضل بيه وشوكت بيه مدير أمن شركة الطيران فيبادر أدهم بيه : عاوزين نكون فى منتهى الحذر لإن المعلومات إالى عندى بتأكد إن الخاطف على مستوى على من الذكاء هو وفريق عمله، والمعلومات بتأكد إنهم خبراء فى الكمبيوتر

فتبدو علامات الدهشة على وجه شوكت بيه مدير أمن شركة الطيران وكأنما لم يكن يتوقع أن يصل المقدم أدهم الذى يراه بهذه الإمكانيات المتواضعة التى ظهر بها بحواراتهم السابقة، أن يصل إلى إستنتاجات، أيا كانت صحيحة أو تقترب من الصحيحة، فيريد شوكت بيه أن يستقصى الأمر ليعلم أكثر

شوكت بيه : وياه إالى أكد لسعادتك معلومات إنهم خبراء فى الكمبيوتر ، فيرد أدهم بيه (برخامة) : دا شغلنا، وبعدين مش مهم عرفنا إزاي، المهم إن هو دا إالى وصلنا له

ولا تزال الطائرة تحلق بالسماء ، تلك الطائرة التى تبدو نقطة بالسماء إلا أنها تحمل العديد والعديد من القصص ولا أحد يستطيع أن يتكهن إلى ما سينتهى الأمر !  
وبداخلها ،

كابتن جلال : عزيزى خاطف الطائرة، السلطات بلغتنى عن طريق برج المراقبة بإن كل طلباتك إتنفذت

فيرد الخاطف بسخرية : م أنا عارف، هو أنا مستنيك تبلغنى ! إذا كنت أنا تحت مش عندك فوق ويسترسل (بنرفزة) : إنت ه تترفرنى ليه يا أخى

كابتن جلال : العفو العفو، بس كل الحكاية إن الوقت بيعدى والبنزين إلى فاضل يكفى ساعة طيران واحدة ولسه م قتلش ه تنزل فين عشان أتصل بالمكان إلى إحنا رايعينه

شاشة موبايل ولا تبدو معالم المكان نهائياً ،، وعلى ما يبدو أن شاشات الموبايل قد لعبت دوراً كبيراً بتلك القصة، بل وتنافست على دور البطولة مع مستر فاي وماركو وأنيثا وذات الرداء القصير، ففي كل مرة نرى شاشة موبايل، نتأهب لحدث قد يغير من مجريات الأمور إما بالتعقيد وإما إيداناً بالوصول إلى حل أو لفك شفرة ما، شاشة الموبايل تلك المرة مكتوب عليها "إقطع الإتصال بالبرج"

وهنا يباغت الخاطف كابتن الطائرة بتعليمات مفاجئة لم تكن في حسابان كابتن جلال على الإطلاق فنسمع صوت الخاطف يقول : إقطع الإتصال مع برج المراقبة وعطل الكاميرات فتبدو علامات الدهشة على وجه كابتن جلال فلم يحسب لها حساب فيهب (مندهبشاً) : إحنا م اتقناش على كده

فيرد صوت الخاطف ساخراً منه : هو أنا مفروض أقعد عشان أتفق معاك ! ولا لازم آخذ الإذن منك ويسترسل بنرفزة : نفذ من غير نقاش ولا جدال يا كابتن، ثم يسترسل صوت الخاطف بعدها : آخر عشر صفوف في الطائرة يقدرنا يشيلوا الماسكات عشان العرق فنجد الركاب بآخر عشر صفوف ينزعون الماسكات وكأنما أزاحوا هموم الدنيا من على وجوههم

كابتن جلال : وه انزل فين

صوت الخاطف : إحنا فين دلوقتي، أكيد عدينا البحرين من شوية

● بالطبط، عرفت منين !؟

- بالخبرة، ه تكمل زى ما إنت جهة الشرق فى المحيط الهادى  
بجنوب شرق آسيا وه تنزل تحت
- تحت فين؟!
- تخلى شاطئى بنجلاديش على شمالك وتاخذ طوالى على جزر  
المالديف ه تلاقى قبلها بحوالى ٢٣٠ كيلو جزيرة تانية فيها شجر  
كثير، أول م تقرب تقولى عشان اشورك عليها
- يتمم كابتن جلال لمساعدته متعجباً (بصوت خافت) : طأ، أنا أول مرة  
أسمع الوصفات دى، جاب الوصفات البلدى دى منين، دا زى إالى  
بيوصف لواحد ميدان الجيزة،،، تقولش ه نعمل لاندينج Landing  
فى مطار صفت اللبن
- بتيرطم بتقول إيه؟ نفذ وإنت ساكت
- م بقلش حاجة، ب اقول ربنا يستر
- لحظات من السكون بالطائرة ثم نسمع كابتن جلال مرة أخرى : إيه  
الأخبار يا عم الخاطف
- فيضجر الخاطف فيقول (بهدهو وسخرية) : عم الخاطف، عم !!  
ويسترسل (بنرفزة وصوت قوى) : إظهار عشان إتساهلت معاكوا، رفعنا  
التكليف، لأه، الخاطف خاطف والطيار طيار مسترسلاً (بلطف  
ورومانسية) : وأنيئا أنيئا ثم (بنرفزة وصوت قوى) : أيوه لازم الكلام دا  
يكون واضح للجميع،،، ماتنرفزونيش

## Song 2

يتغنى الخاطف مع الركاب بأغنية (ماتنرفزونيش)  
الخطاف و الركاب :

ماتنرفزونيش ،، ماتنرفزونيش

لأخلى عاليها واطيها ،، ياوواد الإيه ،، ياوواد الإيه

عندى إلتزمات م المكسيك لأمستردام وإرتباطات من زيمبابوى  
لأنجولا

ومن فلوريدا لبوليفيا ومن روما لأنطاليا ومن رواندا لأيطاليا  
ومن مالى لتتنانيا ،، ومن كايرو لعمان  
وإشى كبدين ع الناصية ،، وإشى مسجون م المافيا  
م تلخبطونيش ،، م تأخرونيش ،، لأبعتكوا دليفرى لسمك القرش  
والقرش القرش ،، القرش القرش  
الرجل الذى طلب ٣ إختيارات من زوجته :  
ما بلاش تخطفلى أنيتا  
يلتقت الرجل لزوجته تفيده بجواره مسترسلاً  
ما تسيبها ، و تاخذ تفيده  
صوت رجل ٢ :

و تاخذ عليها ، كمان مفيده  
يلتقت رجل ٣ لزوجته مفيده بجواره  
ومش خسارة ، لو أخذت سعيده  
يلتقت رجل ٤ لزوجته سعيده بجواره  
وعليها وكمان منيره  
صوت الرجال :

جتهم كلهم كمان مصيبة ،، إحنا عاوزين أنيتا  
فى عرضك ما تعكن علينا ،، دا إحنا خلاص إستوينا  
وتبقى عَمَلت فينا كمان جميلة ،، وتوبت علينا من المصيبة  
جاتهم داهية فى ضحكة سنانهم ،، ولا عكننتهم ساعة المصيبة  
الخاطف :

عاوز أخطفها بدون تعطيل  
وأنزل بالقلب مع الكتفين ، وكمان رُكبة وكمان كبدين

وأسلم فوري في بطن الزير و أولهم ماركو من المكسيك ،،  
وأخرهم باولو من البرازيل  
ودى أول مرة نشوف ماسكات ،، بس حرمونا من الضحكات  
تبتسم أئينا، ويسترسل الخاطف  
أسطى

كابتن جلال بالكابينة منتبهاً ممسكاً بذراع القيادة  
ما تخلى بالك ، في مطبات ، عايزين نوصل بسلامة ، وبدون  
عقبات

وبلاش تتهور وتقولى محيط ، ولا تتفكر إنك حويط ،  
دا إنت طلعت، في الآخر عبيط  
ودى أول مرة نشوف ماسكات  
مانترفزونيش مانترفزونيش

الخطف والركاب: لأخلى عاليها واطيها،، ياولاد الإيه ،، ياولاد الإيه  
عندى إلتزمات م المكسيك لأمستردام وإرتباطات من زيمبابوى  
لأنجولا

ومن فلوريدا لبوليفيا ومن روما لأنطاليا ومن رواندا لأيطاليا ومن  
مالى لنترانيا ومن كايرو لعمان ،، وإشى كبدين ع الناصية ،،  
وإشى مسجون م المافيا  
م تلخبونيش ،، م تأخرونيش ،،، لأبعتكوا دليفري لسماك القرش  
والقرش القرش ،، القرش القرش

بمقر شركة الطيران حيث يجلس المسؤولين بالشركة وتظهر الشاشة  
زرقاء كالسماة الصافية حيث ينقطع البث من الطائرة تماماً  
شوكت بيه : أهو الإتصال إتقطع  
مستر فاضل (بسخرية) : يعنى كنا مستقيدين حاجه وهو باين !!!

## بالطائرة

نسمع ضجر الركاب الآخرين الذين يرتدون الماسكات فيسترسل الخاطف : مش عاوز حد يزمزق، كل ١٠ دقائق ه نبدل ونشيل الأقنعة للصفوف إالى أدامها شاب بيدو من صوته من وراء الماسك أنه فى أواخر الثلاثينات من عمره جالس بالصفوف التى لم تخلع الماسكات، يتحدث مع راكب كبير السن يجلس بجواره، ويتضح ذلك من صوته أيضاً، وكأنما يكملون حديثاً قد بدأ بينهم الشاب (للرجل العجوز بجواره) : مؤتمر طبى فى مصر، جيت إمبارح حضرته، وكان مفروض عندى مؤتمر تانى فى أمستردام، وبعدين كنت أرجع بعد بكرة الرجل العجوز (بتعجب) : ومسافر عطلول كده، مالکش حد فى مصر يابنى

بيبدو التأثير على صوت الطبيب الشاب : ليا بس مكنش فى وقت فيرد الرجل العجوز : ياااه جاى المشوار دا كله وماتعديش على أهلك ،، فيبدو التأثير على صوت الطبيب الشاب ،، فيسترسل العجوز (بهدهوء وحكمة) : ياه دى باينها حكاية طويلة، ففط يا بنى لو عاوز، ماتكتمش جواك لحسن تطق، أنا زى أبوك ويمكن أقدر أنصحك الشاب : وه تقيد بإيه النصيحة يا حاج ،، وكأنما يريد أن يُعبر بأن النصيحة أيا كانت فلن تجدى حيث قد تكون إقتربت نهايتهم وقد يحدث ما لا يُحمد عُقباه ويسترسل صوت الشاب (بتأثر) : أمى تعبت و ربتنا أحسن تربية وحسينا بتعبها ده، وهى إالى ساعدتتى وأنا مسافر لحد ما نجحت وحققت حلمها يوجه الرجل العجوز وجهه إليه ويخاطبه خطاب الناصح الأمين قائلاً (بهدهوء وسكينة) :



لقد أخذ بكل إحتياطاته دون أن يترك لا صغيرة ولا كبيرة ، فيعود وقد أصدر زئيراً كزئير الأسد، لقد إستطاعت تلك الثرثارة المتواضعة الذكاء (كما ظن هو وكما ظننا نحن أيضاً) أن تُخرجه عن صمته، عن سريته، عن تحصيناته، عن تركيزه، وتوجهه (كما أرادت هى) بالذهاب إلى التواليت بحكاية وهمية مفتعلة، فيتيقن الجميع بأن الخاطف على متن الطائرة وليس خارجها كما إدعى

عفواً . علينا ألا نستبق الأحداث نحن أيضاً ونظن يقيناً بأنه إنكشف، فعيب علينا أن نقع بالفخ ثم نقع بالظن ،،،،،، فلكل فعل رد فعل ،،

كيف سيتدارك مستر فاى تلك الأزمة (الفخ) الذى وقع فيه بسبب مكر النساء، لقد خانته ذكاؤه للحظة وتصرف بتسرع ولو أنه تلميذ صغير، ولكنه عاد ليجمع شتاته

صوت الخاطف : إنت إيه إالى وقفك من مكانك، هكذا صاح (بعدهما جلس) فى الرجل الذى توجه للتواليت (وهو ليس شخصاً آخر سوى مستر فاى أيضاً ، فقد ألف حواراً بينه وبين نفسه)

فيرد الرجل الذى توجه للتواليت (مستر فاى أيضاً) بصوت لم نسمعه من قبل (صوت مستعار ليرد على نفسه بتمثيلية عكسية، إنه دهاء الرجال أيضاً) : وأنا ه أستاك تقوم ولا م تقومش، ما إنت قلت إنك مش ع الطيارة، يعنى أسيب مشكلة تحصل ،،، قُمت أشوف إيه الحكاية، قبل ما الطيارة تقع بينا

صوت الخاطف : تانى مره محدش يتحرك إلا بإذننى، إذن مكتوب ومختوم وممضى





## بالبائرة

نسمع الخاطف يعطى تعليمات (للركاب) : الركاب فى الـ VIP يشيلوا الماسكات فينزعو الماسكات، ومن ثم يوجه حديثه (للطيار) : هى دى الجزيرة، إنت كدا داخل عليها

- واضح إنك طيار قديم، بس مفيش فيها مهبط يا خاطف باشا
- قولتلك قولى مستر فاى
- تمام يا مستر فاى
- م تقلقش دلوقتى يبقى فيها

## بالجزيرة

نرى من أعلى أناس كثيرين بالجزيرة يقومون بإزالة أغصان أشجار كثيفة من على الممر، فعلى ما يبدو أن مستر فاى ذلك الخاطف الماكر المحترف قد أعطى إشارته بشكل ما لهذا الفريق أن يزيل الأشجار من على الممر إستعداداً للهبوط، فرجل بهذا الدهاء لن يجد صعوبة فى أن يدبر ذلك

## بالبائرة

"تعرف تنزل دلوقتى" ،،، هذا هو صوت الخاطف لكابتن جلال، والذي يجيبه : ربنا يسهل ،،، فيدور كابتن جلال حول الجزيرة إستعداداً للهبوط



الجزيرة بها بيوت متناثرة ومتزامية الأطراف، يتعدها كابتن جلال ليصل إلى المدرج الموجود بمنطقة خالية تماماً

"إيه يا ست المضييفة مش تشوفى شغلك، مفيش نربط الإحزمة، مفيش إبقوا فى مقاعدكم،، ولا فرصة نبلطج وم نشتعش، يلا أومى إعمليك منظر بدل ما إنتى قاعدة كده، إنتى مش قابضه مرتب ولا إيه" ،، هكذا أنب الخاطف نادين، تلك المضييفة الجميلة ، الكسولة

السيدة الثرثرة (ناظرةً للسقف كالعادة) : والنبي براحه عليها يا عم الخاطف، لحسان دى كوستليته خالص ومش حمل شخطة، لحسان أبوها ياعينى مش ملاحق على طلباتها هى وأختها، بعدين دا لو زعل ممكن يشتريها شركة طيران بطياراتها والركاب إالى فيها كمان صوت الخاطف : إنتى بالذات ماسمش صوتك

فتنهض نادين المضييفة بعدما أخرجها مستر فاى لتودى واجبها المعتاد والذي كانت قد تناسته فى خضم تلك الأحداث التى لم تمر بها من قبل، ولم يخطر على بالها أن تمر بها يوماً من الأيام فتقول : على السادة الركاب ربط أحزمة الأمان ووضع المقاعد فى وضع رأسى إستعداداً للهبوط، وسوف يتم تقليل الإضاءة بالكابينة حيث نقرب من مطار، وتنتظر نادين لسقف الطائرة حيث مصدر الصوت : مطار إيه دا يا خاطف باشا، والذي يرد :

والله م اعرف، أهو مطار والسلام، مش بيَقضى الغرض، خلاص، وبعدين إنتى بتبصى فى السقف ليه ! طب خلى السقف يرد عليكى

### نرى الطائرة من بعيد تهبط على المدرج

المنتج (للمخرج) بقاعة السينما : ياريت تعليماتك للكابتن براحه كدا، تاتا تاتا وهو نازل، لحسان دا إحنا مأجرينها، دا مال يتامى الله يعمر بيتك، ويسترسل: وبراحه ع الكاوتش كمان، الله يخليك، أه



ويسترسل (بسخرية) : إنا م بيهمناش، عشان الكلام يبقى واضح يتجه عدد من الركاب للباب، منهم كثيرون من درجة الـ VIP فيتبقى عدد كبير من كراسى الـ VIP فارغ فيسترسل الخاطف :

إيه مستعجلين على إيه، هو أنا خلصت كلامى !!! مش لما أخلص،،،، ه تنزلوا، ه تلاقوا أتوبيس من غير نمر مستنيكوا، ه تركبوه، وتاخدوا التعليمات هناك، وباقي الركاب فى أماكنهم

### باص ماركة تويوتا كوستر

يصعد عادل إلى الباص ويُعْمى أعين الرهائن ويتأخر فى الوقت وهو يغمى أعين الفتيات وكأنما يقتدى أو يقلد رئيسه مستر فاى مثله الأعلى، فالطيور على أشكالها تقع، ثم ينزل ويبدأ الباص فى التحرك راكب : بقالنا أكثر من نص ساعة

سائق الباص : خلاص وصلنا، ه تنزلوا هنا كل واحد بعد ما ينزل يفك الغمامة من على عينه بنفسه وما أن يقول السائق هذه الكلمة حتى تبدو على وجهه وبنبرة صوته علامات التأثر

ويسترسل بحديثه وكأنما حكيم يعطى نصائح من ذهب وسط موسيقى حزينة ثم يسترسل (بتأثر وبتراخى) : لما تشيلوا الغمامة من على عنيكو ه تشوفوا الحقيقة إالى م كنتوش شايفينها

ينتبه السائق لكلامه ويتداركه ويصححه وكأنما أفاق من غفوته : إبييييه ه تشوفوا الطريق، و ه تمشوا حوالى إثنين كيلو، ه يقابلوكو كوبرى، تعدوه

تمشوا طوالى وسط الجبال، لا يمين ولا شمال ،،، ه تلاقوا نفسكوا فى مينا الجزيرة، ه تركبوا منه مركب صغير لبنجلاديش ،،، المركب ه ياخذ حوالى ٣ ساعات، ه تدخلوا بباسوراتكم،

وهناك ه تروحووا الداون تاون الـ downtown ، ع السفارة الأمريكية  
عِدِل، وهما أكيد ه يرتبوا نقلكوا الإخوة المكسيكيين معاهم لإنى  
معرفش سفارة المكسيك فين يلا بالسلامة خلوا بالكوا محدش يحاول  
يتلفت وراه فى سلعوه هنا

فنى الركاب يجرون فيسترسل سائق الباص محدثاً نفسه : يخرب  
بيتكوا وإنتوا تعرفوا السلعوه منين، أقطع دراعى لو ما كتوا م الكتكات  
خساره فيكوا التوصيلة، كدا يا باسل باشا، م كانوا خدوها جرى م  
الطيارة للمينا وكنا وفرنا البنزين الـ ٨٠ ، ماهم بيجروا كويس أهم

### الجزيرة مدرج الطائرة ، وبداخل الطائرة

ها هو الخاطف وَصَلَ بِسَلامٍ وقد تأكدنا من تصرفاته ونبرات صوته  
وتردده فى كثير من الأحيان بأنه موجود على متن الطائرة وليس كما  
يدعى وَصَلَ بِسَلامٍ، بعدما نُفِدتَ طلبائهُ وهو فى أسعد حالاته، لا شىء  
ينغص عليه فقد أدى مهمته بنجاح وبسلاسة متناهية ويسيطر على  
الموقف دون أدنى مقاومة لديه وقت، وهو زير نساء، فليتلكاً إنن مع  
فاصل من الترفيه، فنسمعه يقول : كل الستات تقلع، فترد راكبة  
(بتحفظ) مستتكرة ذلك : نطلع إيه !!!!!

صوت الخاطف : تقلع الماسكات يا وليه،، فتخلع الركاب السيدات  
الماسكات ويتذكر الراكبة ذات الملابس القصيرة : الراكبة إالى جنب  
كرسى رقم إتش سته وعشرين H26 فتنتبه الراكبة ذات اللبس  
القصير فيسترسل صوت الخاطف (للراكبة ذات اللبس القصير) :

You can keep the mask until you get new dress for  
you

"ترجمة : إنتى ممكن تطفى الماسك لحد ما تشتريك هدمه تسترك" ،،  
ويسترسل : م يصحش نسيبك تمشى كده،





طيب، أمى دى زى دى، وبعدين، هو البنزين ه يخلص !! الطيارة واقفة، لو الطيارة بتسحب بنزين بقه، يبقى الكيرباتير عندك هو إلى بايظ، روح إكشف عليه عند الواد كتاوت إلى فى شبرا، دا واد كويس أوى،

ودينالوا الطيارة إلى وقعت الإسبوع إلى فات  
كابتن جلال : الواد كتاوت دا بتاع الدينامو، فيرد صوت الخاطف  
(للكابتن) :

• أله ،، إنت ه تعدل عليا ولا إيه، إحنا مش ه نعرف نُحكّم الطيارة  
ولا إيه

- وبعدين إحنا فين وشبرا فين ،، رد كابتن جلال
- شبرا بعيدة !!!! خلاص فى واد حلو أوى فى دوران مدغشقر
- مدغشقر !!!! قالها كابتن جلال (بدهشة)
- م تقوليش بعيدة دى فردة كعب على شمالك

ثمانية مسلحين ملثمين قادمون من أعلى تبة متاخمة لمهبط الطائرات قادمون على خيولهم يتجهون بسرعة تجاه الطائرة، فتملاً الأفق بالأتربة المتصاعدة، يحاصرون الطائرة فى لمح البصر ويطلقون النار بالهواء، فنسمع صراخ الركاب الذين أيقنوا بأنها الهلكة لا محالة، إنها حتماً من تخطيط الخاطف وقد حان الوقت لتنفيذ عمليات القتل والتكيل، فيصيح مساعد كابتن جلال بالإذاعة الداخلية عنم يكون هؤلاء

وتسود حالة من الهلع بين الركاب فيحسم أحد المسلحين الموقف (والذى يبدو وكأنه زعيمهم) ليُزيل الغموض عن الموقف، فيصعد الطائرة ويسير بالممر ناظراً إلى يمينه تارةً وإلى يساره تارةً ويسأل عن تصريح الخطف، فيجيبه صوت الخاطف من خلال الإذاعة الداخلية :

- إفتح درج الشنط فوق كرسى H31 ، فيفتحه الرجل المسلح  
فيسترسل صوت الخاطف : ه تلاقى ظرف أزرق إفتحه، فنجد  
الرجل المسلح يقرأ ما فيه ويضعه مكانه وينصرف فى هدوء إلى  
خارج باب الطائرة

راكب (بنرزة) : ممكن نفهم إيه إللى بيحصل ده

راكبة : دا إحنا ركبنا سابت

صوت الخاطف : أيوه يعنى مش عاجبكو إنوا نزل، فينادى على  
الرجل المسلح : أيوه يا عم يا أبو بندقية، فيقاطعه عدد من الركاب  
بصوت عالى بأنه لاداعى لذلك

صوت الخاطف : يعنى ه تبقوا مبسوطين لو رجع وإتسلى عليكموا واحد  
واحد

كابتن جلال : لا بس عاوزين نفهم

• يعنى عيب لما إنت بالذات تسأل السؤال ده

• ليه بس يا خاطف باشا ؟

• يعنى عمرك ما شفت تقنيش يطلع يسألك عن إذن الرحلة إللى إنت

طالعها

• إذن الرحلة !!

• رد كابتن جلال : بلاش دى، عمركش ركبت أتوبيس وإنت صغير،

ولا دى كمان ماتعرفهاش

• لآ، أعرفا

• مش بعد ما بتقطع التذكرة بيطلع المفتش يشيك ع التذاكر ؟

• فيرد كابتن جلال (باستغراب) : نعم !!!!!

• أهه دا بردو كده

• بردو كده إزاي !!!

● دا زميل من قطاع التفتيش والمراقبة بالوكالة بتاعتنا، طالع يشوف إذن الخطف، فشافه، عمل شغله ونزل، عشان تعرفوا بس إن مش أى حد إالى خاطفكوا، إحنا وكالة ليها إسمها وتاريخها والسيستم الخاص بيها، مفيش عملية تتم إلا وليها إذن ممضى ومختوم وعليه الدمغات بتاعته كمان، ولازم أروح أدى التمام وأقدم تقرير باللى حصل كله، وطبعاً مش ه أنسى لك حركة البحر دى يا كابتن، وه أقولها فى التقرير، وطبعاً رئيس الوكالة مش بعيد ياخذ قرارات ضدك، إنت والكريراتير التعبان بتاعك، ويسترسل (بهيام) : ولا إنتى يا أنيتا

● كابتن جلال : يعنى خطف خمس نجوم !!  
● على أعلى مستوى وحياتك إحنا مش بنلعب، لو حابب تشوف الإذن أوم شوفه، ه تلاقى فيه ختم الوكالة والتوقيع، قالها الخاطف  
● أيواااااااه، توقيع مين بأه، قالها كابتن جلال  
● صدقنى معرفش، "لا تسألوا عن أشياء" يا كابتن، وبعدين إنت فاكرنى أعرف، وغلاوتك ما أعرف، وكمان ه تلاقى ختم الأيزو عليه

● أيزو !!!!  
● أيوه، إننا ملتزمين بكل معايير الأيزو العالمية فى الخطف  
● ودا أيزو كام إن شاء الله يا مستر فاى  
● أيزو ١٧٠٠٧ ، ودا أحدث حاجه لسه نازله يا كابتن بشوكها  
● فابريكة يعنى ،، قالها الكابتن بسخرية  
● الله يفتح عليك يا كابتن دا حتى لسه مخدش موافقة المجلس  
● مجلس إيه ؟

● مجلس إدارة وأمناء وكالة فاى الدولية  
● أمناء !!!! أمناء !!! أمناء !!! أمناء دى !!!

- إيه !!!! عندك إعتراض ولا إيه يا كابتن، شكلك كدا عندك إعتراض أو بتتريق، طب إنت بالذات بقه حسابك معايا على إنفراد، وينادى بصوت على : يا عم يا أبو بندقية
- خلاص خلاص أنا آسف، أنا مش معترض على أبو زمل، أنا معترض على ١٧٠٠٧
- ودا معترض عليه ليه بأه إن شاء الله يا كابتن !!!!
- لإنه مش رقم أيزو يا مستر فاى
- أمال رقم إيه يا أبو العريف ؟؟
- دا رقم الشركة الألمانية لإبادة الحشرات
- يوووووه ، لازم تعترض وخلاص مكفكش حركة البحر، دا إنت سجلك إسود معايا
- فتتداخل الراكبة الثرارة : إمسحها فيا ، كابتن وغلط يا خاطف باشا

## بأمن الدولة

عدد من الضباط على تربييزة إجتماعات يراجعون البيانات الواردة من جهات أخرى كخلية نحل وبحضور اللواء شاكرا المشرف على العملية والمقدم أدهم والرائد عماد

أدهم بيه : دا يا فندم، ويشير بيده اليمنى على الرائد عماد الجالس بجوارهم على تربييزة الإجتماعات ويسترسل : التقرير إالى جابه الرائد عماد من الكلية ودا تقرير من جيران وأرايب ومعارف دكتور باسل والطلبة بتوعه، زى م أنا شايف يا فندم كل التقارير بتصب فى حته واحدة إنهم فى تايلاند أو بنجلاديش، ويشير بيده على جزيرة بالخريطة، بس قريب إتحركوا وبالتحديد راحوا فى واحدة من الجزر دى فى المحيط الهندى يا شاكرا بيه

اللواء شاکر : وعشان كده يا أدهم رجالتنا بيتابعوا بالتنسيق مع السلطات هناك وه نبلغهم بتنفيذ العملية قبلها بساعات

ينهض اللواء شاکر ويتجه ناحية الشباك القريب من الترابيزة ويسترسل : قولى يا أدهم إيه أخبار تحرياتك عن مسئولين الصيانة فى المطار أدهم بيه : إحنا حطينا إدينا على مسئول الصيانة إالى خرج منها آخر واحد بشهادة الشهود قبل الطيارة م تطلع الرحلة دى، وواضح فعلاً إنه حصل تواطؤ يا فندم

اللواء شاکر : الله ينور يا سيادة المقدم أدهم بيه : لكن للأسف يا فندم المعلومات بتأكد إنه مختفى من ساعة إختطاف الطيارة

اللواء شاکر : أكيد هبش مبلغ كبير أمن بيه مستقبليه أدهم بيه : الغريبة يا فندم إن تسجيلات موبايله إالى سبقت الحادث أكدت إن فى شخص كلمه أكثر من مرة وإتفق معاه ع الترتيبات دى، مش كده وبس

اللواء شاکر : فى إيه كمان أدهم بيه : فى حد، وغالباً نفس الشخص، إداله تعليمات بأنه لازم يختفى بعد العملية

اللواء شاکر : وياترى وصلتوا له أدهم بيه : للأسف يا فندم النمرة محروقة ،، ينظر إليه شاکر بيه بضيق، فيسترسل أدهم بيه : بس أنا يا أفندم عارض المكالمات على خبير أصوات وإن شاء الله نوصل لشريكه

اللواء شاکر : على الله م يكونش مختفى هو كمان، إبقى طمنى أول ما توصل لحاجة، وينظر اللواء شاکر من خلال النافذه

## وبغرفة عمليات الخاطف

ينزع يحيى الهيدفون من على أذنه قائلاً : الدكتور وصل ونزل المدرج بس الغربية إنه إتأخر وما اتصلش بيانا ، بيعمل إيه كل ده ؟

## بالطائرة

على ما يبدو أن مستر فاي قد إندمج في مغازلة الجميلات وتمادى فيها وخاصة بعدما أعطى أوامره بنزع الماسكات عن أكثر من نصف ركاب الطائرة وفرز بعينه الثاقبتين الجميلات من غير الجميلات ولم يأبه لعنصر الوقت، فهل أنساه ذلك أن هناك جدول زمني لكل حركة وكل تصرف من المفترض أن يقوم بتنفيذه

الخطاف : إالى قاعد في الكرسي رقم A12 يحط السماعات في ودانه (وكأنه لا يعرف إن كان رجلاً أم سيدة) ،،، فتتظر عدد من الفتيات لرقم الكرسي بأعلى الممر، تتظر الفتاة الجميلة بالكرسي رقم A12 في الـ VIP لرقم الكرسي بأعلى الممر و تضع السماعات ، فيسترسل :  
إنت منين يا حلوه

الفتاة الجميلة: نيوزيلاند

صوت الخطاف : إيه

الفتاة الجميلة : نيوزيلاند

صوت الخطاف (بلطف ورومانسية) : لأ ،، أول مرة أعرف إنها بتتطق كده، إنتى مرتبطة؟؟

الفتاة الجميلة : عندي بوى فريند ، فيرد صوت الخطاف (بلطف ورومانسية) :

- إعتبريني البوى فريند الجزء التانى، Boy friend 2، BF2 خلاص متفقين، أنا معنديش مانع، عندك مانع ؟
- البوى فريند بتاعى يزعل

- مايزعل، مش أحسن ماترعلينى إنتى، أله، ما أنا لو زعلت منك يعنى ممكن ،،
- فتقاطعه الفتاة الجميلة (بلطف ورومانسية) : مكن إيه ؟ فيرد صوت الخاطف: لأ، ممكن حاجات كثير، يعنى ممكن نبييعك فى سوق العبيد، إيبىييه، سوق الأعضاء، الكلوه لوحدها والودان لوحدها وجوز العيون دول لوحدهم وممكن أطلب فدية من خطيبك، وومكن أسيبك هنا للسلعوه

فتفزع الفتاة الجميلة قائلةً : السلعوه لأ!!!!!!!!!!!!

فيرد صوت الخاطف : يعنى سيبتى كل إالى أنا قلته ده، وماخوفتيش إلا م السلعوه، واضح إن السلعوه مشهورة أكثر منى ومن ماركو فرنانديز ذات نفسه، مش بعيد الكاتب يقنطرنى أنا وماركو القصة الجاية وياخذ السلعوه فى البطولة، يكونش الموطن الأصلى للسلعوه، عندكوا فى نيوزيلاندا

### مقر عمليات الخاطف

- نرى يحيى يتصل، ونسمع جرس تليفون،  
فإذا بصوت الخاطف (مضجراً) : أيوه عاوز إيه يا يحيى مش شايفنى مشغول
- أيوه ياريس إحنا قللنا عليك لحسان تكون إتخطفنت ولا حاجه يا دكتور
  - لأ، أنا بخير يا يحيى بس مشغول دلوقتى، معايا بت نيوزلندية إنما إيه
  - هو الموضوع كده يا ريس وإحنا قلقانين عليك، عندنا شغل كثير، إحنا جايبين ،، قالها يحيى (مبتسماً)
  - يا رخم

يحيى (لزملاؤه) : يلا بينا نستقبله  
ريهام : كان متأخر ليه  
يحيى : ه ابقى أقولك بعدين

### بالجزيرة مدرج الطائرة

يهبط الخاطف من الطائرة وما إن يبتعد عن الطائرة يخلع الماسك الأصفر للمرة الأولى فيظهر وجهه المجدد الباسم وقد تعدى الستين من عمره وتبدو عليه علامات الفرحة، وهو نفس وجه دكتور باسل الذى كان المقدم أدهم يجمع عنه المعلومات بناء على ما أدلت له بها دكتوراه عايدة، وظهر على شاشات الرائد عماد ومقدم أدهم ورؤسائه

### بمقر عمليات الخاطف بالحديقة

إستقبال حافل من تلاميذ الخاطف لأستاذهم فيعائنه يحيى ومن ثم،  
يُعائنه هشام وتقترب منه ريهام وتضع يدها على كتفه  
يحيى : حمد الله ع السلامة ياريس  
ريهام : نورت بيتك ومطرحك يا عبقرى  
يتوجه الخاطف مستر فای عبر الأشجار لمقره بالفيلا بصحبة تلاميذه  
وهم فريق عملهُ الذى يتابع كل عملياته من على الأرض بينما يكون  
هو فى السماء

### وعلى حمام السباحة

مدد قدميه على الشيزلونج مستر فای وهو مع تلاميذه بالفيلا على  
حمام السباحة مع غروب الشمس وكأنما عاد بين أهله وأحس بالأنس  
معهم، فعلاقتهم علاقة وطيدة ومحبة من تلاميذ لأستاذهم الذى  
يعتبرونه مثلهم الأعلى

وكأنما إشتاق لهذه الجلسة، فبدأ يتحدث بقلب مفتوح وبسلاسة وطلاقة ودون تكلف كأنما هو بين أولاده تماماً

يحيى : أخبار الرحلة إيه يا دكتور ؟

• والله كانت رُكبي بتسيب كل ما أقولهم ه افجر الطائرة، أنا مش ع الطائرة، أنا م يهمنيش، ألا لو طلع واحد مستبيع وقالى فجرها، م أعرفش كنت ه اعمل إيه، خصوصاً بعد الركاب ما سايروا الكابتن وشجوعه ينزل بالطيارة فى البحر

• عشان نيتك الصافية بس يا دكتور والخير إالى بتعمله

مستر فاى بسخرية : لا عندك حق يا يحيى، أنتوا عارفين يا ولاد إيه إالى عجبني فى العملية دى، إنها كلها جديدة من نوعها، الميكروفونات، والماسكات، بس إنت ياد يا يحيى أقنعت الواد بتاع الصيانة إزاي يحط الماسكات مكان أقنعة الأكسجين

يحيى : الفلوس تعمل كل حاجه يا باشا، وبعدين دول ٥ مليون جنيه، يعنى عمره م هيجيبهم من شغله طول حياته وهى عملية واحدة

هشام : بس الصدفة إن الواد دا مقطوع من شجرة، لو حد تانى كان خاف على عيلته والشغلانه دى

يحيى : العبرة بالتحريات يا باشا، سيبك إنت، بس الواد كان عنده إستعداد، يعنى الشيطان كان ملاعبه جاهز

ينظر إليه مستر فاى (مبتسماً) : جدع ياد، لا بس أنا كت قلقان عليكوا ، فيسأله يحيى عن السبب فيرد (مبتسماً) : كت خايف حد يتأخر فى الدليفرى بتاعه ولا حد يفاصل معاكوا وإحنا متشعلقين فى الجو والبنزين ممكن يخلص

فيدخل كابتن جلال مبتسماً يهز يديه يميناً وشمالاً : يخلص إزاي يا باشا وإحنا هنا، الله ينور يا باشا كله أُلصطه

(حقاً مفاجأة من العيار الثقيل، كابتن جلال من ضمن من إشتراكوا أو  
خططوا لعملية الخطف ! فماذا إذاً عن الهبوط بقاع البحر وعنبر ٢٥  
!! أكان كل ذلك خداع وهراء أم سيناريو وحوار معد مسبقاً بمنتهى  
الدقة والحرفية)

ويسترسل كابتن جلال: بس إيه رأيك، عَجَبْتَكِ؟؟ \*\*\*\*\*  
مستر فاى (مبتسماً) : عَجَبْتِي !! دا إنت أستاذ بس إنت سايب  
الطيارة إزاي دلوقتى مش خايف حد يطلع بيها  
فيرد كابتن جلال : إيه يا كبير هى توك توك، ولا أربطها فى شجرة  
يعنى، م تقلش أنا معشقتها وحاططها ع الرابع  
مستر فاى (مبتسماً) : معشقتها إزاي !! هى مش أتوماتيك !! تعرف  
طب دا إللى جوه الطيارة دول، هما ثروتنا  
كابتن جلال : ماتخافش كله ألسطه، أيوه يا سيدى، وه تبعهم جملة  
ولا قطاعى

ينظر إليه مستر فاى ويسترسل كابتن جلال : أيوه يعنى، فى حد ه  
يشيل البيعه على بعضها ولا ه تصرفها قطاعى فيرد مستر فاى  
(مبتسماً) بأنها قطاعى

فيتداخل يحيى : كل شويه رايعين فى حته، شويه ه يشتغلوا ضحايا  
فى عملية إرهابية وشويه ه يتقطعوا ويتباعوا أعضاء لدكتور ديفيد  
وغيره وشويه ،،،،

كابتن جلال (مقاطعاً) : حيلك حيلك، إيه، أنا قاعد فى السلخانة ولا  
إيه، ويسترسل (مبتسماً) : بس سيبك إنت، العملية مزجتتى، وينظر  
لمستر فاى : إحنا لازم يبقى لنا شغل كثير مع بعض، بس إيه حكاية  
الإثنين إللى نزلتهم فى الآخر دول يا دكتور ؟

مستر فاى (مبتسماً) : و إنت شفتهم؟؟  
كابتن جلال : لأ، م إنت لبستهم الماسكات قبل ما ينزلوا

فیرد مستر فای : لأ، دول لیهم حکایة تانیة، مش ه أبقى أقولك علیها بعدین، متعمداً أن یخفی علیہ خبرهم ، فیضحك کابتن جلال :

• ماشی یا کبیر أسرار المهنة یعنی !!! بس دول کانوا بیتکلموا عربی، مصری کمان

• آ ،، ما هم مصریین

• آله، یعنی دمننا ولحمننا !!! ویعیدها کابتن جلال (بجدیة) بصوت رنان قوى "یعنی دمننا ولحمننا"

• إیه الوطنیة إلی نزلت علیک فجأة دی ویسترسل بقوة وحسم : الشغل مافیہوش عواطف ولا حدود لازم یبقى قلبک میت

بیتسم کابتن جلال مرة أخرى : مفیش مشکلة بس إحنا عاوزین نعمل تیم team تیم وورک

مستر فای (مبتسماً) : صحیح دا أول تعامل بیننا، بس أنا قررت لازم نمضی بروتوکول تعاون، "أرضی" ویشیر لنفسه وفریقہ ، "جوی" ویشیر للکابتن

کابتن جلال : إحنا بتوعک یا باشا، والمرة الجایة ه نطلب ۱۰۰ مليون دولار

فینصحہ مستر فای : الطمع یقل ما جمع

• عشان نختصر الوقت یا باشا خلینا نأمن مستقبلنا أوام أوام، بقی بذمتک حد إتعاون معاک زبی کده فی أى عملیة

• بصراحة، لأ، بس إنت لو حصل واتخطفت تانی ه یشکوا فیک إنت وه یبقى نهارک مش فایت، دا لو طلعلک نهار أصلاً

• ودی تقوت علیا یا باشا، أنا م ینفعش أکررها تانی، دی حتی تبقی مفقوسه

• أَمال هـ تعمل إِيه، هـ تطلع الدوبلير بتاعك ولا هـ تلبس طاقية الإخفا، فيجيبه كابتن جلال : إيه يا كبير، أنا هـ ديك مفاتيح الحل، فيسألُه عنها مستر فای (مبتسماً)

يحنى كابتن جلال ظهره ووجهه فى إتجاه مستر فای : يعنى، هـ اعزفك تتعامل إزاي مع أى طيار غيرى، وهـ أتابع معاك عن بُعد، وأديك الردود إللى مفروض تقولها بناء على رد فعل الطيار، وأوجهك إمتى تطلب قطع الإتصال بالبرج وإمتى تشغله، وكل الخبايا إللى تتجلك أى عملية ،

يعود كابتن جلال بظهره ويفرده بشكل مستقيم إلى الوراء مع ظهر الكرسى ويسترسل : لإن الغلطة بفترة يا باشا، وإنت دماغك دى غالية علينا، دا غير إنى أقدر أدرب لك الشباب دول، وينظر للشباب ويسترسل : كورسات تدريب أهه، ويرفع يديه قريباً من كتفيه

مستر فای (مبتسماً) : تدريبهم على إيه، الطيران !!؟  
فيرد كابتن جلال : لأ، القرصنة، أههههه، فيضحك الجميع

لم يكن أحد ليتصور أن كابتن جلال قد تأمر مع الخاطف، إذا" كانت محاولة نزوله بالطائرة فى البحر لتهديد الخاطف ما هى إلا تمثيلية كى يؤكد لرئيس الشركة وللجميع بأنه يحاول تخليص الطائرة بشتى الطرق من الخاطف وكان حديثه إليهم حديث خادع وحديثه مع الخاطف بالطائرة حديث مرتب ومتفق عليه مسبقاً بإستثناء ما خرج عن النص، وبالطبع أنيتا

يرن تليفون كابتن جلال فينظر للموبايل فيجد إسم ورقم والدِه على شاشة الموبايل، فلا يفتح الخط ويرفع رأسه فى ضيق ويتذكر ما حدث مع والده وهو يوبخه لضعف شخصيته منذ خمس سنوات، عندما وجه إليه والده نقداً لاذعاً وهو بفيلا والد جلال

(( ( والده : إنت إيه يا أخی، عُمرک ما هـ تعتمد على نفسك، إنت مالکش شخصية فيرد كابتن جلال : هو عشان مش موافکک فى رأيک يبقى ماليش شخصية، ثم يوبخه والده )))) وعلى ما يبدو أن تلك هى الإشارة التى أشار إليها السيد عطار ، ذلك المنجم بالبرنامج التليفزيونى عن تأديب للصغير، أى الإبن، أبو جناحين، كناية عن أنه طيار

مستر فاى : إيه مـ ردتش ليه

فيرد كابتن جلال (بتأثر) : لا، مكالمة مش مهمه

يرن تليفون هشام، فيفتح الخط : أيوه، أيوه، عقلة سبابة يمين

يضع هشام يده على سماعة التليفون ويسأل يحيى وريهام : عندنا

عقلة سبابة يمين، فيستقر يحيى من هشام : مقاس كام

هشام (لحىى) : ٢٨ فيرد يحيى بالنفى بينما تهز ريهام رأسها بالنفى

أيضاً فيرد هشام على المتصل ليخبره بعدم توافر طلبه

ينظر إليهم دكتور باسل وكأنما لم يعجبه الحوار ولا الرد، فليس ذلك ما

علمهم إياه، أين الدبلوماسية وأين أصول التسويق، فيشير لهشام أن

يعطيه السماعة فيناولها إليه، لنسمع الأستاذ نفسه وهو يعلمنا أصول

الحوار والتسويق

مستر فاى : مين معايا ويسترسل (مبتسماً) : دكتور بيتر، أهلاً!!!  
فينك من زمان، إيه فين لوطاتك الحلوة، دا إنت كت بتاخذ كميات،  
قصرنا معاك ولا حاجه، جالك طلب ناقص مرة، طحينة، سلطات، حد  
م الشباب زعلك، أه ،، طيب ،، بص ،، هو دلوقتى مفيش عقلة سبابة  
يمين،، تاخذ أكرة لانوس شمال ، ويتدارك فاى خطاه : إيببيبيبيبي تاخذ  
عقلة يمين وتعملها ظبط زوايا، فى عندك واد حلو أوى بتاع زوايا،  
إلى كابتن جلال بيظبط عنده الإيرياص بتاعته وينظر لكابتن جلال  
ويسترسل : مع إن الأكرة والعقلة بيعملوا نفس الشغلانة، الإيتين  
بيفتحوا، ع العموم ه نكتبه فى النواقص وأول ما بيحى ه نديك خبر  
علطول، ولا يكون عندك فكر بيتر حبيبي، وينهى المكالمه

ثم يلتفت مستر فاى إلى هشام (مبتسماً) : كده الكلام، ما تُقْطَمْش،  
مفيش حاجة إسمها معدناش، لازم تاخذ وتدّى، تعمل علاقات، تسيب  
الباب موارد ماتخليش الزبون يطفش ويدور فى حته تانية، فين الـ  
Marketing ، إيه، م خدتوش فى المعهد،

آه صحيح، وبيتسم إبتسامه عريضة ويسترسل : مايبترس ده، أكرة  
لانوس، و ، أه ، بس تعرف ياد يا هشام، الساوند سيستم إالى إنت  
عملته ده، جبار، كُت عشان أعلن خطف الطيارة والكام رساله إالى  
قبل م ننزل الماسكات دى، كانوا فى منتهى الصعوبة بقيت خايف حد  
يلاحظ حركة الموبايل مع الصوت

ينظر يحيى لمستر فاى : ه تقولى يا باشا، ثم ينظر يحيى لهشام  
ويثنى عليه : هشام دا جبار دى لِعِبْتُهُ مش وَصَلَك الموبايل واى فاى  
WIFI مع المكرفونات إالى إنت حطيتها فى إدراج الشنط بالطريقة بتاعته  
مستر فاى (مبتسماً) : بعد الماسكات بقه، كُت ب اتكلم براحتى،  
وخرجت ع النص كمان، أه، ماهو مش هو دا إالى المؤلف كان قايل  
عليه أقوله فى القصة

يحيى : بس إنت أستاذ بردو إنك قدرت تركيب كل المكرفونات دى لوحدك

فيثتى هشام على أستاذه : أمال أستاذ إزاي  
مستر فاى : أنا قصدت أركب الطائرة متأخر زى ما إتفقنا عشان كل ما أفتح درج الشنط إالى فوق ألاقيه مليون فاقفه تانى لحد م الأقى مكان فاضى، وطبعاً كل مره كُت أمد إيدى أثبت فيه ميكروفون صغير من إالى إداهولى الواد هشام

هشام : كلها كام يوم وبقى بنلعب بالملايين لعب  
مستر فاى (مبتسماً) : عندك حق، إحنا من حقنا نحقل بنجاح العملية يحيى : وإنت جيت فى جمل يا دكتور والله م أزعلك أبداً

### مقر عمليات الخاطف على حمام السباحة

يتغنى الجميع بأغنية (أحلام المليونيرات) مساءً بالجزيرة وحديقة الفيلا على حمام السباحة ووسط الأشجار، يتغنون عن أحلام كل فرد من أفراد فريق مستر فاى التى يريد تحقيقها بعد أن أصبحوا مليونيرات، يتغنوها بصحبة سعيد دليفرى، ذلك المطرب السابق الذى إنضم لفريق مستر فاى منذ حوالى سنة

### Song 3

مستر فاى وفريقه :

مليونيرات - مليونيرات - حتى سعيد

مستر فاى :

ورينى كدا الطلبات ، و راجعلى ، كدا ع الإيرادات  
وإفتحلى ، مخزن المجوهرات ، وورينى كدا الباسبورتات  
حددلى سعر الدماغ ، والكتف ، من غير دراع  
والقلب، من غير شريان ، وكمان ركبة ، من غير عضلات

وكمان مرة ، كومبو من غير سلطات  
مرة عُقلَة يمين ، وكمان مرة ونج شمال  
إدينى كمان طلبات ، إدينى إدينى  
وإبعثلى هدية لمستر وينج ، وهدية كمان ع الإيرباص  
حيلى كابتن نبيل ، وكمان الراجل الكبير  
حيلى كابتن نبيل ، وكمان الراجل الكبير  
ياسلام يا واد يا هشام ، ع دماغك والواى فای  
وانتى كمان يا ريهام ، سيستم بالساعة للمشوار  
وإلا ، الواد سعيد ، تقوله ، علطول يطير  
ويرجع بالفارغ ، يحمل ويطير  
يحيى ، إبنى الروحى ، نَزَل ، القط الضاحك ، وفص ملح وداب  
خلاص عاوز يتوب ، يقعد فى بيته ياكل فريك  
الفريق كله :

مليونيرات - مليونيرات - حتى سعيد

هشام :

وأنا ه أدى لنفسى الدكتوراه ، وأقعد أتجستن وأشرب ريحان

ريهام :

وأنا بقه ه أفتح مطعم ، شبابيكه من الطيارة ، وكراسى من  
الجيارة

كل زايينه ، من الناس المختارة ، وكمان ممنوع ، دخول الغلابة

سعيد :وأنا بقه ه أعمل أسطول

وأحتكر النقل من الهند لإسطنبول ، ومن الدنمارك ، لجنوب  
الجابون

ولا حد يضايقتى ، ولا يقدر ، حتى ينافسنى

يدفعه (يزقه) عادل بيده

الفریق كله :

مليونيرات - مليونيرات - حتى سعيد

یحیی :

التوبة التوبة ، التوبة التوبة

الفریق كله :

مليونيرات - مليونيرات - حتى سعيد

یحیی :

التوبة التوبة ، التوبة التوبة



فيرد مستر فاى على (كابتن جلال) (مبتسماً) : فُصْحى، يعنى أصلها بتفكر تهاجر مصر، ويمكّن، يمكّن تحتاح حد تعرفه، ف ااااا ، قلنا نعمل خير ونكسب فيها ثواب،، بت غلبانه

ينهض يحيى متحفزاً وهو (مبتسم) : لاااااا دى أكيد حاجه جامدة أوى!!!! هى لسه فى الطائرة ولا نزلت ، فيحجزه مستر فاى بيده بإبتسامته المعهودة : رايح فين دى نزلت خلاص، م إالى راحوا السفارة الأمريكية ، فيبتسم يحيى : م إنت لسه قایل إنها ألمانية

كابتن جلال (ليحيى) : م تخودش ف بالك يا يحيى بقى، عديها، دا الدكتور بردو، وبعدين حقه يا أخی، يومه كان مُتعب ومحتاج نريحه، مش كفاية عليه الكابتن إالى كان عاوز ينزل بيه فى البحر !!! قالها بسخرية

ينظر مستر فاى ليحيى ويغمز إليه فينظر يحيى لكابتن جلال : طب وإنت نزلت إزاي

فيرد كابتن جلال : أنا قتلهم الخاطف كلمنى وإدانى تعليمات أنزل من الطائرة وأحط إيدى الإبتين فوق دماغى وأنا قاعد أقول حااااضر حااااضر فى الإذاعة الداخلية بتاعة الطائرة

يحيى (لكابتن جلال) : يعنى شافوك نازل حاطط إيدك فوق راسك مستر فاى (مبتسماً) : لأ، أستاذ قديم، إنت خطفت طيارات قبل كده ولا إيه !!

كابتن جلال : لا، ب اشوف أفلام بس وحياتك مستر فاى (مبتسماً) : شوفت إيه ؟

كابتن جلال : رصيف نمرة خمسة، لما رشدى أباطة خطف الطائرة يحيى (لكابتن جلال) : رشدى أباطة مكنش فى رصيف نمرة خمسة، دا الزعيم هو إالى خطفها

يحيى (لدكتور باسل) : دا مش إحنا إالى بنلعب لوحدنا بقه يا باشا

هشام : نهارنا فل إن شاء الله، آه يا خوفى من آخرتها

مستر فاى : قول يا مسهل بس وسيبها على الله

فنزى الجميع يتناولون المشروبات على إختلاف أنواعها

النجوم جلية بالسماء ونسمات أكتوبر تهيم بالمكان، فلا مثل لها، يسند

مستر فاى رأسه على الكرسي وينظر لتلك النجوم المتألقة بالسماء

فيخاطبه يحيى : شكلك سرحت فى ذكرياتك يا دكتور،

يعود مستر فاى برأسه للخلف ويغمض عينيه ويأخذ نفس عميق ويفتح

عينيه قائلاً : أنا طول عمرى كنت متفوق فى الكمبيوتر والقرصنة،

وكثير كنت ب ادخل على كمبيوترات زمائلى وإصحابى، وقليل أوى لما

كنت أقول لحد منهم، ولما كانوا يعرفوا كانوا يتجننوا أنا ب اعمل كده

إزاي

يحيى (الدكتور باسل) : وكُت بتلبس الفانلة السودا إالى فيها دايرة

وسهم دى بردو وإنت بتتقرصن عليهم، فيبتسم مستر فاى قائلاً : لحد

ما الفاس وقعت فى الراس، و يضحك ضحكة قصيرة ويسترسل : كان

يوم مهيب

فيسأله هشام كيف كان ذلك فيجيبه مستر فاى : إتجست على شركة

كت بتتعامل معانا وساعتها الشيطان لعب بدماعى والفلوس عمتنى،

طلّعت أسرار الشركة لشركة تانية

سعيد دليفرى (بسداجة) : وقبضت التمن ؟

مستر فاى (مبتسماً) : لأ، عملتها زكا، ب أقولك الفلوس عمتنى، تقولى

قبضت التمن، لو أعرف إن دا مستوى ذكائك م كُتِش شَعَلَنَك معانا ،،

ينظر مستر فاى لباقي المجموعة مسترسلاً بإبتسامته المعهودة : مين

إلى عمل إنترفيو interview للواد ده

الحضور : بس يا سعيد ، بس يا سعيد

فتنظر ريهام (السعيد) وتخبه على جنب بصوت خافت : صدقت بقى،  
كويس إنك صالحت يحيى وإلا كان خدها حلوانه ف سلوانه، إسكت  
أسكت دا كان ه يجييك إعدام، فيبرق سعيد بعينيه شاخصاً نظره  
دكتور باسل (مستر فاى) (مبتسماً) : والشركة دى كت بتاعة حد  
كبير، كبير أوى، ولما جندوا عدد كبير من الخبرا فى الكمبيوتر ،  
ينظر مستر فاى للجميع واحداً واحداً ثم يسترسل : إدروا يوصلولى  
ريهام : وبعدين يا دكتور

مستر فاى (مبتسماً) : لأ، ودى فيها وبعدين، واحد قفشوه بيعمل  
هاكينج ويبسرب معلومات مهمة، ه يعملوا فيه إيه !!  
فترد ريهام (بحسن نية) : أيوه يا دكتور، يعنى عاوزين نعرف عملوا إيه  
معاك يا دكتور ؟

فينظر مستر فاى للجميع واحداً واحداً وينظروا إليه منتظرين الإجابة  
بشغف فيجيب (بحرج) : مصممه يعنى !! يهز مستر فاى رأسه ولا  
يرد

فينظر إليه يحيى متعجباً : يكونوش !!! وينظر يحيى لمستر فاى  
ويهز رأسه بخبث مبتسماً ويلف أصبع السبابة بصورة دائرية  
فيرد مستر فاى (بحرج وإبتسامه) : لا لا ،، مش إالى فى دماغك  
يحيى : أمال حصل إيه ؟؟؟

مستر فاى : عينك م تشوف إلا النور مجلس تأديب ،، وو ،،،،،  
وأجبرونى أقدم إستقالتى، لكن الحقيقة كان فى زملا وقفوا معايا  
مانساهمش أبداً، دكتوراه عايدته، دكتوراه عايدته كانت أكثر واحدة وقفتم  
معايا، ياما نصحتتى وحاولت مع مجلس الإدارة يغيروا قرارهم، بس  
الحقيقة، ويسترسل مستر فاى (بابتسامته التى لا تغيب عن وجهه) :  
إظهار إن إالى أنا عملته كان كثير

((وعلى ما يبدو أن تلك هي الإشارة التي أشار إليها السيد عطار ،  
ذلك المنجم بالبرنامج التلفزيونى عن تأديب الكبير، أى دكتور باسل))

يحيى : واضح إنك طينت الدنيا يا ريس

مستر فاى : يعنى ويسترسل : أهى دكتور عايدى دى، كانت بطلة  
شطرنج، فيرد يحيى : إيه،كسبت بطولة النادى ولا الحته إالى كتوا  
ساكنين فيها ؟؟

• لأ، نادى إيه يا واد يا يحيى، دى عقبال عندك بطولة الجمهورية،  
ودخلت بطولة العالم وخسرت فى النهائى من بطل روسيا المصنف  
رقم واحد ع العالم

• آه ،، فيشر !!!

• وإنت تعرفه !!!

• طبعاً كُت ه الاعبُه يا أستاذ

• إزاي،، وإنت بتلعب شطرنج ؟؟؟

• لا، م أنا خت بطولة العالم فى الطاولة

• ودى علاقتها إيه بالشطرنج !!!

• لا ولا حاجة، قالوا بطل العالم فى الطاولة يلعب بطل العالم فى  
الشطرنج، متش طاولة ومتش شطرنج

• طب وم لاعتبوش ليه مش يمكن كُت غَلْبْتُهُ فى الطاولة ع الأقل

• لا، م قالولى إنه ببسر كل يوم فى قهوة الواد زيزو وه يغلبنى فى  
الطاولة بردو

• جدع، دكتور عايدى بقه، كانت ذكية وواثقة من نفسها مش زيك كده  
ياد يا يحيى، مستطرداً (برومانسية) : كانت ذكية جداً، وجدعة  
جداً، ولَمَاحَة

فينظر يحيى للدكتور ويقول بإبتسامه خبيثة ليكمل له ما نوى أن ينطق  
به : جداً

یہز مسٹر فای رأسہ بالإیجاب وهو مبتسم مسترسلاً : وتاخذ بالها من كل حاجة، ومفیش حاجه تفوتها أبداً

ینظر یحیی للدكتور محتفظاً بإبتسامته الخبیثة : بس واضح إنها بتعزک اوی ویسترسل : واینت کمان

فیضحک مسٹر فای ضحکة خفیفة : وأنا کمان إیه یاد، یا نهار

یحیی (مقاطعاً) : واینت کمان بتعزها

• بس یاد

• طب لما یعنی فی کل المعزة دی معرفتتش تأثر علی مجلس الإدارة یغیر قراره لیه یا أستاذ

• والله بالرغم من إن الموضوع کان ممکن یعدی بطريقة أسهل من كده بلفت نظر، إیییییه، إیقاف، خصومات، بس مش عارف إیه إلی سخن الموضوع ووصله لدرجة إجباری ع الإستقالة دی، زی ما یكون فی حد کان عاوز یزقنی بره

• حصل خیر یا دكتور دا إنت حتی دایماً تقول كده

• تعرف یا یحیی، إلی إنتوا م تعرفوهوش، إن بعد الإستقالة بشهر واحد، كنت ب أبتدی فی الشغل إلی إحنا ماشیین فیہ دلوقتی ، فتتداخل ریهام بالحديث :

مجهودك یا دكتور

مستر فای : لأ

ریهام : لأ، إزای؟؟

مستر فای : أنا لقیت حد بیکلمنى وهو إلی بدأ یوجهنی

یحیی : ودا مین دا إن شاء الله

مستر فای : لا، م تسألنیش لانی لحد دلوقتی م اعرفش هو مین

ریهام : یعنی فی راجل کبیر زی م بنشوف فی الأفلام، ودا مین بسلامته، فیشیر مسٹر فای بیده لأعلى

ريهام : فوق !! فوق فين !! فى الطيارة !!  
فيضحك مستر فاى : بأقولك العلم عند الله  
يحيى : أتارى، ساعات كُت أقولك مستر جاك بيتأخر علينا فى الدفع  
، كُت تقولى دى أوامر عُليا ولازم تتنفذ، يعنى دى كت أوامر الراجل  
الكبير

فيهز مستر فاى رأسه لتحت وفوق مرتين بالإيجاب ويسترسل يحيى :  
والإيتين إالى نزلتهم م الطيارة من شوية وركبتهم عربية غير الباص  
إالى خد الأمريكان، فيهز مستر فاى رأسه بعلامة ليس لها معنى سواء  
بالإيجاب أو السلب، لم يفهم منها يحيى شيئاً ، فيرد مستر فاى :  
عديها دى يا يحيى

فيسترسل يحيى : ودا بياخد نصيبه إزاي فى العمليات إالى إحنا  
بنعملها يا دكتور

مستر فاى : م تفتكروش إنه بعيد عن إالى إحنا بنعمله، أول ما  
إشتغلنا كلبنى أفتح أسواق نصرف فيها الأعضاء والجثث والناس إالى  
ه نخطفها، لكن كان بيدي توجيهات وأحياناً أسماء نتعامل معاها  
بعينها فى بعض الدول، يعنى م نقدرش نلعب من وراه هو بياخد حقه  
أول بأول

يحيى (متعجباً) : ياه

مستر فاى : بس التجربة علمتنى

يحيى : علمتك إيه يا باشا

مستر فاى (مبتسماً) : علمتنى إنى أشتغل لحساب نفسى، يعنى مفيش

مانع نعمل سبوية صغيرة كدا من وراه،،، وأهه طورنا نفسنا ووصلنا

للمستوى إالى أنتوا شايفينو ده ويسترسل (بسخرية) : ما هو دا "تطوير

الأداء" إالى بتسمعو عنه فى الكتب developalization

يحيى : بس ماسمعناش عنها قبل كده يا دكتور

مستر فای (مبتسماً) : ولا أنا

یسترخی یحیی علی الكرسی وکأنما خطر بباله إسترجاع الماضي كذلك كما فعل أستاذة دكتور باسل : أنا بقه، بعد م جهزت مشروعی وعرضته علی الدكتور بتاعی فی مادة البرمجة، أخذه منی وقدمه بإسمه وبقيت شایف مشروعی بینتقدم بإسم حد تانی ادام عینی فیعلق مستر فای (مبتسماً بسخریة) مؤنباً یحیی الذی یعتبره ابنه الروحی: الكوبليه ده كان عاوز مزیکا حزینی، هات یاد یا عادل الكمنجة وإضرب بحیره البجع لهیتشكوك، وإنت یاد یا یحیی، عید تانی كده إلی إنت قلتة،،، یا عم م إنت قلت الكلام ده مليون مرة قبل كده، لازم تتكد علی نفسك وعلینا وع الناس دی کلها،

ویشیر علی الجمیع بیده ثم یمد مستر فای یده ویریط علی كتف یحیی بمودة وعطف : ولا تَزَعَلْ نَفْسَكَ یمكن خیر، لولا كده م كُتِش وصلت للی إنت وصلتلہ دلوقتی، دا إنت مفروض تروح تشكره یا یحیی

• وهو أنا راضی عن نفسی یا دكتور، دا إحنا بنسرق

• یا دی النیلة، إنت ه تقلبها نكد لیه، م تسیننا نفرح شویہ، ویسترسل

مستر فای (لعادل) : هات یابنی الشیثة دی

یقتررب عادل من مستر فای ویضع الشیثة أمامه فیقتررب برأسه من رأس مستر فای

مستر فای (لعادل) (بصوت جدی خافت) : شكلك كت عاوز تقول حاجه

• آ یا دكتور

• قول ما تتكسفش، إنت عارف أنا ب أعزك أد یره

• بحیره البجع مش بتاعة هتشكوك یا ریس، قالها (بصوت خافت)

• مستر فای (بصوت خافت) : أله، أمال بتاعة مین ؟

• بتاعة شریف عرفه یا باشا

يسحب مستر فاى نفس من الشيشة ويُخبر عادل (بصوت خافت) :  
طب كويس إنك قولتلى قولى بقه، ثم يسحب نفس آخر من الشيشة  
ويسترسل : عملت زى ما قُلتك مع الركاب

عادل : تمام يا دكتور، بس حكايتهم إيه الإيتينن إللى نزلوا فى الآخر  
دول يا دكتور

ينظر إليه مستر فاى نظرة ثاقبة وكأنما يريد أن يقول له "لا تسأل"  
ولكن بلطف فهو مقرب إليه وله معزة فى قلب مستر فاى ويبادلُه عادل  
نفس المعزة، فيرد عليه مبتسماً : ما تسألش كثير، ثم يسحب نفس من  
الشيشة ، ومن ثم يُطِئُه مستر فاى (بلطف) على السر الذى أخفاه  
على الجميع : لا، دى شوية كبد وقوانص على ما أُنتم، بس ما تجبش  
سيرة لحد

فعلى ما يبدو أنها سبوية خاصة بمستر فاى قد يكون إتفق على  
صفتها منفرداً بعيداً عن تعليمات رئيسه (الكبير)

### بمقر وكالة فاى وبديقة الفيلا

حيث مستر فاى مع تلميذه يحيى وسط الأشجار

- إيه إللى خلاك تقول كده وإحنا قاعدين يا يحيى
- الهَم يا دكتور، والله أنا مش مبسوط الحلال طعمه حلو والحرام  
طعمه وحش يا دكتور
- إنت نسيت طموحك إللى م كنلوش حدود، كان طول عمرك عاوز  
تكون غنى وكان ليك كلمة مشهورة أنا فاكرها كويس، تحب أفكرك  
بيها، فيرد يحيى :
- "إن إللى يتحكم بالتكنولوجيا، من حقه يتحكم فى العالم"

• وبعدين إحنا بناخد بمجهودنا إلیی م قدرناش ناخده بالعدل ،، قالها مستر فای وهو يهز رأسه بالإيجاب ،، ينظروا إلی هشام بالحديقة حيث يجلس مع الآخرين يتبادلون الحديث بينما يشوون جدی على النار ويسترسل مستر فای : یعنی هشام زميلك إلیی م تعينش فى الكلية عشان مالوش ضهر، بالرغم من إنه كان الأول ع الدفعة وجايب إمتياز ولا ريهام إلیی ،،،،

يحيى (مقاطعاً) : دكتور إنت بس بتبرر إلیی إحنا بنعمله، مش معنى إننا إنتظلمنا إننا نبرر لنفسنا الجُرم إلیی إحنا بنعمله ،، يستقبل مستر فای كلمة يحيى القاسية (بجدية ولطف) : جُرم !!!!

تسود لحظات من الصمت بين الإثنین بينما يسيرون بحديقة الفيلا الكبيرة ثم يلتفت يحيى لأستاذة : دكتور، دى آخر عملية ليا فينظر إلیه أستاذة (وبمنتهى الود) : أنا م اقدرش أغضب عليك لو كان دا ه يريحك ويضع مستر فای يده اليمنى على كتفه (مبتسماً) : أنا ه ابقى مبسوطلك

يرى الإثنان الفوطه الصفراء على زجاج الطائرة الصغيرة الخاصة بسعيد دليفرى وهو نائم على المرجحة بالحديقة فيبادر (مستر فای) بإبتسامته : إيه الواد سعيد حاطط الفوطه الصفراء ع الطيارة ليه يحيى : إظهار مش طالع

مستر فای : ولا أفنعتة يتوب هو كمان !!!! يخرب عقلك مش ه يفضلى حد ياد يا يحيى ، ويضحك الإثنان بينما يسيرون فيسترسل مستر فای : أهو تعرف الواد سعيد ده، كان مطرب، بيتسم يحيى فينظر إلیه مستر فای مسترسلاً : أيوه مطرب، قابلته فى ملهى فى تايلاند، لقيت فيه المواصفات إلیی أنا عاوزها، حلنجى، بيتكلم كويس، وفوق ده وده، مايسبش حقه، مره كان ه يموت واحد عشان رغيف عيش،

ليه علاقات بناس كثير من طبقته، عاوز ياكل عيش، بيدور على سكة أكل العيش بملقاط،

الأهم من دا كله، بيتكلم لغات أسيوية، وأنا كنت عاوز أفتح أسواق جديدة، وفي نفس الوقت بيتكلم عربى كويس أقدر أتواصل معاه، أمه مصرية وأبوه هو إالى تايلاندى وإسمه الحقيقى ساتين، وأنا إالى سميته سعيد، بيتسم يحيى وينظر إليه ويسترسل مستر فاى : ب اقولك إيه أنا مش عاوزك تعرّف كابتن جلال أى حاجه ولا أى خيط للعملا إالى بنشتغل معاهم

• أوامرك يا بوس

يتبادل الإثنان النظرات وكأنما يريد يحيى أن يسأله عن السبب، إلا أن يحيى دائماً ما يثق بما يفكر به أستاذه فلا يجد ضرورة مُلِحَة فى السؤال، إلا أن أستاذه يفهم تلك النظرات، فيفهمه ويجيبه دون أن يسأل : يعنى، محدش بيضمن حد فى الزمن ده يا يحيى، وأديك شايف، هو بتاع مصلحته، مصلحته وبس، يعنى النوع دا م تاملوش

• بس إنت قدرت توصله إزاي يا أستاذ، وإزاي جه فى دماغك تَضْمُهُ للفريق بتاعنا

• أنا م ضمتوش ولا حاجه يا يحيى، دى تعليمات جاتلى من فوق

• من الراجل الكبير !!! فينظر إليه مستر فاى مبتسماً إبتسامة عريضة ويهز رأسه بالإيجاب تصديقاً لكلامه قائلاً : حتى الراجل الكبير قالى إنها أوامر جايله من فوق، فوق فين، الله أعلم، يمشى الإثنان سوياً بإتجاه الفيلا إالى حيث يوجد الآخرين، وفجأة يصرخ سعيد :

• " مش ممكن " وكأنما أصابه كابوس

يحيى : فى إيه ياد يا سعيد

سعيد : سينما بتعرض خطف الطيارة زى الموقف إالى إحنا فيه دا بالظبط، ولا أما أكون قاعد فى السىما وبأشوف الفيلم ع الشاشة يحيى : وبعدين يا سعيد

سعيد : لقيتلك المنتج والمخرج والمؤلف قاعدين فى الصف إالى أدامى، ولقيتلك المنتج بيتريق ع المؤلف وع المخرج بلكنته البورسعيدى الجميلة : إيه أم الحكاية إالى مش عاوزه تخلص ديا، هو مفيش حد عارف يحزر أم الطيارة دى ولا إيه، أمال فين أدهم باشا، مش عارف يمسك ولا خيط م إالى جوله ع الجاهز دول، بقى كل الخيوط إالى عنده دى ومش عارف يوصله، دا لو كان كرومبو كان فور القضية وحزر الطيارة، ولا عم فاى دا ه يتتو خاطفها كده وأنا عمال ب أتع إيجار الطيارة كل يوم، فى إيه ياااا عم المؤلف، مفيش حل ولا إيه، ولا تكونوش عاملين حسابكوا تقجروا الطيارة وأدفع أنا تمنها، وينظر للمؤلف وللمخرج شذراً، شوفوا يكون فى علمكوا، كلها عشر دقائق، لو الموضوع دا م إتطش، أنا ه يبقالى تصرف تانى معاكوا

يمر كشاف النور بالسينما ويطلب الهدوء من المنتج محذراً إياه بإخراجه من القاعة

مستر فاى : الله يطمناك يا سعيد، دا حلم تقوله فى وشى، طب لو كمالته جاتك بكره وطلعت وحشه، إبقى خليها فى سرك وما تقولهاش سعيد : ولو طلعت حلوه يا دكتور  
مستر فاى : إبقى فرحنا

**فيلا والد كابتن جلال - قائد الطائرة**

يطرق أدهم بيه باب الفيلا الفخمة فتفتح له الخادمة

هى إحدى الأبواب التى يتتبعها أدهم بيه لعله يصل لشيئ قد يفيد به بشأن كابتن جلال قائد الطائرة، ذلك الشاب الذى حاول النزول بالطائرة إلى قاع البحر فى تصرف نادر للتعامل مع خاطف طائرة يدعو حتماً لمعرفة هذه الشخصية الغريبة (العنيدة)

أدهم بيه : فريد بيه موجود

فترد الخادمة : فى إنتظارك يا فندم

ترافقه الخادمة ويتبعها عبر المدخل الفاخر ويقابلهم فريد بيه مرحباً به:

• أهلاً أدهم بيه

• أهلاً فريد بيه

يشير فريد بيه لأدهم بيه بيده اليمنى فى هدوء دون أن ينطق ويتوجهها إلى غرفة الصالون ، وحيث يتناول مقدم أدهم كوب شاي بالصالون يتبادلا الحديث

• يعنى لسه م وصلتش لحاجه يا سيادة المقدم ؟

• إحنا مكثفين البحث فكل الإتجاهات وإن شاء الله ه نوصل

• إمتى بس ،، قالها فريد بيه (بقلق)

• م تتساش إن الطيارة لسه مخطوفة إنهاردة الصبح، مش عاوزك

تقلق خالص، ويتناول مقدم أدهم رشفة من كوب شاي ويسترسل :

الحقيقة دكتوراه عايده عمته، كمان، كانت قلقانة عليه أوى

• عمته !! من إمتى عمته تقلق عليه، دى عمرها م حَبَلْنَا الخير ،،

هكذا كان إنطباع فريد بيه الذى علق (باستغراب)

• ليه يا فريد بيه ؟

• عندها إعتقاد من ١٥ سنة إنى أخذت ميراثها هى وإخواتها

• وإيه دخل دا بقلقها عليه، الحقيقة قابلتها ولقيت فيها إنسانية غريبه

• إنسانية !! زى م تكون بتكلمنى عن حد تانى يا سيادة المقدم

تَدْخُلُ والدة كابتن جلال أثناء الحديث، سيدة بيضاء في أوائل الخمسينات ولكنها تظهر كما لو كانت أصغر سنًا بكثير وتتحدث مباشرةً : لِإِنْ عُمْرُهَا مَا زَارْتَنَا ،،، فينهض مقدم أدهم ويصافح والدة كابتن جلال والتي تسترسل : أَنَا والدة جلال

• تشرفنا يا هانم

نرى الجميع جالسين فتسترسل والدة كابتن جلال : ومش بس كده يمكن فريد إتحرج يقولك إنها هددته هنا في البيت ده من أكثر من ١٥ سنة

فيتعجب أدهم بيه : هددته بإيه يا هانم

• حِلَفْتِ لتحرق قلب فريد عليه وهي عارفه إن جلال ابننا الوحيد

فريد بيه : وحلفت إنها ه تَرَجِّع كل قرش ب تعتقد إني أخذته بدون وجه حق

أدهم بيه : وكابتن جلال أخبراره إيه معاكوا

فريد بيه : الحقيقة جلال على خلاف دايم معانا من أكثر من سنة ومتغير خالص، بس بالرغم من كده، هو إبنى إللى لازم أخاف عليه  
أدهم بيه : شكرًا يا فريد بيه ، ويضع أدهم بيه فنجان الشاي على الترابيزة ويسترسل : ممكن أطلع أشوف أوضته

يصعد الثلاثة غرفة كابتن جلال ويبدأ كابتن أدهم بالبحث بالغرفة

فريد بيه (بضيق) : سعادتك ب تدور زى ما يكون إبنى متهم !! دا إبنى هو إللى مخطوف !!!

يرد أدهم بيه بجدية بينما يبحث بالغرفة دون توقف يفتح دواليب وأدراج وينظر هنا وهناك : لا أبدأ يا فريد بيه لو كان متهم كنا جينا فِتشنا بصورة رسمية ،، وينظر إليه بجدية مسترسلًا : أَنَا ب ادور بصفة شخصية عشان مقام سيادتك ،، ويحول نظره لوالدة كابتن جلال مسترسلًا : والهانم طبعاً

يفتح درج مكتبه فيجد ألجوم صور فيفتحه، فيجد صور من بينها صورة دكتوراه عايدته وسط عدد من الأشخاص يبدو عليها أنها صور عائلية أدهم بيه : إيه الصور دى

فريد فريد بيه (بتعجب) : دى صور عمته وولاد عمته وف أماكن مختلفة !!! ينظر فريد بيه إلى زوجته (بتعجب) : دى صور حديثة !!! أنا أول مره أشوف الصور دى، هو من إمتى بيخرج ويسافر معاهم !!!

والدة كابتن جلال (بضجر) : إظهار إبنك بيتصرف من ورانا ومحدث بيعرف هو بيروح فين، ولا بيسمع كلام مين أدهم بيه : شكراً فريد بيه ، شكراً يا هانم يتوجه الثلاثة إلى الصالة بمدخل الفيلا ويسلم فريد بيه على أدهم بيه بيده

والدة كابتن جلال (بهدهوء وتأثر) : يا ريت تطمنا أول م توصل لحاجه يا سيادة المقدم ، فينظر إليها مقدم أدهم بينما يربط بيده اليسرى على يد فريد بيه وتأثر يقول : تابع أخبار موسوعة جينيس خلال الست ساعات الجايبين، أكيد، أكيد، ه تلاقى حاجة

ويتوجه أدهم بيه عبر الصالة إلى الخارج، بينما يقف فريد بيه ينظر لزوجته بإستغراب بأمن الدولة

نجد أدهم بيه ممسكاً بدوسيه ويتوجه عبر الكوريدور الهادئ إلى مكتب اللواء شاعر مساء يوم الإختطاف ويدخل قائلاً : تقرير خبير الأصوات بالطب الشرعى بياكد إن الصوت إلى كليم مسئول الصيانة فى المطار هو هو نفس الصوت إلى إتصل بمستر فاى يا شاعر بيه • وهو مين يا حضرة الطابط ،، تساءل اللواء شاعر

فيشير أدهم بيه على الورقة أمام اللوا شاكِر، فتبدو الدهشة على وجه اللواء شاكِر والذي ينطق (مندهشاً) : مش معقول !!!!!!! \*\*\*\*\*  
تعالى معايا، عندنا إجتماع مع سيادة الوزير ويتجهوا مسرعين نحو الباب

### غرفة الإجتماعات الكبرى بمقر أمن الدولة

حيث عدد من الضباط من كبار الرتب يجلسون بغرفة الإجتماعات الكبرى فى حضور وزير الداخلية وعدد من الضباط واللواء شاكِر وأدهم بيه يراجعون البيانات الواردة من جهات أخرى واللواء شاكِر يشرح على الشاشة :

- آخر تحريات سيادة المقدم أدهم بتأكد إن شوكت بيه مدير أمن شركة الطيران متورط فى عملية الإختطاف، وكمان قدرنا نط إيدينا على المكان بالتحديد،

كل التحريات إالى قام بيها مقدم أدهم الدندراوى المكلف بالعملية مع فريقه هنا ومن موقع الأحداث بتأكد إنه هنا بالتحديد، ويشير بعصا بيده على جزيرة بالخريطة على الشاشة، مسترسلاً : فى الجزيرة دى، ولحظة الهجوم ه تكون إنهاردة، علشان نحقق عنصر المفاجأة وزير الداخلية (بوقار وهدوء) : مش عاوزين أى غلطة يا رجاله عملية الطائرة مسمعه عند القيادة السياسية، كل واحد عارف دوره كويس، وه تبقى حاجه كويسه إنكوا تنفذوا العملية بنجاح فى أقل من ١٢ ساعة، على بركة الله

ينتهى الإجتماع وينصرف الحاضرين ويعود اللواء شاكِر لمكتبه وبصحبتة أدهم بيه، ويكون فاضل بيه فى إنتظاره وبمكتب اللواء شاكِر

فاضل بيه : خير يا أدهم بيه إتصلت بيا !!!! وليه أكدت عليا م اجبش شوكت بيه معايا، و إني م اديلوش خبر بالمقابلة دى !!!  
الموضوع مهم و ف غاية السرية، ويميل اللواء شاكرا برأسه ناحية فاضل بيه وينطق الجملة التالية كلمة كلمة، بسكوت ثانية واحدة بين كل كلمة والتي تليها : إحنا،، حطينا،، إدينا،، على،، خيوط،، الموضوع،، كلها،، ثم يعود اللوا شاكرا بظهره إلى الخلف قليلاً ويسحب علبة السجائر من على المكتب ويخرج سيجارة ثم يميل برأسه ناحية فاضل بيه مرة أخرى ، ويسترسل قائلاً كلمة كلمة ببطء شديد :  
والمفاجئة،، إن،، شركتك،، مخترقة،، يا،، فاضل،، بيه  
فاضل بيه (مندهشاً) : تقصد شوكت بيه ؟!!! ،، فيhez اللواء شاكرا رأسه بالإيجاب

أدهم بيه : بالظبط، هو زعيم المخطط دا كُله وهو نفسه الرجل الكبير  
فاضل بيه (مندهشاً) : مش ممكن !! دا أنا مديله كل الصلاحيات !!  
أدهم بيه : وم تغيرش أى حاجه لحد م العملية تتم، عشان ما يحسش بأى تغيير

فاضل بيه : وياه إالى مطلوب منى دلوقتى  
اللواء شاكرا : ماتعرفوش أى معلومة جديدة، هانت خلاص، كلها ساعات

يتحدث اللواء شاكرا بالتليفون : أيوه، إحنا نسقنا مع السلطات عندك وبلغناهم إننا ه ننفذ العملية إنهاردة، هما ه يقدمولكوا كل المساعدات اللوجيستية إالى ممكن تحتاجوها فى الهجوم على الفيلا، ه تقبضوا عليهم وتطلعوا بيهم بالطيارة مباشرةً على مطار القاهرة

أدهم بيه : إسمحلى يا فندم أنا شايف معاليك إننا ممكن ندى نفسنا مهلة ٢٤ ساعة بس

• ليه يا سيادة المقدم

- نحاول نرجع بعض الأوضاع لنصابها يا فندم، الإرهابى إالى إسمه دكتور باسل ده، ممكن يكون بإيده يصلح بعض الأوضاع قبل ما نقبض عليه، ودا ممكن يشجعه، وهو مش تحت قبضة العدالة، وم تتساش معاليك إنه ممكن يقاوم قواتنا بالسلاح ودا وارد، وفى الحالة دى مانضمنش ممكن يحصل إيه، إحنا مش عاوزين نموته، إحنا عاوزين نوصل لقنوات إتصالة جوه البلد وبراهها
- يعنى تفتكر يا أدهم إنه فى إيده يرجع سجين المافيا مثلاً، لا، لا، مفتكرش ويسترسل : الوقت متأخر أوى يا أدهم إحنا بلغنا معالى الوزير، يفكر اللوا شاكر بعمق ويتبادل النظرات مع مقدم أدهم ثم يسترسل : أنا ممكن أديك ساعة واحدة، ساعة واحدة بس على مسؤوليتى الشخصية يا أدهم، إتصل بيه وشوف رد فعله إيه

### مقر وكالة فاى - الفيلا الأنترية

- مستر فاى جالس مسترخياً واضعاً قدميه على الترابيزة وحوله عدد من فريق عمله ثم نسمع موبايله يرن فيفتح الخط مستقبلاً صوت المتصل وإذا هو أدهم بيه والذى لا يعرفه دكتور باسل، فيبادر أدهم بيه : أيوه يا دكتور باسل، فيبدو الإنزعاج على وجه مستر فاى فيسترسل أدهم بيه : ولا تحب أفولك مستر فاى ولا الأستاذ زى م تلامذك م بينادوك
- يزداد وجه مستر فاى إنزعاجاً ويُنزل قدميه من على الترابيزة ويعتدل فى جلسته ويرد (باستغراب) : إيه ماسمعتش بقول إيه
  - أيوه يا دكتور باسل إحنا عارفين إنت فين
  - إنت جايز عرفت أنا مين لكن ماتعرفش أنا فين، طب أنا فين ؟
- يجلس أدهم بيه بثقة و لا يرد ،، يسترسل مستر فاى : ولا يُمكن تعرف أنا مين كمان، أنا متأكد إنى ماسبتش أى أثر

- إنت مش كنت أستاذ فى المعهد العالى لتكنولوجيا المعلومات ، يبدو الإندهاش على قسامات وجه مستر فاى ويبدأ العرق يتصبب من جبينه ، فيباغته مقدم أدهم بمعلومة أخرى : يحيى معاك؟؟

لقد أصابت المعلومات التى أدلت بها دكتوراه عايدته فى تتبع تلك الخيوط وإنهمرت عليه المعلومات بغزارة وأخيراً أتت بثمارها التى هزت كيان وثبات دكتور باسل أو مستر فاى أو الأستاذ كما يلقيه تلاميذه أحياناً كما يباغته أدهم بيه بمعلومة أخرى وهى معرفته بيحى، أى أنه لا يعلم فقط بالأستاذ بل بفريقه أيضاً،

فهل هى بداية النهاية لمستر فاى وفريقه أم أن دهاء مستر فاى سوف يُذهب تلك الجهود سدى، وهل يتغلب عليها بتصرفات دفاعية سريعة!!!! تليق بعقليته الجبارة فى الدهاء والتخطيط والتنفيذ

يرد دكتور باسل (مستر فاى) (منزعجاً) :

- إيه ؟!!!! إنت عرفت المعلومات دى منين
- مايصحش تشك فى قدراتنا كده يا دكتور، هو مفيش حد يفكر ويخطط ويدبر إلا إنت !!! دا شغلنا بردو، وأفكر إحنا بنقوم بيه كويس، مش كده بردو
- كده

- لسه عاوز تعرف إنت فين، أصل أنا أحب المفاجآت، عشان ماتتعبش نفسك وتجهز السخن والصاقع ويستترسل ضاحكاً : دا غير المقلى والسلطات وبابا غنوج وماما غنوج طبعاً عشان م تزعلش، نطب عليك فجأة عشان مانتعبكش، ونبقى ضيوف خفاف خفاف، نيجى ناخذكوا ونمشى علطول، يبدو القلق واضحاً على وجه مستر فاى ولا يرد فيستترسل أدهم بيه (بهدوء) : شوف إحنا عاوزين نريحك وتريحنا،

ويسترسل (بنرفزة) : إحنا نقدر ندخل نجيبك، ثم يتحول مقدم أدهم إلى الهدوء مرة أخرى : شوف ،،

لايزال القلق والترقب يخيم على وجه مستر فاى، الذى ينتظر ما سيمليه عليه المقدم أدهم ، فعلى ما يبدو (ولو مؤقتاً) فإن الدفة قد إنقلبت وأن لمقدم أدهم أن يتحدث بلغة الوثائق الذى يعطى الأوامر وعلى مستر فاى أن يستمع ويُنفذ فقد قاد مستر فاى الدفة منذ خطف الطائرة وكان مقدم أدهم مستمعاً ولكن قد تغيرت الأمور على ما يبدو . أدهم بيه (بهدوء) : أنا ه اعمل معاك صفقة العمر، ويسترسل (بنرفزة) : إلى ممكن، تتجيك من حبل المشنقة

مستر فاى (بسخرية) : طب إترفرت تانى ليه، ما تثبت على تون واحد

أدهم بيه (بهدوء) : إنت تسلّم ماركو فرنانديز للسلطات المكسيكية، ويسترسل (بنرفزة) : لأنه بيشكل خطر على الحكومة المكسيكية والأمريكية كمان، ثم يسترسل (بهدوء) : فدا لازم ترجّعه  
مستر فاى (بجدية) : بس ماركو مش فى إيدي دلوقتى ويسترسل (برومانسية وهدوء) : أنيتا بس هى إللى فى إيدي، ودى أعلى حاجة أقدر أقدمهالك

أدهم بيه (بنرفزة) : إتصرف، ومن ثم يسترسل (بهدوء) : زى ما تكتكت وهربته، تكتك ورجعه، وكمان ترجع آخر كبدتين بعثهم لدكتور جونسون، آخر حاجه، الخمسين مليون دولار تشتري بيهم نفسك إنت والمجموعة إللى معاك لإننا لو خدناك م افتكرش ه تشوف النور تانى، إنت م بتردش ليه؟

مستر فاى (بسخرية) : أنا مستنى تَعَلَى بالتون تانى، م إنت جملة ع الواطى وجملة ع العالى، دا إنت ه تطلع روح مهندس الصوت لما نيجى نعمل القصة دى فيلم،

مش ه يعرف يعمل معاك إيه ساعتها، لازم أسأل الجمهور إن كان سامع كويس ولا لأ، ف أنا مستنى تَعلى بالتون وتَخَلص الكلمتين بتوعك

أدهم بيه (بنرفزة وصوت أعلى) : قدامك ٣٠ دقيقة وتبلغنى عملت إيه، تقدر تستعين بصديق، مغيش حذف إجابتين، ومغيش تغيير فى الطلبات، و م عندكش أى فرصة للهروب ، ويسترسل (بهدوء) : إحنا محاصرين الجزيرة كويس أوى

مستر فاى (منزعجاً) : جزيرة !!!! فيرد أدهم بيه (بهدوء) :

مش قلتلك إحنا عارفين كل حاجة، و راصدين كل تحركاتك، مش ناقص إلا إحنا ندخل نجيبكوا ونرجع، ه استنى ردك وياريت م تستناش تعليمات الراجل الكبير لإنك مش ه تلحق

يخيم الوجود الشديد على وجه مستر فاى وقد إزداد توتراً و ينهى أدهم بيه المكالمة ويبقى مستر فاى فى توتره والذى يخبر فريقه (بإستسلام ويأس) بإنكشفناهم للجهات الأمنية

يحيى : إزاي

مستر فاى : معرفش إزاي ،، بس المهم إحنا إنكشفنا وهما محاصرين الجزيرة

يحيى : يعنى خسرنا المعركة !!!!!

كابتن جلال (بأسى) : خسرنا المعركة يا دكتور !!!!! بعد م ضحيت بشغلى

ريهام : بعد المجهود والتخطيط ده كله !!!!!

على ما يبدو فإن الآمال الكبيرة ستبدأ فى الإنهيار، فقد ترك كابتن جلال أسرته وضحى بكل ما هو غال، ضحى بعمله الذى لا يحلم به كثيرون، كما هاجر يحيى وهشام وريهام تلاميذ دكتور باسل والملقب بالأستاذ، هاجروا لتحقيق آمالهم التى لم يستطيعوا تحقيقها بعملهم،

كما ضمت الوكالة عادل المساعد الوفي لهم جميعاً ولالأستاذ على الأخص فهو من يُعَدُّه ويحنو عليه ويوكل إليه بعض المهام التي لا يُوكِّلها لأحد غيره، كى يبت فيه الثقة، كما ضمت الوكالة منصور وسعيد للدليفري وهما عنصرى حركة على مستوى على من المهارة يرن تليفون مستر فای فيفتح الخط، فنرى فم نفس الرجل نفسه يتحدث : إنت إنكشفت يا دكتور باسل

• صحيح !!!!!!! قالها مستر فای (بسخرية) ويسترسل : دا أنا خدت يمين مستقيمة، على باك سمرسونت، على رمى ع الإحبال، على ضربة حرة مباشرة مع سبق الإصرار والترصد، وإنت لسه صاحى بتبلغنى دلوقتى !!!

• خد الكمبيوترات والولاد وإهرب بأسرع ما يمكن وبأى شكل  
• طب مفيش خطة للهروب يا كبير  
• مفيش خطة يا دكتور، الموضوع مفاجئ فى حد عارف تحركاتك وبلغ عنك إنت بالتحديد، مفيش وقت إتحرك بسرعة  
• يعنى مخلتنيش أعرف إنت مين طول الفترة دى وكمان مفيش خطة للهروب !!! كملت

فيرد صوت الرجل (بتوتر) :أنا زيبى زيک م اقدرش أعملك أكثر من كده، معنديش أوامر، ويسترسل (بتأثر وجدية) : أنا كمان معرفش مين إالى فوقى ويبيدنى التعليمات، بس كل إالى أقدر أقولها لك خلى بالك من أنيتا، حاول ترجع بيها، دى عملها نادرة، مفيش زيبا كثير !!  
نبقى مع فم المتصل ويبدأ الكادر فى الإبتعاد عن فمه شيئاً فشيئاً، فيظهر شوكت بيه مدير أمن شركة الطيران الذى يسترسل : المهم إن كل واحد فينا بياخذ نصيبه

## منزل شوكت بيه

حيث يُمسك شوكت بيه موبايله، ويتصل بمهندس الصيانة أيضاً :  
عاوزك تسيب البلد وتسافر فوراً  
• وأنا لسه ه استنى يا شوكت بيه أنا حسيت بالمراقبة إالى عليا أنا  
فعلاً داخل ع المطار

## بمقر وكالة فاى

مستر فاى يفكر تفكير عميق بالأنتريه  
يحيى : أكيد إالى كلمك دا الراجل الكبير  
مستر فاى : مش مهم، إحنا ه نتصرف لوحدنا : "يحيى" ،، ينظر إاليه  
يحيى منتظراً تعليمات أستاذه فيسترسل مستر فاى : إتصلى بالخواجه  
سانشيز وخليهم يسلموا ماركو  
يحيى (باستغراب) : ودا أقوله إيه دا يا دكتور  
• إتصرف قوله أى حاجه  
• طب مفيش خطة للمكالمة يا أستاذ  
• يعنى أنا كت خطة للهرب عشان أديك خطة للمكالمة !!!! قالها  
مستر فاى (بسخرية)

يرفع يحيى السماعه ويتصل وهو يعلم تمام العلم بصعوبة الموقف  
يحيى : خواجه سانشيز حبيبي أهلا ويسترسل (مبتسماً) : لأ، لا شكر  
على واجب، كلك زوق، لا والله دا كتير عليا، شكراً، شكراً الله يخليك  
إحنا م عملناش إلا الواجب، شكراً  
مستر فاى وفريقه يتعجلون يحيى ويشير هشام إاليه بيديه كى ينتهى  
ويدخل فى الموضوع وتشير ريهام إاليه فى الساعة بإصبعها كنايةً عن  
أن الوقت يجرى فيسترسل يحيى بالمكالمة : شكراً  
يحيى (بنزفة) بعدما فرغ صبره : ف عرضك إدينى فرصة أتكلم،





## منزل شوكت بيه

يرن تليفون شوكت بيه فيفتح الخط ويتحدث وهو متضائل أمام الكبير (الذى لا يعرفه) : كويس إنك إتصلت يا كبير، مستر فاى إتكشف يا كبير

نسمع صوت يتحدث ومنديل على السماعه وكأنما شخص يريد تغيير صوته قائلاً (بضجر) : وائنت بلغتُه ليه؟؟

• كنت ب انبُه يا كبير ،، قالها شوكت بيه (بتردد وبصوت منخفض)  
• ومن إمتى ب تتصرف من غير ما يجيلك تعليمات ،، قالها الكبير (بصوت عالى)

• دا كان ه يقع هو و فريقه كله والطيار إالى كنت حضرتك مصمم تَضُمُه للفريق

• م يقعوا،، إحنا عاوزينهم يقعوا كلهم، حتى الطيار ،، قالها الكبير (بصوت عالى) مُعَفِّفًا شوكت بيه ويسترسل : م تتصرفش من دماغك تانى، وتقل موبايلك وماتردش عليهم، سمعت الكلام وتقل موبايلك، ويغلق الكبير الخط

## وبمقر وكالة فاى وبحديقة الفيلا تحديداً

يحاول كابتن جلال الإتصال برقم، ولكن لارد، فنلمح على وجهه علامات التشتت،، لحظات وينطلق جرس هاتفه المحمول كاسراً إنتظاره، فينظر فيجد رقم والده مكتوب على الشاشة، فيفتح الخط فوراً ودون تردد وكأنما إنتظر تلك الرنة طويلاً

والد كابتن جلال (بلهفة) : إنت فين يابنى، كابتن جلال (بإستسلام وضعف) : أنا فى ورطة، سامحنى، وتبدو علامات التأثر على قسمات وجهه بوضوح

مستر فاى ومن معه يحملون حقائبهم ويجرون خارج الفيلا بتخبط، فيقع مستر فاى (يتكبل) لم يتأتى وقوعه من فراغ بل كنتيجة حتمية لحيрте وقلقه بالإضافة إلى سنه الذى لا يساعده، وينظر إليهم أمامه وهم يجرون

يلتفتوا إليه بحب وعطف، فيعود عادل إليه مسرعاً دون أدنى تفكير، ونجد يحيى تلميذه المدلل وأقربهم إلى قلبه، يلتفت إليه ويفكر لثانية واحدة ثم يعود

فينصحهم مستر فاى نصيحة الأب المحب لأولاده : إجروا إنتوا، مالكوش دعوه بيا، يصل إليه عادل سريعاً ويبدأ يأخذ بيده : مش ممكن نسيبك يا دكتور، بعدها بلحظة، يقترب منه يحيى ولكنه لا يصل إليه

تقتحم فرقة عمليات خاصة الفيلا وتهجم بكثافة ويبدأوا بإطلاق النار فى الهواء لتشتيت تفكيرهم

فيكرر مستر فاى نصيحته : إجروا إنتوا مالكوش دعوه بيا إجروا!!!!  
ينطلقون جميعاً فى حزن شديد ويتراجع يحيى ويجرى بعيداً، ولكن لا يتركه عادل الوفى وهم ينظرون إليه بحسرة وهم يجرون بعيداً  
تهاجم القوات الفيلا، وتلقى القبض على دكتور باسل (مستر فاى) وعلى عادل

تتبع مجموعة من القوات باقى فريق مستر فاى داخل الغابات المجاورة وتلقى القبض عليهم واحداً تلو الآخر، وأخيراً يظهر مستر فاى وعادل مكبلين داخل طائرة عسكرية

ويدخل جزء من القوات للفيلاء لتقتيشها وما هى إلا لحظات، حتى نرى كافة أعضاء فريق مستر فائ مكلين داخل الطائرة العسكرية بعد مطاردة بالغايات، ويذهب جزء من القوات يتجه للطائرة المختطفة لتحرير باقى الرهائن

### وبداخل الطائرة المختطفه

رجل من القوات : تقدرنا تشيلوا الأفتنة  
ثم يشير للفتاة ذات الرداء القصير : ما عدا إنتى لحد ما تشتري حاجة  
تسترك ثم ينظر لأنيتا : إنتى إتفضلى معايا إنتى مطلوبة بالإسم  
ينظر مستر فائ وفريقه من شباك الطائرة العسكرية من على إرتفاع  
قريب فوق سطح الجزيرة بحسرة وينظر يحيى لمستر فائ : أنا عارف  
إيه إالى حازز فى نفسك

ينظر يحيى لمستر فائ نظرة خبيثة ويغمز له، ينظر فريق مستر فائ  
إليه نظرات متباينة منتظرين رده، ينظر مستر فائ ليحيى فيتحول  
وجهه من الحزن إلى الإبتسامة إلى الفرح إلى الضحك فيضحك فريق  
مستر فائ جميعاً، وتعلو ضحكات مستر فائ بصورة هستيرية ويتبعه  
فريقه بضحكات عالية جداً وسط إستغراب القوات الخاصة

## (١٠) التكريم

قاعة إحتفالات الشرطة مساء يوم الإختطاف  
عدد كبير من الحضور وعدد كبير من الضباط بالقاعة وبالصف  
الأول سيادة معالي وزير الداخلية وكبار القيادات ومسئولى شركة  
الطيران ودكتوراه عايد

يقدم سيادة الوزير شهادة تقدير للمقدم أدهم ويُقَلِّدُه ميدالية حول رأسه  
ويصافحه ثم يتحرك مقدم أدهم إلى يساره ليسلم على محيي باشا الذى  
كلفه بالعملية، فَيُخْرِجُ مقدم أدهم من جيب جاكيت البدلة تمثال أوسكار  
ذهبى بحجم شبر ٢٥ سم تخرج معه جزء من بطانة الجيب الكبير

مقدم أدهم (بإبتسامه) : الترزى وسع الجيب زيادة شوية !! ويُناوِلُ  
التمثال لمحيي باشا ويبتسم الإثنين ويدور بينهم حوار ودى لثنائى  
قليلة، ويبتسم اللواء شاكى بجوارهم، و نرى دكتوراه عايد مبتسمة وسط  
الحضور بالصف الأول، ويشير إليها أدهم بيه من على المسرح  
بعلامه النصر وتهز رأسها بالإيجاب بإبتسامه خفيفة

وبالقاعة، يشير المنتج بقلق للمخرج : ألا التمثال دا ذهب !!!!  
فيهز المخرج رأسه يميناً وشمالاً بالسلب، فيتمتم المنتج الذى إشتري  
الرواية أن الحمد لله، لحسان هى مش ناقصة تكاليف ، يستمر المخرج  
والمؤلف فى أكل الفيشار

يتوجه كابتن جلال علام (مقدم برنامج طرائف وعجائب) ليصعد على  
المسرح ويده موسوعة جينيس فيتوجه لفاضل بيه ليكتب فيها فاضل  
بيه الحدث بيده وسط إبتسامات شاكى بيه وأدهم بيه ويشير أدهم بيه  
لفاضل بيه بيده كأنما يقول له "إكتب" فذاك هو ما وعدت به

مقدم أدهم (لفاضل بيه) (بسخرية) : كنت شاكك ،، أه  
فيرد فاضل بيه (بإبتسامه) : بصراحة مكنتش باين عليك، تعرف يا  
أدهم بيه

مقدم أدهم (مقاطعاً) : خیر یا فاضل بیه ؟  
فاضل بیه (بإبتسامة) : أنا لسه مش مصدق لحد دلوقتی !!  
مقدم أدهم (بهزار) : إیه !!! أقرصك، ولا أديك رصاصتين فی دماغك  
عشان تصدق إنها حقيقة

## (١١) النصر

الشمس ساطعة بصباح اليوم التالي لتحرير الطائرة تَنفُذ عبر زجاج حُجرة مكتب ونرى جريدة على مكتب بها مانشيت كبير : "القبض على خاطف الطائرة وتحرير كافة الرهائن"  
و ورقة على المكتب مكتوب عليها بخط اليد  
وكالة فاي الدولية للتوريدات / Fi Agency

ريو دي جانيرو البرازيل	القاهرة مصر	روما إيطاليا	لاجوس نيجيريا	مانيلا الفلبين
جوليو ألدو سيزار	دكتور باسل	ألتو مارديني	إتو إنيامبا	مايك جوناثان

نرى يد سيدة تتجه بقلمها إلى الخانة المكتوب بها "مصر" وتشطب بقلمها على إسم دكتور باسل بعلامة إكس X كبيرة ، وتكتب إسم جديد مكانه فتكتب "دكتور شامل" وكأنما تستبدله لإدارة الوكالة في مصر

تبتعد الصورة تدريجياً عن القلم وعن سطح المكتب خروجاً تدريجياً إلى باب الحجرة ومن ثم إلى خارجها والإبتعاد عنها شيئاً فشيئاً ونرى مكتوب على باب الحجرة  
"دكتور عايد"

"أستاذ ورئيس قسم البرمجيات  
والتكنولوجيا"

وتتخفص الإضاءة تدريجياً  
وهنا على الخط الموازي نجد المنتج بقاعة السينما يهله فرحاً وحرناً ،،

فِرْحاً بأن دكتورَة عايدة التي تقاضت الكثير عن دورها كضيفة شرف بطلب من المخرج، ما من أحد سواها ليقوم بذلك الدور المتميز ، فهي المتألّفة دائماً ، الهادئة ، العقل المدبر الذي لا مثيل له وحرزناً على إنهاء المبادئ التي علمتنا إياها

فقد كان المنتج في أول الأمر حريصاً على إسناد الدور لممثلة غير معروفة حيث أنه دور ثانوى كضيفة شرف، توفيراً للميزانية، إلا أن نظرة المخرج كانت أوقع وأعمق، فتلك النجمة التي عُرفت بأدوارها الملزمة، كانت أساساً لإقناع الجمهور بعبدالتها ومبادئها، كى يكون وقع الحدث والخدعة على الجمهور أشد، فالمخرج مخضرم لا محالة، فقد ذهب بنا جميعاً إلى إحتمالات أخرى، إلا أن تكون دكتورَة عايدة هي العقل المدبر وراء تلك الأحداث !!!!

### عزى القارى

،

،

مهلاً

،

،

لم يُسدل الستار بعد، يمكنك إحتساء فنجان الشاي الذى أمامك لنستكمل (سويًا)

قصتنا التي لم تنتهى بعد ف الكثير والكثير فى إنتظارنا ، هل نسيت كلمات السيد عطارذ أو الحكيم بأن المفاجآت ستنزى كالصواعق واحدة تلو الأخرى

## ف قبل ثلاث سنوات من إحتفالية شركة ستار إير لاينز بمكتبها

جلست دكتورة عايدة وأمامها مراد بيه الصفتى الملياردير المعروف،  
نعم مراد بيه والد نادين المضيفة، جلسا يحتسيان القهوة فيبادر مراد بيه  
(بنرفزة) :

• شوفتى إالى عمله أخوكى يا عايدة أنا، أنا يتحدانى وعاوز ينزل  
الإنتخابات قصادى، مكفهوش المرة إالى فاتت صرف أد كده وبردو  
مقدرش عليا، بيعيدها تانى !!! ولزمتها إيه الدوشة دى كلها ما أنا  
ه أزيحه المرة دى كمان، وهى صعبة عليا، مش يخليه فى البنزس  
بتاعه، ولا أضيعهوله

• والله زمان يا مراد، وحشتنى نرفزتلك ،، قالتها د. عايدة بإبتسامة  
واثقة

تدخل نرمين مراد الصفتى (الأخت الصغرى لنادين) إالى مكتب دكتور  
عايدة تلك الفتاة الجميلة الهادئة الطبع بالسنة الدراسية الرابعة والأخيرة  
بالمعهد العالى لتكنولوجيا المعلومات

• بابا إنت هنا وتتنظر لدكتور عايدة قائلة لها : أهلاً يا دكتور  
• أيوه، قلت أعدى أسلم ع الدكتور وأطمئن عليكى يا نرمين يا  
حبيبتى، إيه مروحه دلوقتى

• أنا مش مروحه يا بابا، أنا رايحه أقابل نادين فى المطار راجعه من  
بروكسل وجايبالى حاجه تجنن معاها، لما أرجع البيت ه أوريها لك  
تنصرف نرمين مبهجة ويسترسل مراد بيه :

• كان أدامى أسفرها تدرس بره بس بصراحة لقيت نفسى مش  
مطاوعانى أسيبها بره لوحدها، وكنت متأكد إنى ه أبقى مطمئن  
عليها وياكى



- عازوه تقولى إيه يا عايده !! قالها بتعجب
- إنت بفلوسك وعلاقاتك، وأنا بترتيبى وإدارتى للوكالة
- وكالة !!!!
- وكالة ، ه تشتغل فى التجارة فينظر إليها مراد بعينين ثاقبتين منتظراً توضيحاً دقيقاً ومفصلاً لما تفكر فيه، فتسترسل دكتوراه عايده : وكالة ه تشتغل فى كل حاجه، مشروعة، أو غير مشروعة،، تلحظ دكتوراه عايده قسامات وجهه المندھش، فْتُبادر : مش جديده عليك يا مراد، أنا متابعاك ومتابعه الناس إلیى بتهاجمك بتقول إيه، وإن كان نُص إلیى بيقولوه، غلط، فالأ، نُصه، صح، ينظر إليها بإستياء وكأنما لا يقبل تلميحاتها، وعلى ما يبدو أيضاً أنها أكثر رغبة منه فى أن تبدأ فى مشروعها الذى تستطيع من خلاله أن تحقق المال والإنتقام من أخيها فريد الأسيوطى فتسترسل بقوة ووضوح : أنا عارفه، وناس كتير عارفه، إنت بنتشتغل فى إيه، وزيادة الخير خيرين
- عازوه تقولى إيه يا عايده !!
- ندخل فى المفيد ؟ فيومئ برأسه بالموافقة
- تجارة ه تكسبك جامد والمكسب مش بس فلوس يا مراد، لأ، وكمان تخلصك من أعدائك إلیى مش عاجبينك، فينظر إليها منتظراً تفسيراً لتلك البُشرى التى قد تتيح له الخلاص من أعداؤه (الكثيرين)
- طول عمرنا نسمع عن الحوادث إلیى زى حادثة نرمين دى فى المجالات، فى التليفزيون، محدش بيحس بالمواقف دى إلا لما يعيش فيها، الواحد ممكن يدفع إلیى وراه وإلیى قدامه عشان يفتدى إلیى ببحبه
- مصممة تقلى عليا المواجه
- ماهو دا الشغل

- إيه ه نخطف عيال ولا إيه يا عايدہ!!!! قالها بسخرية
- لأ طبعاً خطف العيال حرام، إحناااا ه نشتغل فى القرصنة،،  
فينظر إليها مراد متعجباً وتتناول هي رشفة قهوة من فنجانها  
وتسترسل : القرصنة الجوية
- "عايدہ" !! ،، قالها مراد بيه بإندهاش وسخرية وهو يضع الفنجان  
على المكتب ويسترسل : وإنتى تفهمى إيه فى الطيارات ولا
- إنت ناسى إن ااا كابتن جلال فريد الأسيوطى يبقى ابن أخويا !!  
قالتها مقاطعة ، فيهز رأسه بالسلب وكأنما يقول "مش ناسى" ويرد  
بسخرية : وإيه يعنى وهو إالى ه يشتغل يعنى !!!!؟؟
- لأ طبعاً جلال يتساق لكن مايسوقش، تربيته ماتسمحوش يعمل  
حاجه زى كده، جلال مجرد سلة معلومات بس يا مراد، وبعدين  
إنت ناسى إنى كنت تانى العالم فى الشطرنج
- عارف طبعاً، الشهادات منوره ع الحيطه أهه، ويشير بيده إالى  
الشهادات ويسترسل : "عايدہ" ممكن توضحى أكثر وماتتقنيش،  
قالها بفروغ صبر
- وكالة عالمية بفروع كثير، وتشير بيدها اليمنى بالعرض وكأنما  
تكتب مانشيت عريض بصدر صحيفة وتسترسل : متخصصة فى  
خطف الطيارات، والناس إالى ضميرها ضايح كثير، وبعدين إحنا  
مش ه نوقع طيارات، إحنا ه نخطفها بس
- بس!!!!!!

- أيوه نبيع أعضاء ماشى، حد عاوز يخطف حد، نتتبع رحلته منين لفين ومن التكييتج،، فينظر إليها مراد بإستغراب وكأنما يريد أن يسأل فتسترسل هي بعيون نافذة : كله بالفلوس، ونجيبه، ودى ه تقيدك إنت شخصياً، أكيد عاوز تجيب ناس كثير م إالى بيحاربوك، إنت فاكرا عملت إيه لما نيرمين إتخطفت من خمستاشر سنة وتسترسل : حد عاوز يفرج عن حد وعاوز يضغط على حكومة معينة نخطف طيارة للدولة دى
- دى أحلام يا عايد، طب إزاي وإنتى عندك التولز tools إالى تقدرى تنفذى بيها دا كله !!! لا لا دا كلام بعيد أوى،، فترد وكأنما قد أجرت دراسات تحليلية مستفيضة عن آلية التنفيذ، إنها لا تهذى ولا تُلقي بأفكار على سبيل الدردشة وإضاعة الوقت !! بل فى تنفيذ فعلى وللوقوف على آلية إنشاء الوكالة فعلياً،، فتسترسل : من خلال نظام صوتى ع الطيارة من خلال إختراق الإذاعة الداخلية أو وای فای ساوند سيستم بالميكروفايبر، الخاطف يقول إنه مش ع الطيارة، معنى كده، مفيش مواجهة، يعنى مفيش خطر، محدش ه يفكر يضرب نار لإن العدو مش ظاهر، حتى لو كان ع الطيارة أى حد على أعلى مستوى أمنى،، ينظر إليها بإنبهار منتظراً ما ستسترسل به فنقول : ماسكات تتحط مكان أقنعة الأكسجين قبل الرحلة عطول، الركاب يغيروا أماكنهم ينظر إليها بإنبهار

فقد بدأ يستشعر، بل ويقتنع بأنها مسيطرة تماماً على خلفيات الموضوع لديها دراسة للموضوع برمته تكتيكاتها شطرنجية من الطراز الأول لا تليق بمركزها **الثانى** على الحائط من الإتحاد الدولى للشطرنج والذى ربما أخطأ (والتي ألمح إليها ذلك الفلكى/جميل عطارى عندما تحسس ماكيت الطائرة مشيراً إلى رقم ٢) بل هى أحق من الروسى المخضرم فيشر ، فيتسائل مراد بيه عن كيفية ذلك، فتجيبه : كله بالفلوس، الطيار، مهندس الصيانة، المضيفة، إنت بفلوسك وأنا بالتكتيك والإدارة ،، فينظر إليها بتعجب فتسترسل : كل واحد فيهم بعد العملية يسألوه ه يحكى الحكاية بالسنياريو إلى ه نقولهوله، ويبقى مجرد شاهد ومجنى عليه، يعنى يقبض ويعتبر شاهد كمان، يعنى مش ه يفقد وظيفته، فأكيد ه يوافق على صفقة زى دى، وتسترسل بمنتهى الثقة : بتشك فى قدراتى يا مراد !!

- أبدأ طول عمرى أعرف إنك داهيه بس ماقلتيش إيه علاقة كل البيزنس إلى حكته ده بفريد أخوكى، فريد مقاتل، يتهزم، يقوم تانى، تخبطه، يقوم ويكُون نفسه، فريد عاوز صدمة نفسية مايقومش منها، ينظر إليها بإستغراب،، عاوز تعرف، أه، أنا ه أضم جلال للمنظومة، وطبعاً محدش ه يعرف مين إلى بيدير الوكالة، وفى الوقت المناسب، نوقّع المجموعة إلى فيها جلال وساعتها، فريد مش ه يبقى فاضيلك

• أيقن مراد بيه بأن الموضوع جدى فهو لا يتحدث مع هاوية بل مع قرصان محترف، قرصان لا ينقصه إلا الفانلة السوداء والتي تحمل علامة القرصنة، فلا ينقصهم إلا إبرام الإتفاق (الشفوى) بالطبع، فمثل تلك الشراكات الآثمة لا تعرف للشهر العقارى سبيلاً ولا للمحامين طريقاً، فيتسائل ليظمن على شركائهم وموظفيهم بالوكالة : ومين ه يشتغل فى المنظومة دى، إنتى تعرفى حد يقدر يقوم بالمهام دى كلها معاكى

• فتنظر إليه بمنتهى التركيز وبعيون ثاقبة ترد بمنتهى الثقة : عندى،، فيبادلها مراد بيه النظرات الحثيثة، فتسترسل : عندى الرجل المناسب، آسفه، وكأنما أرادت أن تصحح ما قالته، وتزيد من حدة نظراتها الواثقة مسترسلة : الرجل "العبرى" المناسب، وقد قصدت دكتور باسل بالطبع

• عموماً أنا مش ه أتدخل فى ترتيباتك دى كلها، تجيبى مين، تعملى إيه، أنا معنديش وقت

• نقول مبروك ،، نقولها عايده بإصرار وتقف وتمد يدها فيتصافحا

### ظهيرة يوم الإختطاف

تتلقى دكتوراه عايده إتصال، فإذا هو مراد بيه الصفتى

• إيه إالى بيحصل دا يا عايده، نادين ع الطيارة ،، قالها مراد بيه (بنزفة)

• هدى نفسك يا مراد، أى رحلة بنشتغل عليها بيبقى عندى أسامى طقم الطيارة كله، أنا عندى مصادرى الموثوق فيها

• آمال إزاي نادين ع الطيارة يا عايده !!!

- نادين راحت مكان زميلتها فى آخر لحظة، وإسأل بنفسك فى شركة الطيران، ودا مظهرش عندى، وخلاص كنا إبتدينا تنفيذ، بس ماتقلش خالص يا مراد، الطيارة مش ه يحصلها حاجة أنا متابعه الموقف كويس إحنا عاوزين الركاب، الركاب وبس
- أنا ماليش دعوة يا عايدته، أنا ه أتصل بفاضل بيه ،، ويسترسل (بنزفة) : وبوزير الطيران نفسه وأبلغهم إنى ممكن أدفع ثروتى كلها عشان خاطر نادين، وهما يتصرفوا بأه
- إطمن يا مراد مش ه يحصل حاجه خالص،، قالتها بصوت على فيرد (بنزفة) : بيقولوا إن الطيار كان عاوز ينزل بالطيارة فى البحر، إفضى حصل حاجه برا كل حساباتك إالى إنتى مخطاها، ها ه تعوضينى نادين، فترد (بهدهوء) :
- ماتخافش الطيار إالى ع الطيارة دى يبقى جلال، جلال الأسيوطى، ومش ه ينزل فى البحر، ويبدو التأثير الشديد على وجه دكتوراه عايدته، بس ه تبقى آخر رحلة ليه، دا سيناريو أنا إالى كاتباه يا مراد، وبكره تشكرنى لأن فريد مش ه يبقى فاضيلك، ه يبقى مشغول فى الفضيحة إالى ه يسببها له جلال
- ويبدو التأثير على وجه دكتوراه عايدته
- طبعا، م أنتى مش حاسه ب إالى أنا حاسس بيه دلوقتى، ما إنتى لو كان ليكى حد ع الطياره كنتى حسيتى ب إالى أنا ب أقوله دلوقتى ويبدو التأثير على وجه دكتوراه عايدته

## (١٢) الصاعقة

منزل دكتوراه عايده الرابعة عصرًا ، اليوم التالى لتحرير الطائرة  
دكتوراه عايده بمنزلها الفخم تقف بالفردة المطلة على النيل ترتدى  
روب فخم محتشم وتتنظر إلى السماء وعلى وجهها إبتسامة خفيفة  
إبتسامة فخر وزهو وإحساس بالإننتصار وتحقيق حلمها بالإننتقام من  
أخيها فريد الأسىوطى فى شخص إبنه كابتن جلال الذى تحطم بفقد  
وظيفته ومستقبله وأخيها الذى سيغرق فى غيابات تلك الفضيحة التى  
تورط فيها إبنه وسينشغل بها لىبتعد عن طريق مراد بيه الصفتى ووفق  
ما تم التخطيط له وتنفيذه بنجاح منقطع النظير بأيدى تلك الداھية  
دكتوراه عايده

تلك هى دكتوراه عايده، الأستاذة بالمعهد العالى لتكنولوجيا المعلومات،  
الإنسانة البسيطة التى إعتقدناها ملاكاً للرحمة والإنسانية والعدل،  
حريصة كل الحرص على تحقيق العدالة والإبلاغ عن زميلها القديم  
دكتور باسل، لا لشيئ سوى لتحقيق العدالة، ثم فوجئنا بالمشهد  
الأخير بأنها العقل المدبر لتلك الأحداث برمتها من بدايتها إلى  
نهايتها بلا ذرة رحمة وبلا هوادة، بل ومنتصرة إنتصاراً ساحقاً فى  
نهاية الأمر، فقد خدعت الكل، شوكت بيه، دكتور باسل، بل والمقدم  
أدهم والكل، لكن، هل ينتهى بها المطاف بهذا الإنتصار الكبير كما  
كانت بطلا عالمية بالشرننج، أم أن للقدر ترتيب آخر

ثم نراها على ترابيزة السفرة الفخمة تتناول الإفطار مع إبنتها الشابة  
الثلثينية حيث تبادر دكتوراه عايده بالحديث (بهدهوء) : إيه أخبار  
مجدى معاكى

الإبنه : كويس يا ماما

نراهم تارةً ينظرون بين الحين والحين لشاشة التلفزيون لمتابعة أخبار تحرير الطائرة المختطفة وتارةً يتحدثون وتارةً يتناولون رشفات من الشاي والنسكافيه

وعلى شاشة التلفزيون تتحدث المذيعة : ومما هو جدير بالذكر أنه قد تم تحرير الطائرة المختطفة في أقل من إثنتى عشرة ساعة تنظر دكتوراه عايدة بالطبق لتتناول زيتونة وتسترسل المذيعة بقراءة الأخبار، بينما نرى مقتطفات لتحرير الطائرة في الجزيرة ولحظة القبض على مستر فاى وفريقه

وتسترسل المذيعة : ف بالرغم من نجاح عملية تحرير الطائرة إلا أن النهاية المأساوية كانت من نصيب إثنين من الركاب فكانوا من الضحايا الذين تم إختطافهم من على متن الطائرة قبل تحرير باقى الركاب وهم لرجل يدعى شمندى ولد عبد الستار ويحمل الجنسية المصرية، وتظهر صورة شمندى على شاشة التلفزيون، وتسترسل المذيعة : ولطبيب مصرى يحمل الجنسية الكندية ويدعى "حازم حمدى على شهيبي"

ترفع دكتوراه عايدة نظرها لشاشة التلفزيون فى ذهول ونسمع صدى الصوت يرن بقوة على أذن دكتوراه عايدة التى تتلقى سماع الإسم كالصاعقة

صدى الصوت القوى الرنان : "ويدعى / حازم حمدى على شهيبي" يرن جرس موبايل دكتوراه عايدة الموضوع على الترابيزة ففتح الخط فنسمع من يقول : البقاء لله شد حيلك يا عايدة ،، إنه الملياردير مراد بيه الصفتى

وتظهر صورة الطبيب الشاب على شاشة التلفزيون والتى تحدد بها دكتوراه عايدة، يسقط الموبايل من يدها على الترابيزة

فنسمع صوت مراد بيه الصفتي عبر الموبايل وهو يقول : عايده ،،  
عايده ،، إنتي سمعاني ،، سمعاني يا عايده

وتسترسل المذيعه : والحاصل على درجة الدكتوراه من جامعة  
مونتريال، وبحسب إقرافات الخاطف فإنه تم تسليم الأول لطالبي  
الثأر منه وتسليم الثاني لتاجر أعضاء بنفس المدينة التي هبطت بها  
الطائرة وتم نقله على الفور لإحدى المراكز المجرمة والمتخصصة في  
تجارة الأعضاء البشرية

يخيم الذهول على وجه دكتوراه عايده وهي تُحدّق نظرها بشدة لشاشة  
التلفزيون والذي تعلوه برواز بطولة العالم للشطرنج والتي حصلت  
فيها على المركز الثاني، ويظهر بها رقم ٢ بوضوح فوق إسمها وهو  
الرقم الذي ذكره ذلك العراف بالقناة الفضائية محلاً للموقف، وتحتها  
رقة شطرنج وتوقيع رئيس الإتحاد الدولي للشطرنج

ومرة أخرى نسمع صوت مراد بيه الصفتي عبر الموبايل الملقى على  
الترابيزة وهو يقول : عايده ،، سمعاني يا عايده

وتسترسل المذيعه على الشاشة : وأنه قد تم تنفيذ عملية نقل عدد من  
أعضائه فور وصوله للمركز على أن يتم التخلص من الجثة فوراً  
وذلك بحسب إقرافات الخاطف والذي إقراف بأن تلك العملية لم تكن  
بعلم الرجل الكبير وفقاً لأقواله

نسمع صدى الصوت يرن بقوة على أنن دكتوراه عايده التي تتلقى  
الكلمات كالصاعقة صدى الصوت القوى الرنان "وذلك بحسب  
إقرافات الخاطف" ،، "وذلك بحسب إقرافات الخاطف" ،، "إقرافات  
الخطف"

نسمع صوت مراد بيه الصفتي عبر الموبايل الملقى على الترابيزة وهو  
يقول : عايده ،، سمعاني يا عايده



دكتور باسل (مستر فاى) : إيه الوطنية إالى نزلت عليك فجأة دى الشغل مافيهوش عواطف ولا حدود "لازم يبقى قلبك ميت" "لازم يبقى قلبك ميت"

نتذكر مشهد الرجل العجوز بالطائرة ينصح الطبيب الشاب من وراء الماسكات والذى إتضح فيما بعد بأنه دكتور حازم الرجل العجوز : ياااه ، جاى المشوار دا كله وماتعديش على أهلك والتي نسمع رنينها مرتين "وماتعديش على أهلك"

نتذكر مشهد دكتور عايده مع دكتور بئينه عن دكتور حازم دكتور عايده (بأسى) : كان بيحصر لها من ست شهر فى جامعة مونتريال، بس لسه ما قليش عمل إيه دكتور بئينه : يااه، ومكلمكيش من ست شهر والتي نسمع رنينها مرتين "ومكلمكيش من ست شهر"

نتذكر مشهد الملياردير مراد الصفتى وهو يؤنب دكتور عايده "طبعاً م أنتى مش حاسه ب إالى أنا حاسس بيه دلوقتى ما إنتى لو كان ليكى حد ع الطيارة كنتى حسيتى ب إالى أنا ب أقوله دلوقتى" والتي نسمع رنينها مرتين "ما إنتى لو كان ليكى حد ع الطيارة كنتى حسيتى ب إالى أنا ب أقوله دلوقتى"

ينظر المنتج إالى وجه دكتور عايده قائلاً بشماتة وهو ينظر للمخرج والمؤلف الذين يتناولون الفيشار : لا، تستاهل، بعد إالى عملته دا كله، تستاهل، دا كفاية إيجار الطيارة، إحنا دافعين كام لحد دلوقتى، فكرنى كده، وبعدين لما جلال بيه عنده طياره، طب كنا أجربنا منه وكان ريحنا شويه فى الإيجار ويتعد الكادر

وهكذا يسدل الستار على القصة التي بدأت كوميدية بكامل صفحاتها حتى المشهد الأخير، تراجيدية مأساوية باللقطة الأخيرة والتي غطت بمأساويتها وحِدَّتِها على أنيتا وخفتها، وشمندى وثأره، وفرنانديز وشهرته التي فاقت ميسى ومستر فاى بطل قصتنا الذى سيستبعده المؤلف بالجزء الثانى حتماً، وسانشيز الذى يطلب واسطة للتعيين بالمافيا بالإنترفيو، وتمثال الأوسكار، وجيب الجاكتة، بل وماريا شخصياً وبورنيطتها المكسيكية، وزد على ذلك المستشار الألمانية وتدخلها للإفراج عن أنيتا

\*\*\*\*\*

تمت بحمد الله وتوفيقه

فصول القصة

نهاية الحلقات ٧-٥ *****	الصفحة	عنوان الفصل	فصول القصة
	٥	(١) الحفلة	الأول
	١٣	(٢) الصدمة	الثاني
	١٨	(٣) التكليف	الثالث
٥٠ ، ٢٥	٢٤	(٤) الخدعة	الرابع
	٥٤	(٥) فريق مستر فاي	الخامس
٧٥	٦٥	(٦) المطالب	السادس
	٨١	(٧) رحلة المكسيك	السابع
١٣٤ ، ١٠١	٩٩	(٨) الشهادة	الثامن
١٥٧	١٤٢	(٩) إحذر ، أنت مراقب	التاسع
	١٧٠	(١٠) التكريم	العاشر
	١٧٢	(١١) النصر	الحادى عشر
١٨٧	١٨٢	(١٢) الصاعقة	الثانى عشر

إقرأ للمؤلف :

- دليفرى
- الأسرة الرابعة
- غوانتانامو / هل نبدأ الحرب
- كاميرا ١٠
- ينشر قريباً إن شاء الله
- ينشر قريباً إن شاء الله
- ينشر قريباً إن شاء الله

كما نعد القراء الأعزاء بأعمال جديدة أخرى وكاميرا خفية خلال عام ٢٠١٨ إن شاء الله